

放觀網崇科群 **幽雲四敬題**


靜修法師 科釋














 \mathcal{L}

静修法 師師

科著釋作



教觀綱宗科釋序文

之 之旨 大教 敎 流 云 妙 智 經 更 南 0 於 悟 將 北 0 0 0 0 0 代 或宗 自 有 治 孰 偏 漸 諸 東 0 0 世 漸 成 晦 聖 T 脋 能 害 中 師 一之道 教 法 經 或 弘宣 大 辯 圓 而 0 家 師 不 群言 1 分二 0 無 0 而 罄 爲 明 潰 如 論 紛 義 0 0 不 之蕪 來 時 東 非 無 0 然 趣 0 0 柳宗 莫不 仲 不 昭 設 與 者 土 三 興 他同 迦 尼 盡 若 塞 化 時 起 0 之道 白謂 代 文 則 天 元 0 0 0 0 弘其道者 者 俾 乃 或 \equiv 日 前 有 K 皇 權 彰 握 至 祖 其 反 0 0 0 良 去 依 因 靈 PU 實 聖 五 承 人 聖 代 有 理 龍 教 以 珠 時 名 0 之制 彰 樹 之旨 之殊 自 逾 隱 0 以 匠 而 代不 之 也 遙 晦 而 揮 0 魏 或思 至晉 彌 偏 心 歸 0 0 0 0 0 乏人 異 寢 圓 傳 或 大 平 筆 而 端 師 立 而 H 立 出 0 0 0 0 不 辨 循 0 滅 唯 世 奚 74 略 並 神 迄唐末 彰 宗 後 起 法 從 0 吾 本 知 衿 華 使 聖 懷 競 敷 五 0 0 0 0 之妙 宗 之旨 弟 唯 出 祖 共 逐 揚 五代 世 代 子 天 天 執 判 0 0 台 之道 教 旨 台 章 以 瓦 而 0 代 礫 安 大 觀 大 更 及 教 0 0 有 師 悉 立 師 難 以 聖 義 0 __ 0 高 結 得 非 歸 作 教 五 音之異 未 以 0 麗 於 時 備 集 TF. 大 靈 窮 至 而 遺 其 師 究 諦 正 八 Ш 寶 爲 0 師 傳 則 教 矣 言 0 親 頓 由 0 0 準 = 故 承 以 或 宋 漸 0 0 0 0 大部之 梁 判 不 迄 編 以 乘 權 述 不 是言 爲 几 內 釋 大 有 礙 疏 定 陳 部 教 翰 蘇 東 聖 實 通 0 0

得因 是不 可 觀 别 書 祖 旨 0 • 謂 發 則 0 0 教 嘆 出 惴 斯 爲 明 教 而 有 教 觀 云 典 翦 其 海 四 判 儀 解 並 0 之司 要 教 有 教 四 栖 而 明 敢 得 各 收 教 卷 0 行 0 0 大體 經之方 窺 隨 南 具 無單 儀 0 0 期達 文分 俾 Щ + 出 而 0 一隻之弊 禪 門堂室 旣 於 乘 知 0 科 陳 門之關 權 而 初 0 0 披議 明 台宗 其 機不 0 實 0 逐 而 餘 雖 16 0 0 者哉 是以 句 異 晦 細 鍵 小 所 無 儀 大 略 目 也 以 小 0 0 -欲 釋 未 0 偏圓 則 發 指 補 加 廣 第以 備 月 各 有 軫 0 0 之目 其 而 有 部 錄 但 0 0 傳 名 上 文 有 刨 出 僅 所 科 智 歸 明 0 顯 相 拓 0 0 誘諸 釋者 判 則 判 者 而 教 0 0 令 禪 釋 義 釋 約 觀 • 宗 之方 開 教 行 識 初 0 深 爲 意 學 卷 證 明 頓 自 昧 0 之軌 辭 位 0 在 瞭 漸 行 0 0 此焉 咸 然 略 名 化 則 且 0 他之要 教 於 獲教觀之旨 可 0 而 0 而 莫不 童 意 四 觀 觀 0 0 修 豪 廣 教 而 道 綱 自發 各 宗 未 類 部 0 畢 0 次乃詳 雖 備 分 不 甚 相 -得不 於 六郎 自 完備 心 旭 0 0 聽 具 所 斯 祖 殊 識 講 尙 自著 要 辨 作 0 0 0 解 皆 約 論 壅 是 以 五 也 行之 以 來 釋 具 門 化 時 0 0 由 義 論 法 茲 通 旭 0

方

而

E

0

曷

以

士

民

或

二十年歲次辛未二月台宗後裔靜修書於雲居聖水之禪

字

敎 觀 將 綱宗 釋 此書 、大分為二。初釋題、次入文。初又二、初法題、二人題、今初

今家釋經 0 就五玄中、釋名第一 、先以五玄釋題、次以十義 辩 體第二、明宗第三、論用第四、判教第五。釋名又二 通文。此書義屬論藏 以以 經 例論 、寧 得 遠乎

、初定名、二解釋。今初。

定名者 然以法喻 復煩述。今題四字、既不屬人、亦非單法 、三藏名題雖多、立名不外七種。所謂單三、複三、具足一 立名也。教觀是法 、綱宗是喻、法通一代五時、喻局四教四觀 、單喻、與夫人法人喻、及以具足 茲如常釋 、名題既彰 則 不 顯

、則大義可了然明白矣。

解 釋 為二 、初分釋 、二合辯。初又二、初釋法、二釋喻。初又二、初教、次觀

今初

說 迷 緣 文字 言 敎 顯 者 開 以 以 論 0 直 澋 成 者 三 世 此 語 應 實 示 0 0 指 於 說 悟 言 機 教 方 言 解 -1 --悉 設 是 體 無言 妙 敎 授 餘 衆 Ŧi. 入 -• 覺 教 以 佛 乃 天 也 記 所 生 0 -說 物 果 作 及 初 之 不 清 屬 轉 • • -機 海 訓 教 耳 佛 種 成 知 堪 淨 聲 凡 中 之所 誨 復 種 TE 見 在 根 塵 成 0 0 --化 之詞 究 覺 經 音 聖 假 無 諸 偏 0 • 若 名 被 量 竟 聞 施 日 利 說 0 云 0 設 等 卽 乘 是 論 如 相 極 -0 0 1 -說 覺 謂 自 唱 欲 佛 唯 也 唯 來 也 + 無 非 說 我 聲 方 以 非 乘 0 言 0 0 大 -25 夫 教 或 教 說 又 還 聖 大 大 此 知 0 教 之 依 以 事 悲 遊 是 諦 易 土 能 0 -文字 灼 九 於 啓 詮 大 終 利 無 相 理 以 • 土 訖 如 絕 蒙 六 然 詮 界 物 74 理 -語言 衆 方 + 待 塵 衆 昧 有 理 --0 -深會 方 生 方 悉 化 化 化 生 出 0 --訓 直 佛 言 故 世 便 機 堪 轉 轉 物 0 思 始 聖 爲 本 隨 劣 至 亦 但 11 物 物 誨 官 道 莫 義 自 物 然 以 物 1 L 心 懷 0 之能 不 及 聲 場 寂 機 0 0 0 0 --今 佛 孰 於 曲 堪 佛 塵 11 場 也 0 0 能 會 頓 是 佛 轉 於 斯 乘 唯 而 力 0 • 明判 謂 終 受 自 妙 暢 群 此 佛 爲 出 有 • 乎鶴 娑 故 證 玄 矣 機 乘 與 教 \equiv 而 0 云 故 體 婆 明 出 佛 以 本 而 ___ 0 0 釋 P 於 大 現 或 此 無言 林 然 ___ 0 --轉 教 事 於 乃 大 而 而 ___ 0 -• 悪爲 代 佛 天 世 能 聲 明 說 者 無 直 佛 __ 緣 論 義 代 聖 疑 中 至 乘 究 頂 0 -人 欲 善 以 所 耶 機 法 出 杰 經 得 也 0 被 悉 說 多 華 分 現 令 所 官 0 -0 教 語 别 於 衆 降 謂 然 檀 下 開 明 轉 尅 廣 權 而 世 生 佛 此 赴 0

次 觀 0

耶 敎 觀 而 不 明 者 -是 起 心 1 觀 持 以 行 1 半 不 照 -滿 實 起 也 教 與 於 -乘 不 巫 以 聞 去 --悉 聲 等 便 爲 讀 能 0 行 如 得 之 者之所 道 有 • 刨 目 0 依 無 鈍 施 足 根 教 設 人 起 -望 觀 0 -路 須 口 -攬 見 先 不 前 觀 聞 教 之 教 照 -奚 心之謂 以 字 能 開 入 解 • 淸 通 也 -次 指 凉 0 \equiv 依 利 池 乘 解 根 1 得 以 X 0 隨 觀 甘 起 慧 露 行 聞 不 入 0 -1 死 荷 觀 大 之 聞 -法 藥 教 卽

釋 喻 又 -初 細 0

門

-

行

軌

則

而

言

彻

0

如 言 流 機 綱 0 0 判 五 無從 施 所 者 華 代 謂 時 設 -嚴 者 聖 探 提 洲 0 教 爲 悉 月 其 領 -謂 頓 機 綱 彻 0 -華 罄 唯 有 0 0 -吾 削 四 嚴 無 千 此 含 不 祖 差 衆 是 • SH 盡 智 約 目 1 0 方 含 者 坐 自 喻 0 等 八 機 張 --7 方 敎 靈 設 對 1 0 般 等 者 教 挈 網 Ш 若 其 親 而 0 • -般 乃 承 教 領 言 1 爲 若 教 亦 0 --之 萬 則 漸 大 綱 • 法 綱 蘇 襟 是 殊 0 華 而 妙 網 袖 0 0 秘 依 悟 獝 自 -之大 密 浬 教 如 至 0 槃 設 依 網 -0 不 是 繩 據 觀 目 1 定 來 忧 法 也 0 -華 若 教 數 0 0 . 通 網 欲 亦 不 觀 -前 若 明 略 以 得 • 同 乃 四 Fi. 其 得 Fi. 時 時 時 綱 指 綱 -乃 八 如 • 0 --唯 觀 教 須 則 來 則 第 之綱 條 知 無 -代 判 判 五 量 然 法 釋 世 釋 敎 中 不 華 東 網 隨 紊 0 0

觀 般 後 湼 而 綱 釋 槃 自 • 之以 也 雖 時 無 0 亦 體 純 0 0 所謂 化 非 無 員 0 全 量 獨 法 頓 攬 妙 四 大 0 -綱 而 釋 化 教 非 如 析 法 法 漸 0 此 爲 如 空 華 -體 非 • 以 0 • 網 體 追 秘 别 0 則 目 空 說 圓 密 可 藏 四 釋 --次 教 尋 華 非 -矣 第 通 嚴 不 -追 定 0 0 -別 冺 0 心 藏 是 四 -員 敎 釋 以 • 四 化 SIT -1 觀 化 釋 含 儀 收之。 湼 法 74 0 對 教 槃 四 教 4 0 -罄 分 且 明 0 盡 實 判 化 滿 無餘 爲 釋 儀 代 教 四 方 之綱 教 等 所 0 說 則 • 0 之法 帶 74 彻 雖 觀 是 半 0 依 判 明 也 • 乃 教 部 滿 觀 設 釋 然

宗

宗者 於 權 祖 觀 教 純 實 與 也 說 觀 宗 0 • 開 實 圓 雖 0 前 權 也 教 陳 要 所 顯 0 四 、若 也 0 謂空拳誑 實 加 特 時 0 祖 暢 \equiv 不 如 • 意 云 本 教 得 網 在 要 懷 雖 , • 小兒 爲 於 悉是方便隨 • 有 • 究竟指 化 權 實 綱 儀不 施 0 -亦 或 權 歸 彰 權 須 -開 宜 或 0 知 0 實 權 實 本 提 • 應 挈 顯 也 懷 0 機利 悉因 莫辨 之要 實 0 豊容 依教設觀 • 物 乃佛法之宗要也 物之說 0 0 執着 若不 機 是以宗要不 之所 得 0 1 而妄生 析 施設 權 其 要 也 • 體 可不 0 0 • 戲論 0 第 則 而 • 衆目 且 次 於 5 五 耶 如 爲 第 法華 0 宗 實 奚 來 • 要者 分 張 施 權 • 釋竟 權 開 上 也 0 以 權 何 --0 了 意 顯 喻 謂 無 在 心 實 佛

法

人

0

-

誘

度於

切

0

•

0

分

次合辨

施 宜 宗 化 釋 而 而 權 前 而 析 儀 義 0 空體 用 本 - \equiv 無 1 則 體 無實 是 0 不 所 者 權 空次第 -全攬 可 以 法 -1 聖人 執 施 後 0 夫 實 此 14 被下 四 心 而 74 是 法 爲 廢 教 教 實 四 之言 權 體 74 觀 0 -觀 爲 須 0 0 • 開 收 則 也 有 實 • 權 頓 總 施 無 藏 0 觀 顯 爲 權 不 通 -漸 者 實 對 别 盡 -治 開 員 • -0 -禀教 則 秘 衆 則 四 權 生見思 不 教 密 顯 析 可 實 體等 修 1 -乃 執 不 行 • 之法 無明 權 定 乃 四 教之綱 定 佛 --異 四 乃 重 法之宗要 也 實 種 觀 也 0 輕 之殊 之綱 敎 諸 0 0 故 依 網 病 萬 世 教 云 彻 0 而 豈容 設 設 殊 0 • 0 教 無 臨 觀 • • 藥 大 實 執 濟 觀 • 亦復 法 着 不 綱 云 雖 各 也 執 唯 0 -又 識 方 有 萬 八 爲 取 四 殊 0 • 實 合 綱 而 0 -

辨體第二、

具 正 縱 論 辨 體 此 體 依 -修 者 各 1 不 義 行 有 -名 可 其 -• 體 非 不 不 爲 \equiv 獲 能 辨 0 體 果 也 1 詮 也 證 乘 0 0 體 體 以 0 0 禮 今 是 爲 _ 體 主 此 法 所詮 即 者 質 亦 爲 然 爲 0 • 禮 體 釋 義 0 若 名 法 0 0 也 亦 無 大 後 繼 訓 正 乘 0 君 體 爲 以 以 辨體 缚 禮 • 臣 不 法 0 卑 亦 符 印 者 釋 佛 爲 0 -父 體 欲 爲 說 貴子 入尋 底 0 0 不 若 0 賤 亦 名 可 無 釋 流 正 而 0 臣 體 得 爲 涌 子雖 爲 體 達 於 世 即 也 0 多 旧 0 0 -是 卽 然 -君父 主 以 大 日 質 名 小 魔 唯 說 下 經 -

教

生之所 誠 諦 員 \equiv 大 0 有 是 名 知 0 諦 而 緣 融 但 四 俗 至 爲 此 0 立 化 出 爲 取 種 今體 0 諦 體 理 禮 法 之 睡 體 於 本 無 几 者 甚 體 0 大 也 於 具 \equiv 作 諦 0 只 深 亦 0 0 今正 道 本 世 74 __ 0 言 刨 然 0 __ 0 體 吾 0 中 諦 四 0 0 諦 能 惟 體 0 禮 諸 據 指 + 人 如 -0 徧 佛 底 惟 . 是 教 乃 就 此 止 員 ___ 而 是 達 窮 者 之正 中 念 觀 妙 取 無 大 • 諸 = 底 -諦 \equiv 苦 緣 而 心 說 作 諦 法 如 理 0 體 諦 道 、而 開 性 中 0 宛 故 恒 0 , 七二 夫 也 出 爲 爲 -• 然 無 名 河 統 三諦 圓 \equiv 體 體 諸 但 0 有 體 攝 大 0 體 教 諦 也 取 諦 具 0 總 底 海 萬 留 七二 悉 底 者 下 滅 無 0 0 = 礙 法 0 -絕 群 諦 五 是 缺 -義 體 莫 0 0 文云 待 眞 天然之性 諦 爲 萌 0 故 測 衆 達 -諦 體 也 洣 所 諦 惟 名 淺 行 -者 之不 獨 此 謂 0 -0 是 體 深 功 -是謂 非 取 四 而 徳莊 -心 達 如 0 \equiv 而 佛 德 惟 不 + 耳 體 唯 風 0 學一 諦 妄 衆 思 __ 也 中 0 禮 嚴 行 香 0 皆 受 道 議 欲 生 大 文 體 0 空 象 0 輪 即三、言三 冺 + 具 緣 知 -中 是 中 修 以 三 諦 方 足 相 廻 理 能 中 羅 及語言 --諸 惟 要 也 無 佛 爲 0 詮 諦 通 -悟 差 佛 法 體 取 乃 -達 0 0 -之所 略 文字 體 此 别 不 具 體 0 0 無 窮 卽 達 眞 思 爲 者 五 有 底 礙 其 0 = 議 點 ___ 是 世 同 俗 而 四 是 底 0 0 俗 卽 證 亦 諦 不 ° 今 尊 0 亦 教 眞 0 諸 諦 成 然 生 體 今 貴 0 諦 0 唯 滅 四 佛 佛 體 所 亦 -0 無 而 道 切 = 圓 + 74 體 乘 詮 + 然 亦 諦 妙 此 達 劔 0 0 0 -

0

0

說 爲 所 家 前 不 詮 寸 不 失 爲 義 思 教 方 體 議 -耶 全 圓 便 -爲 憑 妙之三 0 0 防 佛 若 法 華 世 偏 劔 諦 曲 聖 開 -師 但 顯 也 0 文 說 圓 0 -意 尚 宗 間 員 帶 所 教 0 0 開 歸 方 文 刨 便 足 日 中 -IF. 無 旣 0 0 歸 像 何 外 有 於 季 須 0 几 廣 教 此 人 無 師 開 權 0 -以 四 口 何 -世 圓 教 論 以 容 獨 詮 理 0 此 \equiv 廢 智 取 諦 圓 棄 書 行 爲 教 位 本 0 宗 體 耶 所 爲 詮 法 -0 防 答 三諦 意 華 在 偏 . 0 斯 此 安 爲 曲 體 矣 有 0 口 下 取 耶 0 文云 意 前 答 權 0 0 教 -

明宗第三

是果 教 體 宗 性 論 0 位 = 大 者 而 0 0 今 果 觀 普 體 0 -宗 詳 爲 修 賢 明 非 -宗 宗 證 要 爲 + 觀 亦 世 因 分 乘 莫 0 K -别 大 是 會 亦 此 0 -果 果 全 乃 大 ___ 0 1 宗 則 爲 乘 性 顯 書之宗 0 宗 體 理 有 大 起 非 之樞 刨 74 彻 者 修 體 句 要 不 0 __ -0 位 若 諸 彻 從 立 機 0 名 以 法 性 0 0 0 -爲 字 前 欲 實 修 起 ___ 教 非 文 相 修 會 行 -觀 謂 之喉 天 始 顯 是 正 之 非 終 體 體 行 0 天 果 爲 大 襟 ---論 旣 須 也 相 乘 0 0 果 如 似 取 由 明 0 -此 修 宗 辨 員 者 由 -六 體 合 \equiv 理 妙 要 -卽 位 亦 性 後 卽 = 0 前 諦 謂 繼 大 名 佛 諸 之辨 果 之果 大 至 爲 法 以 實 分 體 明 0 0 宗者 咸 究 證 體 相 0 0 若 以 竟 今 是 卽 - \equiv 佛 此 是 因 0 -____ 觀 若 位 是 明 依 俾 E 宗 大 果 + 名 行 來 乘 果 實 究 者 IF. • -爲 竟 當 體 非 圓 體 0 修 分 卽 離 悟 雖 以 • 彰 證 證 佛 員 而 於 法

乙方。故以三觀十乘因果爲宗也。

論用第四、

法華 有利 道 教 悪 用 觀 者 0 0 今靈 其 相 他 • -• 之用 於 判 靈 力 成 法門 峯 釋 Ш 用 0 解 親 也 旭 東 0 又 行 祖 流 承 0 • 爲 並 滅 用是顯作者之妙 0 -代教 悪名力 照了 益 有 進 非 鑒 0 法華 細 所 時 觀 謂 人 0 • -生善名 悉歸 教 解 足 -海之司 若曦 見教 行 能 偏 於 觀 和 攻 正 用 0 之臨 明 相 南 0 0 0 是爲 成 滅 以 _ -書之勝 禪 悪 致 萬 • 門 生善 化 卽 解 象 行並 之要 儀 生 0 達諸 不 善 用 0 俾未 進 關 彰 也 -生 也 法 0 0 -來學者 宗後論 道 善 乃 相 0 此書 俾行 用 刨 • 似 不 滅 之用 者 振 清 悪 用 1 圓 僻 者 風 0 0 之遊 明 故 世 解 0 宗既 教 不 而 述 0 此 生 太 觀 不 虚 會 書 0 • 是爲 體 坐 -0 0 乃 發 天 進 0 斯 明 滅 據 台 便

判教第五、

所 教 是 攝 書始 相 非 者 0 頓 亦 終 • 非 不 E -漸 專 明 可 明 不 力 0 約 了 教 用 化法 觀 0 • 若 旣 日 以 異 有 • 是純圓獨妙 五 益 0 入 時 他之能 爲論 文了 然 0 -是 0 0 而 第 全依法華 何 小 煩 大 Fi. 一法華 多 偏 述 員 一而爲教 時 則 0 但 不 0 五 此 無 相 味 書 同 往判 於 異 0 略點 0 代 故 -時教 時 是 用 醍 敎 後 醐 中 須 • 大抵 明 味 -教 何 Q 如 約 時 也 此 化 何 0 教 今 而 儀

山家 目 若 趣 見 奚能宏斯道 有 五 時 五 一味之文 耶 -便 以 五 時 五味爲教相者 • 是全昧教觀 0 識乏宗承 未明

次人題、

北天目藕益沙門智旭重述、

蹟詳 道沙 修 立號 大師 名靈 天目 天目 0 戒 四 別傳 定慧 汚 門 峯 也 於 0 -Щ 道 圓 0 有 0 0 名字位 沙門 沙門 0 佛 是 名 • 東 茲不 息 大師 及 南 也 羅 、梵語 滅 • 西 0 煩述 行 棲眞 漢 貪 Щ 北 -得 諸 是 嗔 中 有 入寂 之別 0 邪見是也。大師 也。二說道沙門 凝 也 四 兩峯 述者 1悉檀盆 也。 0 之所 是出家之都名 。今云北 • **峯**頂 又經云 、著述。語云、述而不作、乃謙詞 0 0 喻 後 各 0 天目 如 有 息心達本 、宣揚正法是也。三活道 藕 、乃說道活道之沙門也、智旭是 ___ • 池 0 在 此云 汚泥 是 0 左右 寺 五 源 勤 而 中 • 之一。 有發芽抽 息 稱 相對 、故號爲 0 日 謂勤 靈 • 峯 在 高 修善品 沙門。 大師 狾 支之益 處 江 Ш 沙門 孝 也。言重述者 0 顚 又沙門· 藕 豐 0 0 0 止息 修修 故 益 境 如 大師 日 爲 內 天 諸悪 之目 行 有 其 藕 0 法名 道品 益 別 Ш 四 0 、先述 號 有 0 0 • 是 刨 從 寺 故 0 事 也 聖 勤 譬 謂 日

代 次 入文 時 教 權 0 餘 實 諸 要 經 昌 論 後 添 • 四 自 具 教 序 + 正 乘 流 、改 通 三 作 分 書册 0 本 題 書 名 雖 0 無 述 顯 非 文 ___ 次 -不 -無 故 其 日 義 重 述 0 書

佛 祖之要 • 敎 觀而己矣 0

事

業

雖

廣

0

自行

因

•

所

0

自

行

•

觀

由

尅

證

0

化

道 菩 覺 佛 具 他 薩 者 滿 者 傳 大 初 以 -分 又 擬 燈 故 在 0 --十號之一 言 Ξ 序 為 名 異 大 0 大精 自 = 爲 正 地 • 覺 天 佛 乘 流 初 0 -者 微 所 衆 正 通 初 0 0 宗 明 標 三 通 德 0 1 異 是半 乘 示 要之不外乎 指 教 分 0 未 爲 發 凡 觀 佛 備 十 0 · 梵語 夫 方 祖 世 ili 該 初 0 教 所 \equiv 諸 自 0 攝 又 敬 世 度 凡 觀 佛 = 0 0 夫背 具足 _ 諸 果 大 0 0 1 故 佛 諸 明 途 滿 初 應云 覺 教 明 稱 佛 0 -1 合 = 果 萬 觀 教 爲 以 始 佛陀 詳 終 塵 觀 佛 祖 德 相 成 辨 化 佛 利 該 全 0 0 諸 他 道 彰 他 0 攝 五 通 0 佛 華 = 時 能 指 同 0 0 0 背 言 _ 歷 故 故 故 明 1 覺者 異 塵 教 標 教 代 也 與 菩 合 教 觀 祖 觀 0 覺 乘 0 觀 法 師 祖 薩 相 因果 覺有 異 失 旨 也 者 也 0 0 所 = 也 趣 0 0 0 -宗 = 以 = 結 要 今 0 0 義 非 覺 與 歸 者 初 11 所 Ξ 凡 謂 滿 0 略 示 • 0 夫 謂自 偏 明 總 悟 者 無 = 異 佛 時 指 要 覺 1 異菩 圓 也 覺 教 正 11 1 全文 防 印 通 -0 覺 佛 萬 薩 别 非 0 覺 他 祖 繼 德 0 0 0

他 0 能 而 所 P 矣 • 非 者 教 • 無餘 無以利物教觀 之詞 0 言 佛 、乃佛祖自行化他之總要。 祖 境 界 -雖 廣濶深 遠 0 以 教 故 觀 日 佛祖之要 二字該攝 • -罄 敎 觀 無 不 而 盡矣。 已矣

觀 非 教 不正 0 教非觀 不傳 0

敎

觀

相

成

來十二 無論 觀 K 之旨 之 教 -非 作 何 分教 字 觀 是 等 如 不 觀 行 示 1 門 指 諸 者 傳 -掌焉 0 而 0 ___ -名爲 切行 欲 不 何 等 傳 知 觀 門 攬 大 正 教 大小 教 觀 法 照 0 0 -須 若 設 觀 心 以 法 他 非 0 觀 則 而 觀 如 道 妙 者 來 言 之教 爲 0 義 -名爲 教之一 先務 不 彰 不 邪 0 -字 足以 觀 見 觀 、指 有 地 0 定 成教之功 不 教 發 有 其 如 來一 成 邪 0 斯 觀 正 代 教 之功 -0 明 便不 所 故 矣 說語言文字 E -足 明 觀 0 是則 流 矣 非 教 行 0 教 於 若 不 觀 # Ī 而 旧 相 0 知 0 成 故 如 經 0

= 教 觀 相 失

1

0

有 教 觀 則 图 0 有 觀 無教 則 0

界 他 欲 只 敎 四 者 教 法 無 以 無 有 0 觀 譬 禪 則 照 不 慧 11 教 天 免 • 0 衆 貧 如 爲 難 殆 修 饑 無 便 本 0 -究竟 途 大 免 生 具 74 者 此 行 觀 無 窮 0 果 隋 皆 則 暗 數 但 觀 0 --認 不 中 坑 但 其 寶 茫 罔 當 法 理 偏 0 無受 未 落 有 聞 過 者 語言爲敎 口 安 勤 0 0 0 得 不 何 偏 有 得 塹 觀 之 亦 0 謂 失 免 如 用 但 必 得 觀 攻 目 心 0 之功 彻 是 貧 有 故 更 無 得 0 0 云 0 別 所 語言文字之教 偏 日 有 欲 0 0 0 0 • 不 未 图 見 有 妙 智 故 言 免 則 敎 0 證 華 能 觀 成 觀 而 玄 論 0 無 1 -謂 嚴 是 失 此 無 全 稱 與 觀 慢 0 云 爲 爲 學 證 教 昧 經 觀 偏 • 0 --當 觀 則 教 把 多 徒 相 有 教 云 0 聞 之 墮 殆 双 有 應 觀 聞 觀 相 0 觀 -譬 全 字 失 增 自 名 無 無 六 兼 0 0 0 彻 殆 是 傷 智 如 教 無 但 敎 卽 E 明 -認 爲 慧 貧 妙 觀 慢 耶 0 0 • -0 0 觀 I 爲 妙 險 思 解 窮 而 日 解 0 0 0 一夫爲 玄 智 亦 照 法 答 哉 彻 而 牽 X 不 行 論 悪 不 見 界 目 不 心 言 並 0 0 -爲 然 學 道 其 觀 得 矣 知 日 淮 云 0 0 夜 把 實 功 是 意 便 而 0 0 0 0 -1 不 世 爲 具 釋 於 炬 有 有 亦 相 數 之 0 自 慧 觀 所 止 他 獝 學 能 教 人 義 道 0 譬 與 燒 無 謂 徒 寶 如 而 法 間 始 無 0 多 教 然 說 不 教 學 有 如 0 0 H 0 0 聞 慧 自 思 如 相 不 教 希 行 無 大 食 ___ 應 教 牽 無 無 益 明 無 數 必 觀 冀 0 0 字 惡道 是 聞 聞 耶 4 亦 更 中 寶 11 0 0 所 别 不 比 錢 故 約 妙 0 0 0 -說 謂 設 丘 如 有 分 教 玄云 知 有 自 實 有 此 觀 燈 食 做 爲 日 敎 行 -0 見 聞 法 化 相 將 行 無 而 於 難 0 •

文 夫 字 不 • 不 以 教 解 觀 印 L 0 則 0 則 盲 說 修 食 瞎 數 鍊 寶 • 未 • 究竟 免邪 茫 行 無受 險 徑 用 0 名之爲 0 名之爲 殆 罔 0 猶 0 獝 所 所 云 思 云 學 而 而 不 學 不 思 力 也 0 設 0 學

標 列 示 教 觀 0 今初 旨 趣 為 = 0 初 標列教 觀 0 _ 解行歸 趣 0 Ξ 結 顯 權 實 0 初 又二 • 初 總 標 0

統論時教 • 大 綱有 0 依教設觀 • 數 亦 略 同 0

文字 其 如 此 儀 四 指 總 總 教 諸 要 標 0 掌 如 教 --化 則 來 0 觀 法 故 條 說 也 四 日 理不 法 0 教 然字 統 -是 論 隨 清 宜 是 也 時 0 化 教 施設 提 0 依 振 儀 0 之詞 大綱 教 難 0 設 初 明 觀 有 無 0 0 統 八 徒 _ -數亦 者 興 定 者 、望洋 0 1 -是學 略 弟 總 之歎 子結 同 也 者 ___ 0 代 時 0 而 集 依 大旨 教 P 0 乎八教 文翰 0 字 若 0 綱 得 浩 • 要不 其 繁 通 施 總 指 0 設觀 外乎 要 義 如 來一 0 趣 法 八 則 区区 代所 教 深 • 但 代 0 0 有 所 若 說 教 謂 語 不 七 觀 觀 化 得 -

故 日 略 同 0 蓋不 全 可 也

釋 漸 義 不 0 定 化 法 **三** 74 教 教 0 -統 則 該 有 化法 24 觀 四教 0 化 儀 0 而 四 教 頓 • • 漸 但 有 、不定 \equiv 觀 0 • = 無 觀 秘 密觀 0 唯約 0 故 圓 觀 日 略 0 故 同 云 0 略 又 同 頓 0 •

明其不盡同也。

二列示分二、初列示教、二列示觀。今初、

方 教者。 。五三藏、六通、七別、八 **一**頓 、二漸、三秘密 圓 、四不定 。名爲 化法 。名 四 爲 化儀 教 0 如 四 世藥 敎 0 如 味 世藥 0

儀 通 名 教者 漸 有 0 0 別 0 諸 定之 佛設 前 同 1 總標 聽 別 異 後 施 敎 聞 也 用 0 • 名 0 必 -1 互不 名爲 欲列先標 先頓 别 0 世 相 -切 間 次 知 。機不 圓 藥 漸 1 名秘 融 方 -然後 也 、名 歷時直說於大 密 0 圓 會 經律論三 0 彼此 入 0 非頓 化衆生之方法、名化法。 互 、各含. 知 非 漸 、名頓 、名不定 0 立文義 爲 0 一定之儀式 歷三 0 、名三藏 教化衆生之儀式 時 調停 也。 如 0 通前 據 -曲 方 如對 淺 通後 而辨藥味 至深 病 、日化

。故曰如世藥眛也。

二列示

觀

别 知 以次第爲 頓等 所 觀 用 0 7 總 圓 以 不出藏 心 爲觀 等 PU 味 0 0 藏 以析空爲觀 0 通以體空爲觀

道 諦 圓 當 當 無 析 0 0 名爲 第 之令 之化 先 性 0 知 知二 頭 以 1 體 當 字 義 員 頭 滅 法 刨 以 自 諦 假 體 24 應 0 -在 入 卽 當 100 而 教 是 -心爲 空 空故 破 0 後 也 知 承 法 無 之 歸 。云 -E 破 觀 法 明 日 空 世 起 0 員 惑 見 云 下 通 0 0 列 思 融 故 以 以 頓 0 0 故 體 示 0 0 日 根 等 承 然後 次以 空爲 教 日 藏 16 上 鈍 觀竟 別 以 故 儀 八 以 從 析 依 觀 74 教 0 次 空 於 解 空 教 0 0 -第 自 入 爲 陰 從 而 爲 起 爲 假 有 觀 能 入 化 觀 處 用 法 -0 若 心 破 類 0 界 出 0 自 塵 大 根 加 生 -觀 有 根 皆 沙 稍 TL 化 衆 利 用 儀 觀 0 0 是 類 以 苦 生 部 0 0 謂圓 體陰 最 0 中 是 -利 聞 空 之所 觀爲方 名 解 根 大 界入悉 列 -者 法 不 用 觀 -員 便 淨 0 而 • 0 修 先 道 仰 總 教 是 • 悟諸 緣 信 無 不 誡 -1 然後 員 生 我 出 留 -破 法 欲 乎藏 意 0 -得 證 無 74 而 --員 非 入 眞 緣 觀 通 故 證 中 別 \equiv 如 生 0

二教觀歸趣、

四 觀 槃 各 用 0 别 法 圓 成 種 乘 敎 能 觀 運行 7 運 至 中 諦 涅 槃 般 地 涅槃 0 藏 通 0 種 教 觀 運

此 明 四 種 教 觀 0 各 有 歸 趣之地 0 析 等 四 觀 • 雖 自 各別 0 而 十法名 相 稍 通 0 下文自具

般若 般涅 分段 槃 石 滅 地 法 無 槃 度 生 也 煩 1 -度 也 死 出 預 0 -是 卽 此 生 述 0 -梵 鐵 證 解 是 死 0 華 脫 眞 以 總 海 \equiv 、空之實 惑 + 兼 明 -• 卽 學 四 到 法 1 滅 \equiv 觀 不 成 0 德 大 之歸 際 生 秘 是 死 理 所 滅 藏 華言 地 趣 之 乘 -之要 證 實 0 0 0 故 藏 際 故 中 -理 般 道 E 别 理 E 涅槃是 也 藏 F 地 四 -是 通 觀 0 -是別 爲 湼 各 梵語 種 别 名 用 + 貝 教 明 不 觀 法 生 74 、合之卽 種 成 種 -0 運 教 教 槃 乘 名 觀 至 觀 0 大滅 眞諦 之旨 不 乘 -運 滅 以 度 至 湼 歸 運 0 槃 中 故 載 0 0 大郎 諦 滅 爲 E 0 梵 見 能 大 義 法 般 語 思 運 0 身 行 煩 湼 湼 行 槃 槃 惱 人 人 • 滅 至湼 乘 0 此 度 大

三結顯權實、

藏 類 通 别 頓 -皆 漸 名 爲 • 權 三不定也 0 唯 圓 敎 0 爲 觀 實 施 乃 權 名 眞 實 則 權 0 含於 就 員 實 觀 中 0 開 復 有

。則實融於權。

爲 此 實 結 0 前 教 三教悉是隨宜 觀 不 外 乎 權 實 • 故名爲權 11 0 應 機 0 利 圓 物 乃究竟實說 -方 便 隨 宜 --故名爲 爲 權 0 實 直 暢 0 圓 本 解 懷 --員 究 竟 修 指 -爲 歸 頓

權 故 0 0 含於 故 日 圓 名 爲 解 實 實 不 -0 施 定 漸 機 權 0 修 旣 大 0 -權爲 淳 圓 爲 燃 實 漸 之教 實 0 0 **遂**開 非 而 施 觀 別教之漸 三權 0 • 苟 逗 不 物 -莫 爲 非 也 非 實 宜 0 眞 解 • • 則 不 實 雖 權 獲 圓 0 故 無 已 頓 隱 所 日 • 開權 修 施 ___ 實 不 0 顯 況 • 實 於 而 向 0 佛 曲 0 以 心 施 或 實 = 頓 -融 無 權 或 權 非 漸 0 是 巧 • • 實 先後不定 無 會 權 0 物 故 而 機 不 日 •

Ξ 略 明 時教 通 别 為 = • 初 時教緣 由 0 = 正 明 時教 0 = 略點 通 别 0 今初

實

0

切諸

法

•

無

非

佛

法

0

是

爲

以

實

融

權

也

良 曲 衆生根性不 0 致 使如來巧說 不 同 0

故 不 E 此 0 0 巧 定 約 能 聰 云 理體 說 不 生 大 明 爲 1 不 Ŧi. 明 同 根 偏 時八教之由 0 如 物 員 0 0 之殊 機 不 來 如 也 來 萬 改 爲 有 殊 0 0 大 二盧舍那 \equiv 性 致 0 衆 故 也 0 0 如 = 生 0 毘 來 乘 機 良 盧 應 根 由 不 1 報 機 遮 性 1 身如 那 之教 獲 乃確實之歎 -皆 E -來 法 由 而 -身 亦 宿 施設 也 復 世 如 0 轉法輪 習欲 來 千 也 也 差 也 0 0 所 如 0 而 0 經云 般 成 被 來 無 之機 若 非 本 0 性 懷 曲 • 云 第 逗 者 • --無 根 不 唯 -義名 所 外 緣 有 爲 從 九 佛 三五 • 如 來 巧 界 乘 會 七 0 0 0 -正 亦 九 曷 物 故 覺名 之異 有 無 機 日 衆 所 頓 • 來 去 故 生 漸 0

約 0 約 随 正 應 智 明 現 慧 時 明 明 教 如 如 來 來 _ 也 也 • 初 0 0 然 三 略 釋 明 五 身 迦 時 牟 ___ 體 六 尼 教 0 -說 應 0 _ 卽 身 如 兼 無 說 來 顯 秘 也 0 密 無 0 不 說 成 定 實 而 論 說 0 初 云 0 又 無 -五 非 乘 爲 如 • 衆 初 實 華 生 道 嚴 病 0 時 來 而 成 施 0 乃 藥 正 覺 11 至 第 0 0

H. 約 代 • 略 判 Ŧi. 時 0 華 嚴 時 0 IE 說 圓 教 -兼說 别 敎 0 約 化

名

頓

0

五

法

華

湟

槃

時

0

之始 嚴 彰 時 吾 通 0 圍 等 佛 大 指 0 方 繞 如 是 是 五 8 故 + 廣 來 也 以 -云 年 如 約 0 --雲 初 法 束 爲 也 籠 成 華 也 ---代 代 0 月 IF. 嚴 0 約 覺 佛 時 0 0 -機 者 判 劔 歷三百 0 • 約 時 在 果 爲 • 教 從 寂 如 人 £. 來 滅 世 經 時 餘 -未 道 會 現 題 0 0 免 盧 立 故 場 華 -所 兼 舍 嚴 時 日 0 那 說 權 JU 且 -0 身 譬 具 約 + 無 0 故 量 喻 足 ___ 0 ___ 日 說 位 應 代 也 0 若 正 法 云 0 0 說 身 言 不 滿 略 -判 約 員 修 大 大 以 教 士 萬 方 時 多 者 羅 廣 行 判 1 --之因 兼 教 及 佛 略 教 說 是 宿 華 爲 -華 則 别 也 世 嚴 分 教 根 判 經 頓 0 -莊 療 Fi. 世 漸 0 0 初 時 嚴 具 天 不 0 發 龍 之 於 足 辨 五 首 心 果 時 八 0 法 時 部 德 者 起 立 盡 世 • 0 -化 便 題 華 0

約 成 時 化 TE. 覺 0 儀 涅槃云 名 等 頓 文 0 -又 則 • 譬如 從 爲 部 圓 從 得 機 4 名 說 員 出 • 故名 乳 教 0 0 此 頓 處 從 處 0 佛出 約 說 教 行 十二部經名第 名 布 兼 次第 0 經 • 則 云 爲 1 如 别 味。 日 機 說 初 此 出 別 教 據 • 先照 信 0 解品 時 高 味 居 Ш • 卽 初 0 遣 名 -第 傍 故

二阿含時

、急追

浴將還

•

窮子驚愕等文

阿含時。 但 說 一藏教 0 約化儀名漸 0

約 度 單 老比 上 法 化 無 來 -部 等 立 儀 所 丘 ___ 名 教 比 類 經 相 題 大 漸 擬 0 0 0 -若 遊 機 出 初 故 也 名 九 也 云 化 • 0 部 _ 呵 雖 0 鹿 鹿 修 約 藏 含 苑 苑 蒙 大盆 多 華 教 有 0 -是爲 羅 從 嚴 四 0 是 。尚有 處 \equiv • • 照 是第二酪 部 立 如 脫 珍者 時 中 下 • 爲 明 所 也 1 用 次 0 敝 機 0 梵 味 照 之教 初 如如 -図 語 寢 在 0 據 谷 也 鹿 阿 頓 壟 若 信 苑 含 施 0 -名 解 無 0 漸 唨 -品品 第 先 此 力 。不 通 别 爲 云 0 • 言 時 等 見不 而 五 無 教 比 人 呵 以方便密遣二人等文 0 約 說 法 含 聞 0 味 故 四 時 0 0 聖 名 者 諦 由 -是隱念 名 旧 人 • -十二 智慧 亦 從 0 舍那 乳 頓 從 出 後 天 經 -題 之身 酪 緣 分 漸 別 立 始 0 1 事 法 時 此 0 -現 從 故 義 7

等 時

方 時 0 對 藏 半 字 0 通 别 圓 教滿字

0

約 化 故 第三方等時 約 儀 法 名 立 漸 時 也 、從 中 0 茲 法 0 立 爲 時 類 也 0 小 教 機 儀 _ 云 聞 • 廣 呵 含革 說 四 教 凡 成 、均 聖 被 0 逐 衆 執 機 眞 0 說 保 果 經 既多 • 取 證 • 處 入 亦不 滅 0 非 0 佛

0

字 謂夜釋 本 而 衍即 0 含 獨 懷 哆 門滿 世殷 義 0 滿 别 菩 哆 三字 間勤 0 • 宜 圓 薩 和 文、 0 教、 別 詮 法 和 字但 須 彈 教 中 之教 滿 滿據 0 0 須 圓 漸 、方 根半 字 斥 • 用 名 教 喻 誘 而等 本字 0 藏通 爲 欲 純 初 對以 -令 滿 明 學 三大 出 即而 方 同 字 佛 0 藏斥 滿不 大 便 淖 法 故 小 之小 字教 0 又 如 槃 而 半故 也酶 -0 是滿 藏 故 半 向 、毘 經 不 字 如 以 大 若伽 0 而帶 能 滿 也 例 合羅 將釋 0 通 字 通 如 喻論 詣籤 半 至 教 此 明引 0 者、 别 此 IE 方 、良 師大 0 唯 圓 略 化 1 半由 、經 圓 判 菩 學 字其 懼云 • 教 故 也 薩 大 謂子不、 始 但 學 九、 0 速聲 -終 是 傍 細 也 部力成如 以 半 化 而 經未 、長 0 佛 字 論 \equiv 、堪 尋者 知 之。 藏 乘 毘故 便唯 0 佛 通 TE 將有 0 伽、 見 名 教 藏 化 羅毘還一 能 通 爲 論伽 -而 通 詮 大 乘 、羅 以、 直 爲 别 乘 謂論愛心 -修 傍 員 初 方翻念常 0 行 名 門 化 等字 故爱 -是 爲 0 0 典本 4 是 半 别 薩 畫、

若

約

時

1

於

平

地

照

•

開

爲

時

0

時

中

-

是

食

時

名

第

 \equiv

時

0

若

約

味

-

名

從

酪

出

生

酥

味

0

此

從

九

部出

方等

-

名第

=

味

0

此

據

信

解品

過

是已後

-

心

相體

信等

0

初

在

内 敎 藏 明 敎 治 段 教 滿 種 藏 0 空故 約 詮 字 根 通 通 滿 此 别 生 -法 別 正 教 界 滅 無 本 病 0 0 門 治 約 内 門 生 教 如 然 0 1 -錯 佛 細 此 名 界 論 四 0 0 0 言 外 又 亂 如 與 界 通 諦 病 而 0 內 論 生 修 大 强 論 界 雖 教 0 -習 之。 名 教 内 不 是 由 滅 佛 勒 -界內 之證 門 雖 界 界 牛 頂 論 0 0 \equiv 外者 或 别 首 說 外 滅 與 云 不 教 界之外方 不 道 成 楞 俗 以 生 0 約 嚴 生 = 諦 通 三 滅 生 0 • 故名爲 別 對 界 滅 乘 經 滅 0 0 界之內 約 門 諸 外 門 魔 員 半 • 訶 便 界 外 大 對 明 觀 0 0 \equiv 弟 實 內 别 不 者 破 斥 减 • 一藏詮 報 見思 仍 教 生滅 是 不 子 觀 = 0 是界外 知常 世 謂 藏 諸 屬 -一土無 亦 生滅 門 說 方 爲 生 0 0 已 等 因 不 住 眞 如 滅 0 上 眞 諦 維 經 明 生 生 亦 四 0 0 所 滅 部 爲 滅 以 諦 心 __ 0 摩 -感分 往 中 眞 彈 大 其 門 經 0 0 1 但能 由之證 以 略 所 性 俗 偏 五 0 0 所 段 圓 判 用 其 淨 俱 百 斥 之 子 生死 體 教 也 明 不 小 感 雖 是 道 體 不 分 教 解 品 變 0 • -體變易 界外不 段空 歎 易 爲 細 也 是 是 -1 果 故 用 世 生 世 大 而 褒圓 論之 死 -名 諸 0 0 0 爲 藏 不 或 空 生 爲 妄 或 果 能 滅 想 惟 生 以 通 • 0 • 亦能 變易 三藏 門 別 故 滅 以 0 0 不 圓 別 教 門 圓 云 0 對 體 空 是 對 對 員 又 知 0 • 破 破 4 IF. 分 故 通 界 通

四 含 革 凡 成 聖 0 不 知更有 餘 法 0 今聞 方等 • 知 有 大 乘 0 故名爲 漸 中 也 0

四 般 若 時

四 般 時 0 帶 通別 種 權 理 0 E 說 圓教 實 理 0 約 化儀 名漸後 0

性 釋 若 翻 時 此 斷 諸 幻 上 如 離 義 智 大 經 法 • 0 二土二死因果 文字 慧 舊 本 夢 如 方 0 帶 等 切 摩 執 空 0 -般若 或 智 難 彈 相 通 訶 • 般若 說 别 慧 Ľ 斥 -乘 諸 非 輕 0 1 --正 乃 薄 故 雖 法 生 -可 -道 實 說 以 然 是 證 死 -般若 般若 體 相 行 知 別 圓 -0 圓義 非 教 般 出 \equiv 有 <u>`</u> 一般若 若 浬 理水 = 缚 大 0 槃 乘 會 重 乘 界 光 0 若 也 大 同 0 -0 -讚 而 果 證 非 切 0 五 融 云 帶 世 不 依 有 般 通 不 幻 -出 肯 則 爲 翻 若 第 縛 而 中之一 是帶 世 權 淘 • 巴 • -法皆 勝 非 小 是 汰之。 義 、說 無爲 空 通 天 向 通 也 王 教 摩 大 教 -實 0 得成 等 般 義 義 訶 故有第四 0 般若 衎 若 法 0 0 0 • 則 是 華 諸 不 0 -一名爲 是帶 部 互具 般 金 法 共 有 般若 若 剛 中 \equiv 卽 -別 所 0 般 獝 猶是別 第 明 耳. 謂 教 融 用之教 若 時 處 空 義 等 也 門 義 實 1 0 有 是 0 外 義 相 0 空 0 梵語 圓 般若 共 或 彻 此 -0 亦從經 止宿 菩 說 教 若 不 0 薩 共 般 0 -云 若 觀 切 或 草 卽 獨 0 法 第 共 說 照 題 庵 入 -此 立 刨 如 般 法 0 0

此 爲 有 義 等 員 鈍 空 • 之後 心 義 根 • 漸 耶 頓 人 通 具 0 --泰 出 約 略 諸 帶 摩 時 法 -不 訶 涌 0 -同 般 是 别 諸 若 方 黒 方 法 等之哭 中 便 無 0 耳 此 時 非 據 第 0 0 泣 信 名 後 第 義 解 0 人 望 品 判 匹 空 初 時 般 0 -中 是 若 乃 0 時 約 爲 是 • 故 空宗 長 味 員 爲 者 義 • 漸 是 者 有 11 後 從 疾 1 0 也 生 旧 細 0 自 得 酥 0 玩 知 出 共 大 將 뿄 意 部 死 酥 0 般 不 尙 若 0 久等文 名 未 -第 知 多 几 别 顯 味 義 發 0 -乘 此 何 義 從 況 0

五法華涅槃時分二初法華二涅槃。

亦 明 Ŧi. 法 如 非 來 華 設 頓 涅 教 非 槃 漸 時 始 0 0 終 法 華開 0 具 發 藏 如 來 本迹 通 • 之廣遠 别 -之 權 0 約 化 唯 儀 顯 圓 敎 漸 實 0 深

此 訶 妙 華 般 法 亦 經 從 湼 難 0 經 槃 此 解 乃法 題 那 • 假 立 0 時 譬 如 喻 E 易 0 0 釋 彰 主 兹 經 題 0 因 蓮 可 0 是 妙 華 類 醍 庆 法 是 醐 1 果 機 法 同 -故 時 0 -合 旣 蓮 -華 爲 經 以 是 喻 時 時 譬 妙 調 法 不 0 法 停 權 口 思 華 實 0 自 議 是 ___ 經 鄙 體 -題之略 先 名 0 湼 妙 ili 槃 9 0 成 + 亦 -具 就 界 略 足 大 + -志 應 具 如 足 K 0 • 妙 卽 應 名 法 爲 云 法 開 蓮 摩

教 遠 漸 與 妙 四 顯 權 0 0 0 -鷲嶺 時 取 此 五 元 記 諦 方等 員 絕 絕 顯 0 塵 是 味 始 教 待 待 實 0 示 之實 開 敎 論 點以前成 洂 而 爲 爲 眞 三 妙 -• 一教之麤 授記 門 巧 終 終 實 B 度 E 開 -之妙 脫 爲 開 無 論 0 0 0 0 -之 未 義當 權 衆 是 外 則 復 開 作 佛爲 爲 能 是 但 佛 生 理 顯 0 0 -0 作 般 於 開 實 並 深 深 開 四 0 0 之意 本 脫 乃 代 若 判 前 教 如 頓 明 明 而 能 0 絕 來 漸 無 四 儀 0 0 0 • 自是 教 遠 時 也 並 顯 妙 待 詮 卽 判 出 云 玄云 指 之 療 論 世 密 相 0 • 0 -一教之麤 以來 悉 麛 具 待 唯 妙 本 種 大 妙 -發 並 力 皆 名 懷 子 通 論 有 0 -等 種 餘 佛 是 故 妙 絕 • 0 0 -處處現生 唱 教 深 待 於 者 中 時 妙 日 也 --番 間 當 覆 悉皆 茲 明 開 論 0 0 --今法 待 暢 番 以 機 講 如 故 妙 餘 三 經 不 頓 益 結 來 日 藏 令 絕 矣 0 設 多 息 物 緣 唯 華 由 妙 俱 0 0 漸 通 處 法 教 前 明 五 顯 别 開 時 0 0 --今文 處現 之始 大勢 昧 不 下 圓 之權 前 文已 華 寂 0 說 教 華 相 明 場 • __ 之實 但云 滅 威 調 終 嚴 明 待 妙 初 如 乘 0 圓 伏 者 開 别 四 有 猛 論 0 成 來 直 將 前 教 時 IE 施 種 判 0 0 --之麤 至此番成道 化 爲 若 開 覺 養 妙 三 三 0 -世 之 玄云 教 教 化 出 爲 而 = 云 之始 益 意 寂 成 藏 前 相 本 0 --場 物 感 阿 則 待 通 四 0 0 -今 爲 含 之 此 開 顯 別 時 妙 0 -·經壽 不 經 今 化 無 法 之權 方 皆 0 \equiv -藏 教 華 又 靈 物 便 論 미 明 非 之上 名爲 思議 之始 之廳 以 佛 Ш 之 實 出 判 量 1 授 權 前 唯 頓 相 0

此 若 漸 意 漸 迹 實 出 義 歸 0 0 我子、 法 約 頓 浩 跡 華 時 博 遍 1 則 • 此 + 0 我 名 日輪 方 爲 攝 實其父等 第 員 妙 • 五 當 頓之頓 經 日 味 大旨 午 廣 0 0 -罄 此 時 --據 無 非 更 經 信 側 無 塵 同 解品 影 華嚴 點 餘 蘊 0 -名 爲 頓 矣 長 第 大之頓 遠 0 者臨 五. 會 0 時 此 呵 命終時 0 含方等般若 是本門開 0 約 故 味 日 非頓 -• 聚會 則 迹 之漸 從 顯 . 熟酥 親 非 本之意 族國 \equiv -出 時 歸 王 醍 法 漸 也 大臣付與家業 醐 中 華 0 之頓 文雖 之漸 0 此 從 二句 -名 摩 故 訶 日 日 • 般 非 會 而 -

二湟槃、

追 涅 說 槃重爲未 四教 。追 入實 泯四教 者 、廣 0 約化儀 談常住 • 0 亦名非頓 又 爲末 非 根 漸 鈍 0 重扶三

法華 教 復 迦葉等 以涅槃為 0 具談 後更 佛性 今佛 說 後教後 湼 樂者 熟前 0 令具真常、入大湼槃、故名捃拾教。二爲末代鈍根 味 番 。集註 人 0 重爲 、以法華爲 云 等者 • 佛 出 • 教 淨土 醍 儀云 醐 0 • 不說 更熟後番 、大湼槃者有二義 浬 槃 人 0 • 刨 重將 以法華原 般若 0 爲 爲 後教 淘汰 未 、於佛法中 熟者 後 、方入 味 0 • 、涅槃 更 如 起 說 燈 明 四 0

泯藏 爲末 中之四教 等中之四 釋 者 種 可 滅 義 四 見 • 世 退 通 諦 但 0 云 文相 別 夭傷慧命 鈍 0 也 0 教 涅槃追說四 根 也。既扶三權 0 權施 • 1稍有出 重扶三 同 却更分別前 ・徳 1 藏 知常 通 王 、亡失法身。設三種 品 入耳 住 初 權 後並不 、是追 教 0 • 故不 追泯 諸 0 以助一實、不同方等中對三之一。是追泯圓敎 0 追說 追泯 味也 知常 說藏 衆經 同 也。 等者 四 0 通別 敎 泯 0 • 別教 既前三教 者 俱 0 0 集註 重 教 會 寂 權 初不 爲 也。 也 四 • 扶一 未 種 0 云 亦皆 入實者 四諦 知 雖復 自 • 涅槃聖 • 法 員 知常 華 後 四 實 0 方 教 、廣談 以前諸 權開 0 並談 行品 故名扶律談常教 知 0 • 不同方等 卽 0 常住 四四 唯 經 • 、追分別衆經 不可說 皆泯 圓 而 教 • 與 方等四 是追 初後 中隔異之三。 • 此 也 也。 俱 說 則 0 0 教 圓 知 順 釋 此 -籤云 不 教 法華 故 文 。今湼槃 同 也 具 與 是追 0 部也。 說 彼意 方 又 追 四

二兼顯秘密不定

秘密 而 秘密、不定、二種化儀 。是決定、故非不定 0 0 **偏於前之四時** 0 唯法華是顯露 故非

上來四時 、已具六教。 而秘密、不定、通前四教,今於五時後、出茲二教 0 並前 爲

五時八教。

故非不 知邊 互不 釋 屬 就 顯 相 義 相 露 知 -0 不定 定 便 知 邊 秘 名 密 0 1 -法華 則 則 秘 0 不 密 皆 又 名 定 出 名 或 顯 0 0 具足 四時 若 秘 ___ 露 約 座 密 不 之外 說 定 知 不 應 邊 定 法 云 0 就 0 0 • --秘 超八教之表 便 若 兩 不 名 密 此 人 相 不 不 知 所 知 定 彼 聞 邊 定 也 所 • -0 彼不 則 顯 0 解 0 於茲 但 不 名 露 說 知 同 秘 不 密不 可 無 此 定 0 見 若 E 0 0 道 或 定 蓋 0 互 獨 彼 也 相 _ 0 音說 得 故 知 知 0 妙 此 秘 云 • 名 顯 則 密 法 -者 此 皆 故 露 • 名 隨 不 無 -0 良 決 知 顯 類 口 定說 有 彼 傳 異 露 以 不 聞 0 0 也 則 定 大 口 異 乘 約 傳 解 0 若 0 便

三略點通別、

然 此 Ŧi. 時 有 别 有 通 0 故 須以別定 通 0 攝 通入別 0 方 使 觀 咸

不濫。

然 迪 故 名 五 0 爲 時 攝 有 通 通 入 别 0 別 須 有 也 以 通 別 0 0 是 Ŧi. 别 則 時 則 小大偏 劉 五 定 時 前 有 圓 後之通 定之秩 、若教若 0 說 序 觀 與 何 通 -而 時 則 條 相 如 然 應 來 無 說 1 濫 當 法 矣 歸 -隨 何 宜 部 所 施 攝 設 0 -故曰 初 無 以 別 定 定 0

今先示五時八教圖 二詳辨五時八教觀法爲三、初標科。二圖示。三正明。今初

一圖示、

。次申通別五時論

0

決定 非漸 非頓 **顯露** 不定 秘密 漸 頓 後 中 初 涅槃追泯 追親 阿含但 般若帶 方等對 華嚴兼 圓 別 通 中 值 實 權

置

總

實

權

教 八

時

五

旭 如 教 祖 來 將 於 0 而 無言說 一書全文 Ŧi. 時 八教 中 、繪成 • 出 • 不 生 外乎 無邊 ___ 圖 法藏 0 權實二理 開 卷了然 0 所謂 0 權實 從一 0 俾無: 出生 又不逾一念。 邊教 無量 藏 、方寸 。天台將無邊教藏 所謂 可 知 收 無量 • 可 一歸於 謂 巧 、收歸 矣 ___ 也 0 五時 0 今

通別五時論。最宜

三正明

為二、初論

五時通別

。二辨八教觀法

。初

又二、初

標

科

0

IE

論

0

今初

正論為二、初引文以定通別。二正論五時通別。今初

法 華玄義云、夫五味半滿 • 論 別 0 別有齊限論通。 通於初後 0

玄。 末 隋 開皇年 醍 0 佛 醐 義 法華玄義 印 者 -無垢 爲 中 • 深 五 、智者大師於江 藏 味 有 0 稱玄義者 所以 王菩 0 乃譬 薩 也 竟云 喻 0 卽 也 1 玄謂 陵九旬譚妙。 體宗用教是 1 0 譬如從牛出乳 出 [涅槃經 丝 玄也 也 0 0 弟子章安尊者 釋 0 體宗用教 籤 夫 • 乃至醍醐 者 云 0 -發語之端 此 . 散布 五 味相 • 0 集爲 譬如佛出 經 中 生之文在 0 乳 。不 玄義十卷。分上下 • 易 酪 十二部 十三卷 可 • 生酥 見 經 、名之爲 聖行 乃 療 品品 至 酥

來 珍着 定 無 明 成 藏 則 湼 通 五 成 味 4 乳 得 有 槃 四 滿 初 0 字 後 + 道 敝 籤 半 所 慧 0 0 -方 \equiv 半 於 餘 滿 方 云 0 -+ 是 滿 以 故 便 漸 藏 便 年 0 • 言 機 九 呵 别 成 客 則 解 如 0 -感不 年 調 作 大 有 生 五 含 次第者 0 1 半 釋 經 居 齊 熟 酥 味 0 -齊 已 次 鈍 但 半 限 滿 云 0 0 妙 爲 是 者 滿 0 根 大 有 • • 說 臨 我 大 華 品 方 相 玄云 五 0 -說 嚴 亦 集 此 則 成 味 滅 領 便 不 度 摩 言 亦 教 云 初 0 • --今明 定 時 不 則 訶 云 智 唯 無 1 -帶 得 般 如 者 滿 半 有 0 • 於菩 而豊 故 若 來 大 字 半 不 相 方 Ŧi. 成 論 滿 便 味 師 離 K 0 -拍 道 慧 別 故 提 開 滿 0 0 • -不 於 始 道 判 於 有 知 佛 如 解 -别 於 漸 華 離 齊 在 + 場 知 0 ___ 代爲 方等 五 限 六 初 見 漸 成 嚴 權 # 時 年 實 0 成 成 酪 頓 滿 0 耶 别 後 滿 IF. Ŧi. 半 热 俱 0 0 0 方等 故 覺 半 雖 時 有 酥 遊 0 -不 亦 方 成 滿 如 0 0 0 1 是 知 等 在 滿 法 彈 須 如 不 而 華 訶 在 之功 鳥 離 方 初 五 0 通 王 鹿 時 明 付 便 五 . 則 之文 財 則 翼 味 在 苑 矣 0 0 意 不 大品 唯 後 半 0 0 0 -然 據 整 在 廢 滿 滿 雖 五 0 仁 # 味 後 信 齊 此 相 不 復 0 而 王云 半 有 0 解 世 明 料 俱 > 法 品品 序 减 4 五 游 0 0 時 華 對 秩 故 於 滿 1 0 --悉 云 如 脫 有 若 # 頓 行 云

申

通

五

時論

。初

又二、

初 通

章安

破古

0 _

靈峯

斤今

0

初

又二

•

初

破三

乘十

二年。二

_

正

論

五

時

通

别

_

,

初

五

時

論

0 -

别

五

時

論

0

初

又

=

•

初

31

文

申

明

通

意

0 _

正

0

0

•

0

避

名

有

僧

過

異

常

0

章安尊者 玄義 年二 涅槃 之偉 門 敬 章 聞 不 安 0 -一歲 十受具 明 聞 故 、示 0 • -晚還 若 莫 其 以 地 • 0 受 云 寂 名也 樹 亦 可 母 處 玄義 若 台嶺 言 於 戒 乃 E • 、人言第二 聞 顯 0 或 石 喻 0 -在浙 者 清 於 天 此 其 0 0 -縱 今 未 仍 妙 寺 江 子 人 江臨 慧 非 玄 陵 經 3 値 也 0 戒臘 稱 自 鶴 解 凡 0 0 0 海境內 卷舒 若 序 次 師 林 0 0 時 田 云 Ŧi. 年 因 諱 0 若 受 聞 荆 + 以 灌 鑽 -、十二年中說 摩 爲 幸 有 不 頂 里 仰 揚 0 往 哉 忘 名 輔 訶 0 0 • 吳 復 聿 止 行 彌 灌 -0 0 七歲 尊 覺 頂 廣 觀 至 氏 云 -聖 途 廿 子 堅 如 -0 0 昔於 蓋 將 自 七 典 高 别 入 0 始隨 攝靜 生纔 萬 傳 著 以 -0 西 浬 書 里 建 並 0 業 智者 寺 槃玄義 方 而 復 \equiv 0 一乘別 家 出家 月 風 惟 前 傳 1 教 俗 之 後 始 至 念 -能 聽 藏 二卷 金 補 • 教 0 0 -稱 玄 陵 隨 斯 H 接 經 -0 文 全 記 言 文 母 名爲尊 0 -1 若 賴 疏 聽講 萬 稱 各 纔 0 次 言 = + 隊 聞 秉 筆 + 寶 卷 在 法 0 0 • 華 名 之力 穎 此 將 徧 卷 江. 0 云 陵 文 悟 土 來 0 0 0

至

年

0

其

功

-

奉

蒙

句

0

乃

後

人

所

尊

稱

也

0

人言者

0

乃指

劉宋以後宏法之師

0

概

以

七階

五

時

•

以

判

代

聖

云

尊

者

口

悲

非

旧

未

別 教 摩 教 階 思益 彼以 破 者 0 今言第二時者 • 此 為 人天爲二階 出古人偏斷之過 第 三時 • 0 -正以 屬第 法華爲第 一時 人天小教後 0 以 ° = \equiv 四 因 時 大異 乘別教爲第二時 0 涅槃為: • 般若 • 故 第五 前 云 別 • 教 爲 時 第 0 0 0 諦 二時 以二 逐 以 • 一乘爲 緣 般若 也 0 -度 言 • 十二 階 法 • 各別 華 0 年 以 • 湼槃 中 而 般 修 說 若 也 -乘 爲 維

則三乘 化 若 也 爾 定 過 無此理 止在 十二年有宜聞 年 中 四 0 若 諦 不說 十十 一因緣 則 段在後宜聞者 、六度豈 可不 說 • 佛 0 若 說

0

0

斥

别 上 此 0 教 乘 而 正 應 耶 機 聞 問 破 感 四 斥 0 • 此 獝 諦 也 • 以說 如 0 云 0 文有 + 如 來 斥也。若不說下、以不說斥。若過十二年後 亦 汝 為為之說 大 所 \equiv 節 緣 說 六六 也 1 若 0 0 若三 則 度 爾 至豊 者 一乘之教 乘 -世 别 可 教 不 可 置 限 說 -不 之不 在 • 是 限 + 止 顧 _ 總 在 年 斥 0 者 十二 而 0 若說 不 • - 爲之說 年 過十 下 0 二年 何 、有三乘機興 • 得 是 耶 言 後 別 0 若 + 斥 -過 有 0 年 若 + 乘之 爾 而不說者 中 年 說 者 機 --乘 有 興 承

則 此 一類在十二年後 、應聞三乘之人、吾佛豈可置之而不敎耶。 定無此理。正是

反 顯 一定爲之說也。

三結斤

宜聞者 卽 是其事 、爲 即說 聲聞 何得言小乘 耳 說 0 四諦 如 四阿含 0 悉十二年 乃 至說六 • Ŧi. 部 中也 度 律 0 是爲聲聞 止 十二年 說 0 • 乃訖於聖滅 蓋 一代 中 隨 0

0

集結 部 經言下、是引經結明三乘不 年 • • 是斥 薩婆 明 法 矣 藏 多部 非 • 初從波羅柰 0 四 • 彌沙 呵 含 塞部 1 謂 0 終 增 -至泥洹夕 迦葉遺部 止十二年中 ___ 阿 含 • 長 • • 凡所說小乘法 婁 阿 0 **送富羅** 含 如 四 • 中 下 等 ·阿含 • 專引三藏證明通 -五部是也 • 、結爲三法藏 雜 阿含 0 0 下 五 文詳說 部 至湼槃時 0 破 律 三乘不 • 故智 刨 曇 0 何 在 論 無 得 德 云

破第三時三十年

作 佛 年 也 是 以 時 0 大 今問退 智 度 + 義 論 年 中 占 0 若 說 須菩 爾 宗 • 提 般 品品 於 若 與法 法 華 維 華 中 摩 • --前 聞 說 後何定 益 舉 依 也 低 何 經 頭 0 文 皆 知

是 品品 鞞 小 信 無 年. 以 定 跋 爲 功 TF. 般 中 口 加 致品 不 德 引 能 若之 憑 說 維 人不 退 文 入 據 摩 0 -乃 釋 則 知 0 0 0 0 --餘 有 論 思 有 至 意 智 說 大 經說 戲 爲 益 退 智 方 以 必 • 不 笑 顯 能 非 有 等 下 -等 退義 般 度 宗 馮 時 、有 _ -若 論 發 0 0 0 • 退不 稱 共 故 不 但 0 在 也 明 又 爲 南 知 法 般 知 云 0 第三 退 復 無 華 智 亦 若 憑 + 聞 佛 後 度 名 0 通 何 是 聲 時 年 大論 至 經 0 0 0 以今問爲畢 聞 及 論 文 前 法 文 三 學 有 + 爲 1 華 云 --皆當 手 千 又 後 年 有 知 • 須菩 卷 名 得 低 相 0 • 作 頭 智 何 此 教 \equiv 0 定 佛 提 什 論 + 臆 得 0 -作 必 於 說 + 師 年 0 0 局 今言 於當 佛而 若 法 九 在 耶 也 倍 劔 華 \equiv 年 0 0 無退義 大智 旣 略 + 後 來 經 此 -不 之。 刼 中 爲 年 是 云 般 應 聞 中 度 中 無 IF. 文 論 若 耶 有 說 斥 相 , 0 皆 成 退 教 大 0 者 0 --爲不 若 得 百 智 顯 維 0 0 -如 作 卷 佛 故 人 度 其 摩 論 須菩 畢定作 法 佛 於 法 純 日 -華 空宗 佛 加 是 思益 0 、是 臆 經 又 所 提 大 佛 聞 釋 般若 說 下 海 說 三十 • 作 大 而 30 0

華 若 有 在 爾 退 般若 、大品 義 耶 後 0 耶 與 故 (法華前 。若定 云 、今問 說般若 後 何定 退義 在法華前 世 0 是則 。若定說法華在般若 般若 0 今文明言在法華後 在法 華後 、豈局 後 。今明 在 0 三十 何得 文 在 年 一般若 言在法華前 中 耶 前 0 故 0 何 反 得 耶 難 言 0 云 是 法 0

二靈峯斤今。

則

般

若法華前後有

何一定耶

0

論 八之安說 智 者章安 0 爲 、明文若 害甚 此 0 故 0 今人 先 中通 絕 論 不寓 次 目 申 0 別 尙 自訛傳阿含 論 0

玄文 訛 非三 玄義 據 聖 傳 祖 發 + 訛 禁 誥 -明 年 别 0 • 而 乃 名 通 有 評 0 云 齊 日 判 £. 瞭 今非 呵 時 如 限 總 含十二方等八 指 持 --掌 昭 通 • 0 故 如 於 王 0 天 故 初 日 日 云 後 論 0 明 師 0 0 0 今人 文 乃 傳 智 、二十二年般若談 若 智 佛 者 何 此 者 法 1 隋 故 明 燈 0 訓 絕 今 主 • 不 X 稱 所 昭 絕不 稱 寄 然 爲 目 智 0 0 章 寓 者 大 • 師 法華涅槃共 閱 目 安之破 0 授晉 自 0 -尚 後 正 三乘 是 自 咸 王菩 斥 訛 稱 八年 薩 X 傳 不 大 師 師 在 戒 0 竟 此 + 爲 • 不 華 閱 智 正 0 嚴 斥 年 者 大 E 最 部 矣 時 0 • 初三 斥 大 人 0 故 般 E 王 0 引 以 以 若 紆

而 H 通 0 此 五 時 頭等於道 爲 之湮沒 連途說 0 則 於判 、全無稽考。 教 途 • 故曰 處 處 妄說 成礙 0 0 由是世 故 日 爲 害甚 人但 知限定時 大 0 是以 通 日之別 五 時 Ŧi. • 不得 時

先爲發 申 明 通 五時 0 故 論 云 先 申 自為 通 論 五 • 次中 初 論 別 華 論 嚴 0 以 別 五. 時 • X 所 皆 知 耳

正

0

文

•

通

0

乃至五

•

論

法華

湟

槃

通

0

今初

常 明 通 滅 五 時 0 者 則華嚴通後際也 。自 有 類 大 機 只今華嚴入法界品 0 即於此 土見華藏界 0 亦 • 舍 斷不在三七 那 身

終聞 欲明 藏界舍那 0 況前 盧 夫 舍那 日 大 通 教耶 初 故故 五 身土。 出 佛 時 。只今下、明今之華嚴三十九品、最後入法界品 0 云自有一 、先以 、先照高 身處 是則若身若 華臺 標 類 Ш 示 0 。乃界外一 故故 、爲千百億釋迦牟尼佛 日若垂 土、皆常住不 云通 沒 五 類 時 • 亦 大乘之機宜也 者 應餘輝 0 宿値 滅 。豈非華嚴通於涅槃之後際耶 峻嶺 • 深 說 厚 心 0 0 0 故蓮華藏 地 即於同居土、見 今感大化 法門 、亦斷斷不在三七日中 。故云 海會 • 故云 即於此土 • 通至涅槃之後 大 蓮華藏世 機 0

妙

•

見華

界

海

此

輩

始

藏 復 有 得名 宿 說 故 來 通 通 無 部 四 之類 方 根 宿 入 0 獝 云 於 各 微 當 始 世 義 如 0 論 0 前 類 於 雙 又 薄 此 白 也 垂 云 阿 1 後 非 名 化 小 卽 何 鶴 -0 --含 不 次說 時 故 鶴 仙 之 文 涌 明 機 0 通 感大 故 名 林 苑 地 通 五 說 矣 0 雙 般若 時 耶 名 者 0 -0 不 樹 古 群 化 始 中 鶴 妙妙 0 0 能結 仙 鹿 林 如 文 0 -0 章 從 樂云 以 歷 又 來 所 所 通 0 安 鹿 之類 化 云 始 歸 劫 入 居 居 苑 終聞 事 前 根 修 滅 如 • • -畢竟 義當 分 分 處 如 故 行 也 此 -華嚴 頂 也 來 小 0 E 0 破 終 合 華 妙 成 鹿 轉 、名之爲終 0 -在 道 故 嚴 玄云 教 苑 斥 至 世 -拘 海 故 後 云 時 0 鶴 名 空 也。 尸 天 ___ • -癡 林 若 類 雙 城 度 緣 • 樹 法 華 經 Fi. 在 小 0 1 口 華 嚴 SI 比 輔 機 家 0 尙 唯 含爲 佛 夷 會 頓 取 丘 行 0 聞 後分部 何 鹿 入 乳 於 羅 --經 中 跋 須 苑 佛 執 阿 • 藏 間 慧 别 提 轉 者 者 含 迷 法 往 類 0 河 • 但 --毗 毘 古 卽 在 相 邊 輪 檢 而 0 尼是梵語 尼 般 於 通 初 從 王 0 0 湼 樹 此 亦 養 至 對 --槃 鹿 結 通 有 云 0 之所 則 四 1 柰 經 歸 0 其 苑 前 雙 化 至 • 0 0 此 分華 此 後 林 之 0 0 -則 皆 翻 變 復 初 從 亦 0 爲 義 故 嚴 樹 以 如 1

後 起 故妙 律 0 耶 通 0 通 • 是律 玄引 又 論 至 章 如 於 亦 安下 身子 至 後 智 藏 於 矣 論 0 梵語 後 0 -• 云 今言 斥 法 0 -阿毘曇 迷 華 何 從 請 三藏 可 者 初 知 主 鹿 -迦 苑 0 通 • 後 此 留 前 -至湼 入 施 後 云 對法 滅 夷 明 槃 於 者 • 均 法 夜 是論 0 提持三衣 華 妙 -所說 中 玄云 藏 0 -戒 此 面 -若修 至佛 得 定 輩 從始 受記 慧 所 多 -結 羅 至 0 0 佛 後 半 爲 終 問 修 入 酪之教 0 聚 但 云云 妬 落 路 聞 被 藏 小 0 . 豈非 害 別 等 乘 = 論 0 -三藏 藏 作 當 在 結 第 知 而 通 E 戒 緣 時 藏 0

三論方等通、

豈 復 一得局 有 類 小機 年 0 宜 後 聞 僅 彈 斥褒 八年 歎 İ. • mi 如 方等陀羅 生 恥 慕 0 佛 經 卽 爲 -說方 說 等 法 後 0

則方等亦通前後明矣。

0

圓 此 教 類 論 由 方等 0 歎謂 1 轉 通 讚歎大 大之機 也 0 上 乘 來 0 0 故云 華嚴之 類 • 小機 復 機 有 -始 • 纔 類 終 聞 也 純 三藏 大 0 彈 0 是 四 • 卽 彈 含 便取 吅 _ 類 偏 證 敎 -初 0 0 遂成沉空滯寂 斥 後 是 皆 斥 小 遠 0 小 此 乘 方 等 • 保果不前 褒爲 所 被 褒美 乃

聞 於 若 年. 斥 0 -記 有 Ŧ 方 中 佛 而 -舍 等 何 卽 内 乖 0 0 身 城 华 此 待 爲 自 如 子 滿 明 說 來 + 生 -授 施 云 相 通 慚 0 諸 對 後 年 機 化 --之意 世 聲 多 0 . 0 尊 是 教 聞 FI. 故 恥 不 記 生 如 日 廣 0 0 是 虚 酥 方 大 0 • -世 等 今 教 聞 以 -復 陀 得 所 根 褒 0 言眞 於 別 證 羅 局 具 歎 舍 論 尼 在 攝 小 -衞 果 實 經 + 在 而 -便 0 或 第 說 四 渴 祇 年 教 堪 故 在 仰 能 陀 時 法 後 並 彈 大 華 第 林 陳 斥 0 乘 . 中 通 經 此 0 --第 論 故 故 後 明 E -復 \equiv 云方 慕 亦 通 云 -授 是 前 宜 至 -0 授 證 等 聲 於 機 聞 0 我 聞 方 法 後 明 教 0 等 等 門 記 方 而 0 相 記 等 生恥 何 時 0 0 扣 昔 纔 者 通 長 0 0 故 於 後 證 淬 慕 • -亦豈 知 陀 波 11 啄 者 0 方 羅 果 羅 故 同 • 等 柰 得 妙 由聞 尼 時 -至 玄云 僅 刨 云 • 0 法 授 在 彈 故 可 -華 聲 先 彈 斥 -E

四論般若時通、

後

則

方

等

下

-

結

明

口

知

0

般 復 若 有 0 故 乘 云 0 從 須 初得 歷 色心 道 等 • 世 乃 出 泥 世 法 泊 0 -會 間 歸 摩 常 訶 說 衍 般若 道 0 佛 0 則 卽 爲

通

前

後

明

0

復 第 也 法 十 質 有 四 0 -時 科 者 從 礙 初 名 1 0 0 ___ 利 通 卽 色 歸 下 世 論 • 於 根之三 0 是 出 靈 摩 亦 至 明 世 知 訶 於 般 法 E 衍 乘 若 0 初 心 道 -非 皆 後 亦 0 0 梵語 會 等 同 通 0 阿 前 於 何 • 乃等 含之 者 後 般 摩 若 也 訶 -從 於 ____ 波 0 衎 類 得 故 羅 五 . 鈍 道 妙 陰 此 蜜 玄云 根 夜 多 云 1 + 大 0 0 • 乃 至 故 • 乘 般若 入 泥 法 爲 云 會 利 酒 • 0 根 帶 卽 夜 歸 + 半論 三 摩 般 八 • 常說 乘 若 訶 界 滿 衎 波 • -須 道 乃 羅 般 -若 是 要 至 蜜 0 徧 媒 此 多 ___ 0 切 歷 酥 是 11 色 教 會 種 0 ili 法 智 色 0 1 世 别 不 0 共 等 出 論 會 世 者 在

五

論

法

華

湟

槃

通

又二

•

初

法

華

0

=

湟

槃

0

今

初

聞 露 云 如 有 是 根 邊 理 法 吾 熟 -0 今 衆 但 0 佛 見 牛 此 諸 在 以 0 世 前 苦 神 佛 薩 力 卽 0 爲 秘 • • 受 密 令 其 記 根 返 開 邊 坐金 作 論 未 權 熟者 佛 顯 • 剛 理 實 如 不 0 光 是 聞 開 障 法 礙 迹 0 座 者 故 顯 0 等 智 Ħ. 本 贵 者 如 贵 非 經 决 妙 無 云 師 法 留 云 是開 我 待 0 昔 法 义 四 梵 從 約 網 佛

耶

於

前

四

時

•

隨

於

何

時

-

調

停

淳

熟

•

大

志

起

發

-希

冀

作

佛

者

•

名爲

根

熟

衆

生

0

佛

刨

爲

壞

0

又

彻

0

八

T

梵

網

下

題

-

名

授

佛

-

佛

爲

-

理

無

障

證

0

約

顯

以

神

力

故 但

眞

實

0

成

之化

迹

具 生 應 山 議 IIII 0 度 般 者 涅 佛 槃 經 卽 亦 7 追 涅 敍 槃 河 閣 0 故 懺 悔

非

H

夜

也

0

逗 自 時 具 界 卽 出 作 羅 家 佛 物 有 新 云 八 0 X 故 機 致 王 卽 相 無 ___ -降 宜 類 閉 現 緣 0 者 0 0 各 魔 我 王 悪 哉 大 -七 -宜 具 卽 重 害 令 慈 相 -0 成 便 見 室內 老 升 追 八 0 -道 敍 雙 相 示 如 樓 以 佛 者 入 來 撲 致 作 垂 呵 -0 轉 滅 令自 滅 之 內 闍 新 兩 -紀 法 度 度 世 相 佛 0 外 輪 不 云 餓 皆 Ŧ -0 0 -故 方 懺 新 死 怨 不 死 -• 1 入 始 云 口 王 悔 0 0 -浬 佛 禁制 乘 解 新 旧 故 等 思 始 槃 刨 脫 議 佛 損 緣 云 終 11 群臣 未 示 者 0 0 -入 餘 指 世 八 共 0 生 -涅槃 相 小 非 梵 化 怨 大 -不得 語 無 所 天 故 乘 0 0 或 住 宜 下 0 大 阿 八 云 胎 八 往 無 云 闍 相 乘 -0 故 豆 婆 相 指 世 相 -0 -合入 羅 者 E 或 不 各 相 0 -太夫 應 後 此 具 -快 支 八 托 謂 見 相 哉 奉 八 -云 湼 降 胎 人私 調 此 未 相 0 0 故 兜 槃 然 達 翻 生 由 0 率 之 而 與 是 無 怨 加 大 0 得 教 大 飲 收 指 1 亦 -0 托 無 度 執 乘 法 食 日 以 0 降 胎 者 父 韋 界 初 八 --魔 汝 0 以 提 相 王 生 --出 如 殺 致 時 希 小 頻 --了 胎 來 多日 娑 老 懷 不 亦 • 相 魔 孕 法 各 -

害 過 大 醫 若 切 往 附 悪 是 如 食 良 賊 得 來 至 沂 非 0 不 0 1 -懺 演 醫 11 = 清 王 喜 婆 王 但 加 0 0 是 開 所 行 與 + 說 魚 不 淨 尋 0 --梵語 沙 法 處 妙 自 殺 賊 死 0 -0 發 當 藥 藥 白 念言 大 門 相 陸 戮 作 0 菩 言 臣 咒 知 0 伴 Ħ 大 ---悔 提 八 除 是 當 術 父 止之 連 聞 大 0 -是 我 + 我 王 王 沙 法 心 人 有 0 • 華 今此 門 及 種 所 無 故 病 何 0 0 --言 罪 苦 得 辜 母 富 好 必 樂 不 悪 0 也 障 隋 逐 能 安 身 1 樓 而 0 0 0 -消 生 耆 眠 P 横 亦 那 地 如 治 反 0 言追 獄 令 加 派 大 婆 鹿 不 受 加 被 0 -歡 華 從 和 乃 在 何 逆 閉 此 0 0 0 敍 云 喜 我 報 顏 徧 機 王 害 置 悪 空 以 者 告 讚 亦 深 而 悅 故 王 I -0 0 -言懺 庸 如 如 初 耆 大 宮 來 地 色 --追 多 申 來 是 我 獄 害 無 婆 • 0 0 者 悔 供 歡 故涅 爲 功 父 果 父已 H 由 0 -者 養 德 云 先王 我 報 是責 心 不 干 退 何 槃 說 今 0 0 死 -0 1 -諸守 世 乃 發 \pm 當 我 將 法 病 心 云 0 -梵 露 隨 得 昔 如 近 刨 重 牛 --敍 華 懺 不 者 其 安 曾 法 不 悔 Ŧ 執 0 穩 聞 遠 者 兼 悔 教 治 於 熱 舍 利 口 -守 禁制 學 眠 智 大 劍 0 或 IF. • -0 0 述 佛 到 耶 者 法 爾 徧 城 者 0 0 -梵語 也 卽 娑 說 雷 體 欲 Ŧ 四 日 時 0 0 今我 羅 爲 害 王 言 無 大 生 闍 --言閣 醫 懺 說 雙 辜 興 瘡 其 太 世 刨 -樹 悪逆 身 摩 實 又 咎 王 母 怒 夫 --間 相 無 名 臭 日 人 王之懺 0 • -• 害 其 密 此 意 横 耆 穢 被 法 無 瞻 我 業 以 云 要 上 加 婆 不 性 日 0 悔 悔 仰 大 弊 光 飲 逆 可 母 0 -0

•

0

-

-

0

0

心菩 第 非 天 諸 Fi. 緣 菩 薩 時 日 -薩 觀 並 0 ___ 夜 非 湼 通 1 論 亦 槃 臨 中 事 曾 耶 亦 派 問 至 者 度 0 我 大 於 時 -以 如 經 初 事 湼 是 0 0 I 槃 乃 深 故 • 義 我 釋 是 滅 坐道 論 度 0 然 前 云 日 事 其 場 _ -菩 夜 從 所 0 提 湼 問 初 所 樹 說 槃 句 發 義 心 下 耳 經 功 中 0 --常 德 初 妙 -玄云 不 成 觀 -亦 湼 過 正 覺 槃 皆 重 • 若 行 如 述 0 前 是 道 湼 劔 槃 文 時 0 -等 無 前 醍 -醐 故 量 來 無 諸 有 滿 日 四 教 追 異 僧 敎 敍 祇 0 0 -出 别 恆 如 0 論 又 是 沙 無 間 世 發 在

者 -則 能 利 益 無 量 衆 牛 0 此 則 通 至 於 前 0

初 又 論 五 時 • 别 初 IE 為 論 = 别 0 五 初 根 0 鈍 明 -具 不 拘 經 時 五 日 味 0 0 初 _ 又 稍 利 五 • • 初 隨 華 時 嚴 得 時 X 别 0 = 0 未 熟 0 更 待 後 教 -

次 明 別 Ħ. 時 者 0 乃 約 類 最 鈍 聲 聞 0 具 經 H. 番 陶 鑄 • 方 得 實 0

所 決園 無中 謂 方 初 有 0 然聲 於 舍聞 華 利 0 嚴 弗爾 等時 不 見 由證 不 聞聖 聞 藏果 敎 • • 、尚 全 方於 生 證菩 聖薩 如 果 境 乳 界 • 方 , 0 預 如 入嘅 見華 法如 不嚴 界聾 聞前 會 八 0 0 至會 驗 0 知 則 第中 知爾 九 • 入 前 會永 法 • 入無 界 縱 法聲 品聞 界聞 華 品 -嚴 故 斷 • 不 在 云 說亦 祇不

在

阿

含

前

矣

0

人

胡

略

不

思

察

•

妄

謂

華

嚴

局

在

 \equiv

七

日

内

耶

V 相 出 那 記 雖 以 轉 次 造 牛 乳 經 身 作 大 明 中 與 華 器 • -佛 别 • 濃 乃 嚴 故 之 口 也 者 • 謂 云 故 最 淡 至 座 0 -爲 巧 彻 醍 席 不 遲 對 云 見 矣 醐 方 造 鈍 上 0 -依 濃 得 就 0 0 者 先 0 淡 以 然 有 入 明 人才之意 -譬從 是 實 非 耳 涌 0 **譬機之生熟** 不 也 始 1 佛出 凡 終 聞 故 0 所謂 夫 也 純 云 十二 小之流 頓 次別 0 0 故 教 Ŧi. -部 乃 番 日 0 0 -相 經 故 進 全 陶 也 Fi. 生如 云 生 解 鑄 時 0 • 乃 不 之詞 者 Ŧi. • -譬 至 乳 聞 卽 番 -教之次第 大 乃 Ŧ. 陶 0 0 0 般 若 全 時 標 鈍 鑄 湼 取 生 調 根 者 示 槃 相 如 者 也 停 -乳 范 生 也 0 0 -0 於 土謂 Ŧi. 最 0 • • 一味之譬 法雙譬機 則 此 華 必 鈍 如湼 是 嚴 經 陶 聲 約 座 聞 五 0 槃云 機論 席 時 鑄 1 -有 應 乃 金 • -此 其濃 有 爲 指 0 而 7 而 譬 眼 後 鑄 意 佛 如 淡 不 始 類 0 皆 祖 從 見 力 與 1 • 之 卽 4 舍 授 所 能 0

二阿含時別、

次 於 阿含聞因緣 生 滅 法 • 轉 凡 成聖 0 如 轉乳 酪 0 乳酪 漿 • 即 也 熟

含 對 華 0 言 嚴 因 之 緣 初 者 說 --種 故 子 云 為因 次 0 先於 0 疎 助爲 華 嚴 緣 -旣 0 未蒙盆 指 三乘 悉是 0 次 在 正因緣法 鹿 苑 -也 暫 聞 0 此 便 證 IE 大 0 緣對 故 非 次 於 邪 因 可

教

觀

綱

宗

科

釋

革 凡 優 緣 凡 胎 劣之不 • 成 及 而 聖 成 無 聖 彻 日 因 果 緣 -而 而 -故 成 言 小 云 0 大 然茲 轉 凡 偏 因緣 成 員 之差殊 聖 二字 0 如 轉 耳 • 生乳 乃 0 言 吾 佛設 而 生 成 滅 教 者 熟 之正 酪 -諦 0 宗 然 緣 酪 度 • 諸 勝 皆 於 生 行 之大 乳 滅 也 -濃 本 0 淡宛 下文 也 0 然 自 但 見 智 0 慧 以 0 譬 轉 有

三方等時別、

復 次 具聞 聞 方 等 四 教 • 彈 然但密得 偏 斥小 通 歎 益 大 褒 0 如 圓 轉酪 0 遂 恥 小慕 稇 0 • 自 悲 種 0 雖

生品 斥三 向 1 大 聞 藏 也 及 呵 0 4 含 大 0 歎 字 革 彈 乘 大 法 偏 凡 0 是 門 成 者 0 耶 稱 聖 0 -小 歎 有 乃 -文 逐 顯 以 0 泇 殊 乃 員 -葉 教 保 淨 有 果不 云 名 密 彈 回 • -0 ___ 前 是 藏 如 切 褒 維 通 0 菩 圓 摩 别 由 薩 弟 是 \equiv 0 假 教 智 子 -之偏 皆 者 品 諸 應 大 大 -欣 師 密 土 0 斥 彈 互 慶 -頂 以 11 11 相 受 此 者 酬 0 此 禮 唱 八 -法 字 卽 巫 -判 是 斥 去 0 是慕 盡 花 通 小 經 别 彈 • 大 顯 員 理 偏 彈 减 0 0 -内 世 字 欲 法 切 懷 令 0 門 聲 慚 觀 巴 聞 對 愧 衆 小

聞

此

不

思

議

解脫

法門

0

皆

應號泣

•

聲震

三千大千世界

0

是自

悲

0

迦

葉云

•

我

等何

其 爲 1 -漸 永 淳 絕 淑 其 根 -故 0 於 密 此 得 大 通 乘 益 -己 0 旣 如 恥 敗 小 種 慕 0 大 故 名 • 如 敗 轉 種 酪 0 雖 成 生 知 酥 有 大 0 酥 乘 --濃 而 於 不 酪 巴 小 力 向 0 大 0 但

四般若時別

帶 次 通 聞 别 般 若 0 IE. 會 明 切 員 法 教 皆 0 摩 然 訶 但 密 衍 得 0 轉 别 敎 益 苦 0 薩 如 轉 0 生 領 稇 知 成 熟 切 佛 酥 法 0 藏 0 雖

泰 若 領 聲 執 法 傍 門 皆 命 情 聞 知 0 自 用 皆 是 其 先 0 佛 切 向 故 知 通 是 在 菩 螢 教 力 佛 方 方 珍 火 法 薩 等 等 寶 0 -寶 說 後 由 -IF 0 -不 用 句 機 藏 雖 0 • 別 乃 及 未 日 藏 故 0 聞 仰 日 員 轉 而 日 般 慕 光 切 0 --自 轉 若 加 禪 乘 大 0 敬 於 定 言 自 教 乘 0 謂 菩 伏之情 被 故 智 0 其 乘 慧 加 被 薩 云 加 次 執 . 0 --密 名 聞 令 於 情 故 -倍 成 說 佛 般 未 F 若 別 轉 捨 更 寶 心 0 轉 教 般 意 益 藏 0 -熟 若 會 不 0 0 0 -言 肯 領 帶 中 在 0 如 寶 領 切 巴 知 通 I 法門 藏 小 從 知 等 别 1 世 者 法 生 向 -1 聲 門 酥 IE F 大 • -聞 文 文 卽 明 0 0 -轉 密 句 法 乃 員 敢 已 得 華 以 成 教 云 有 釋 熟 别 者 所 名 般 -0 酥 益 勸 說 佛 若 E 0 輔 學 付 也 也 以 理 0 般 中 有 財 水 行 0 0 若 明 所 il 云 0 • 蕩 說 故 法 漸 -門 般 切 者 其 通 I

五法華時別、

次聞法華開權顯實 0 方得 圓教實益 0 如 轉熟酥 • 而成醍

上 四 味 調 停 • 機已 淳 燃 0 乃 於 靈山 高 會 -開 權 顯 實 0 方始入實 0 授記作佛 0 如來本

懷、於此究暢。所謂一化週窮、五時終卒也。

二明不限時日、

然 如 來說法 只此 別 Ŧi. 神 時 力自在 法 、亦不 0 拘定年 一音異解 月日 時 豈容思議 但 隨所應聞 0 即便得聞

0

以 音說 上所明別 法 • 能應衆 五時 次序 機 0 、雖條然不紊 如來神力、不可以心思圖度 • 然亦無限定時日。 0 豊可 但宜所 以言語形容耶 應聞者、 即便說

二稍利隨時得入

又 有根稍利者、不必具歷五味。 或但經四番、三番、二番 **二、陶鑄**

便 得 0 若 於 阳 含 方 般 隨 悟 入者 卽 是秘

定、二種化儀所攝。

得 不 聞 可 法 最 華 鈍 0 • 悉 日 能 稍 入 利 實 0 四 相 番 0 前 • 卽 = 時 般 證 若 入 0 者 \equiv 番 • 皆 -歸 卽 方 秘 密 等 0 -不 定 番 所 -攝 刨 阿 耳 含 0 0 隨 於 何 時 皆

三未熟更待後教、

復 生 0 或 堪 待滅後 聞 法 餘 華 佛 者 0 0 或 非 自 槪 退 熟 席 玩 或 華 移 玄義 置 他 文 何 0 此 則 更 0

不爾 復 籤 再 云 自 云 以 有 般 甘 者 至 • 法 若 法 退 1 · 湼槃不 華 淘 席 華 如 汰 時 0 之。 破 如 • 應遙 而 大 = 陣 以 變 根 指 湼 土 猶 0 樂捃 八千 餘 田 未 機 熟 -聲聞於法華 拾之 移 至 -彼 諸 不 0 天 堪 -卽 如 人 預 殘 收 置 會 黨不 拾 中得受記 於 -法 他方 故 難 華 遺 未 0 -莂 故 漏 故 堪 以 之 聞 0 云 見 法 機 移 法 華 如 置 華 • 來性 爲 故 他 者 大 日 方 0 收 更 如 0 0 待 如 此 Ŧ. -湼 浬 千 秋 類 一樂爲 收 槃 過 退 多藏 捃 法 席 華 之流 捃 拾 拾 也 座 0 更 席 0 0 故 釋 無 -

教

觀

網

宗

科

釋

滅 0 知 餘 所 0 度 是 不 + 作 覺苦! 療 人 中 0 也 雖 玄 更 佛 0 義 牛 薩 無 或 -名 待 文 餘 滅 所 句 乘 度 行 爲 滅 之 0 餘 後 0 -則 衆 想 自 佛 餘 如 生之 於 、入 佛 0 來之 所 如 者 機 於 作 紀 • 湼 功德 引 佛 16 -旣 槃 儀 法 滅 華化 然不 度 0 • 1 冷 而 生 後 然 齊 於 滅 城 -彼 現前 喻 口 度 0 見 如 土 想 品 矣 來 求 無佛 0 云 佛 當 應 0 • 機 智 故 入 我 0 之教 涅槃 慧 指 日 滅 度 • • 几 群 得 0 後 依 • 疑 亦 聞 我 大士 -自 復 是 於 復 爲餘 經 釋 非 餘 有 國 弟 0 唯 作 子 佛 0 故 以 佛 不 0 佛 聞 又 五 -事 更 指 乘 是 非 有 經 方 -而 異 便 0 概 得 名 不 有

辯 1 教 觀 法 _ 0 初 化 儀 四 教 0 = 化 法 四 教 0 初 又 _ 0 初 科 示 0 _ 正 明 0

化 儀 四 教 說 0

四 兼 IE. 明 明 顯 為 密 = 0 0 初 初 又 明 四 教 = 0 初 明 觀 頓 教 0 初 0 _ 又 漸 四 教 0 初 0 Ξ 自 秘 為 密 四 教 0 四 0 _ 不 定 部 中 0 今 用 初 教 0 = 漸 頓 相 融 0

頓 有 代 中 義 宜直 收說 0 界外 頓 大法 敎 部 不不 0 與二 謂 初 乘 成道 共 者 0 如 • 梵 爲 網 大 圓 根 覺 人 之 所 頓 說 • 唯 局 華 嚴

0 等

經

•

並

入

此

部

0

是

謂

以

别

定

通

•

攝

通

入

别

也

頓

教

相

0

謂

初

發

心

時

便 成 IE. 0 及 性 脩 • 生 佛 體 同 等 義 0 則 方 等 般 若 悉

皆

有

之

0

教凡華 攝與 便 中 則 1 初 頓 獨 成 發 梵二 嚴 成 教 而 依 • -網乘 被代 以 道 無 解 不 IF. -界中 圓共 義 不 起 覺 刨 例 0 覺者 外直 脩 者 般 加 大 由 __ 0 -大説 不 若 代 根 心 ___ 0 0 機界 造 全 德 經以 初 刨 部 刨 0 、别 名外 \equiv 出 四 性 初 0 而 0 • 日大 文定 如 起 住 緣 il + 大法 先 通通 脩 百 大 圓 相 心 • 法者 位 善 之、 照 佛 故 發 佛 0 -脩 世 類攝 法 部 亦 高 心 云 • 别大 非通 界 發 \equiv 身 爾 不 外 111 局 義入 者凡 無 德 大 在 • ---分 刨 通别 獨始 11 圓 士 加 性 初 善自 佛 身 解 證 也者 爲 0 0 1 1 薩寂 及 衆 華 全 作 脫 頓 相 • 名 法場 嚴 佛 德 即 教 根 生 脩 通 爲 、終 部 然 在 是 頓 擦 0 _ K 圓至 發 教 代 乃 性 彻 天 0 0 0 龍 圓 者湼 部 1 相 心 11 0 0 -佛 性 及 教 純槃 唯 八 如 如 0 -刨 佛。 部 及 發 外 性 TF. 屬 來 T. 。不 衆 書 無 修 1 大 圓 初 在 0 住 不带 皆 生 師 脩 不 理 頓 寂 與二不 之文 天 滅 0 心 0 --是三 聖 藏乘 宿 造 刨 者 發 通 道 位 通方 餘 植 場 種 脩 相 -0 之始 三便 刨 也 時 深 無 種 卽 初 -乘為 差 法 厚 始 Fi. 性 則 0 • 謂 干直 故 別 陰 圓 身 成 0 • -德 卽 悟 故 涉説 感 TF 下 0 0 K 名 唯 覺 故 性 法 1 0 此 0 • 了 略 故别 切 削 性 局 初 大 -世 脩 大 引 彻 化 故 牛 云圓 0 -次 慧 佛 間 不二 0 0 I -

體 百 0 等 者 -等 於 發揮 圓 義之文 0 則 諸 經 咸 有 -不 獨 華 嚴 彻 0

二漸教

漸 亦 義 0 漸 教 部 0 謂 惟 局 阿含爲 漸 初 0 • 事所 六說 度生滅 四 • 諦 乘

收權入法 入此部 宜 方 等 爲 漸 中 0 時凡 所一不代 攝中 明者、並宜收7 上、所說彈偏1 入斥 此小部、 部。如大 增 褒 上圓 禄紹經 義寬 及 故餘 。四 般 若

第 爲 漸 • 則 後 華 0 嚴 般若教 亦 並宜攝入此初
が、並宜攝入此初 復 有 之 0 法 部共 諸 華 0 會 漸 漸 教 歸 頓 相 0 0 謂 不 同 歷 劫 華 修 嚴 行 初 說 • 斷 7 惑 故 證 非 位 頓 次 0

同 加 含方等 般 若 0 隔 廊 未 融 0 故 非 漸 0 然 仍雙 照 頓 漸 兩 相 0

爲 漸 密 初 亦 得 有 0 別益 方 等 義 大 • 0 故 11 名 部 並 漸 談 後 -知 相 0 = 有 0 藏 部 大 四 乘 局 階 在 • 成 密 \equiv 道 得 -通 相 0 通 益 通 教 -___ 歷 故 代 登 名 0 + 謂 漸 地 中 寢 頓 0 0 别 般 施 教 若 漸 修 轉 -諸 是 教 梵 菩 小 行 薩 化 始 0 -故 領 -故 日 知 衆 阿 歷 劫 物 含

說圓 又 但 非 修 以 小 華 亦 行 法 嚴 不 0 0 0 方等 華 而 頓 外 無 開 不 大 乎 論 之頓 能 前 雖 是 見思 漸 卽 有 0 頓 通 圓 故 0 • 塵 別 教 以 -云 是 華 沙 百 頓 • 圓 大 嚴 歸 而 -之頓 法 復斥 亦 無 • 華 故 復 明 圓 小 有 E • -頓 未 彈 兼 之 劉 之頓 皆 融 偏 有 0 別 法 有 0 -教之權 豊 今 前 華 -故 漸 能 後 1 E 卽 融 0 雙照 以 頓 乘 通 0 法 普 及 0 -漸頓 證位 不 般 華 會 若 同 純 • 亦 兩 \equiv 雖 九 員 相 時 會 皆 界 -法 故 有 漸 同 0 使 中 不 歸 次 • 第 之 而 日 -代 漸 不 華 故 0 能 會 嚴 雖 E -詮 之頓 故 華嚴之別教 人 會 漸 0 • 帶 無 非 歸 -復 漸 通 四 頓 異 别 含 0 0

三秘密教

名

0

圓

融

旨

趣

-

畢

·茲轍

矣

0

此 秘 密 說 亦 漸 有 等 義 0 彼 0 此 秘密 村. 不 教 相 知 0 謂 • 各 於 自得 前 四 益 時 中 0 無法 上道 華 或 正 爲 直 彼 故捨非方 秘便 說 密 • 頓 但 說 , 或 爲 秘

贶 0 謂 切 陀 羅 尼章 句 • 卽 Ŧi. 時 教 中 -皆 悉有之。

來 漸 頓 -各具二 義 0 今 此亦 然 -故 日秘密 亦有二義 。一教、二 呪 0 秘 密 者 0 如

不定 來說 便 益 說 各各 如 不 說 0 0 有 句 云 定 頓 故 此 0 • -之詞 顯 爲 聞 或 不 以 故 秘 法 云 1 0 -或爲 等字該之 必有 密 各 句 總 漸 + 相 云 -方 各 方 得 TF. 得 逗 持 知 0 0 密 默 不 說 對 具 最 直 耳 0 漸 ___ 0 漸說 大 捨 益 人說 相 彼 足 自 總 • ` 故 說 凡 方 互 知 0 應 在 ___ 1 若 云皆悉有之。 爲 密 切 便 故 座 頓 聞 不 頓 0 云 法 說 定 據 若 呪 也 顯 I --1 各 對 智 或 於 妙 秘 密 0 0 0 • -岩機 密不 多有章 持 自 各 爲 此 頓 玄 此 0 各 得 \equiv 多 座 有 說 無 秘 是 定 量 密 益 不 顯 不 \equiv • 1 漸 • 若 段句 呪 相 說 說 聞 義 0 0 ---於 大 此 時 梵 藏 默 知 漸 + 0 又云 語 彼 方 術 文 若 逗也。一 通 相 說 • -對 是 是 陀 互 在 處 曲 不 此 1 遮持 + 必 乎 巧 爲 定 密 略 羅 • -= 尼 顯 以 方 + 如 而 0 0 0 代五時爲顯詮 或 不 或 密 論 方 密 來 非 • • 悪 爲 爲 此 直 秘 -聞 相 四 0 0 或 密 頓 對 降 彼 門 無 云 -爲 别 俱 人 1 佛 不 不 座 人 -0 以還 遮 呪 教 默 定 說 多 以 說 無 0 論 人 或 頓 妨 漸 偏 0 0 --善 或 秘 0 唐 傍 如 相 此 無 ---吾佛 所不 密不 無不 爲 對 座 爲 譯 俱 礙 而 云 說 說 此 爲 非 多 --0 設教 不 或 以 能 持 眞 正 人 漸 定 1 云 云 說 說 言 論 測 可 也 0 0 今捨 十方 座 頓 得 秘 如 漸 0 0 0 -0 顯 章 又 聞 默 說 密 云 此 而 0 密並 說 是 陀 不 處 或 思 此 頓 不 . -章 羅 等 得 定 定 頓 此 文 者 議

施

段

方

頓

方

0

說

0

必

略

說 漸 亦 有 0 彼 此 村. 0 知 不 0 定 各 别 教 得 0 益 於 0 即是宜 前 四 時 聞 # 頓 0 者 或 聞 爲 彼 頓 、宜 聞 頓 漸 者 此

或 漸 聞 也 漸 0 教得 故法 非華 不決 頓 定定 益 教 說 相大 0 乘 0 即是 , 不 以 頓 定 助 益 漸 0 謂 • 以 前 漸 四 助 時 頓 中 也 或 0 聞 皆 隨 得受記作 頓 聞 法 教 華 得 佛 句 漸 益 故 偈 非

0

也 不 定 益

在於 說 不 說 說 不 定 頓 妨 四 頓 漸 亦 八 諦 1 -者宜 爲 萬 生 爲 有 此 彼 諸 滅 人說 義 聞 說 天 • 得 而 漸 漸 0 不 漸 也 0 無 漸 生 妨 者 教 0 聞 忍 不 亦 -生不 正 頓 知 0 得 當 明 益 頓 漸 知 滅 不 0 -是名 益 卽 定 此 0 雖 也 頓 亦 1 聞 爲 彼 而 0 文 漸 菩 妙 此 漸 略 玄云 得 薩 万. 0 -頓 知 刨 說 具 益 獑 佛 足 0 • 境 雖 雖 而 應 -是 頓 界 高 互 云 漸 相 Ш 1 • -是 頓 顯 頓 知 而 爲 說 相 有 露 -機 顯 資 不 -在 露 乘 不 定 也 智 於 不 動 0 謂 頓 定 營 寂 者 也 場 下 0 則 雖 而 0 0 遊 釋 宜 Fi. 知 聞 或 如 鹿 證 爲 頓 來 苑 爲 果 彼 0 機 我 雖 -

教

觀

綱

宗

科

釋

二部中用教

頓 教 旣 部 偏 四 止 時 用 別 亦 還 圓 用 種 四 種化法 化 法 0 漸 0 秘 教 密 部 不 具 定 用 • 四 亦 種 徧 四 化 法 時 0 • 顯 亦 還 露

種化法。

是 藏教 卽 化 用 圓 儀 \equiv 判部 别 0 方等 二種 教 0 • 是能用之教 顯 爲 化 密二 漸 法 中 0 所謂 教 • 部 1 編前 兼別 。化 中 所 明圓是 法四教、乃部中所用之教 用 四 時 • 79 , 所用 也 教 並 0 漸部 者 談 亦不出化法四 • 是 有三 用 一、漸 四 教 初部 也。 0 教 漸 後部帶 爲 頓部即華 0 阿含 E 文云 通 0 別 部 嚴 • 頓 中 0 • 等所 正 所 部 明 用 中 用 圓 所 • 但三 用 教 總

三漸頓相通

不

出

藏

等

四

味

者

此

也

0

加 頓 教 羅漢等 相 • 局 漸 唯 敎 在 相 員 • 0 局 通 在藏通別三、通 則 、前之三 敎 、亦 則圓敎亦有漸義 自 各 有 頓 義 如 0 善來 如 觀

相似分證究竟等。

生 羅 自 0 頓 0 漢果 取 落 便 紀 教 喚言 辦 引 相 • 等 衣 毘 --是謂 鉢 善 局 尼 0 藏 具 來 止 惟 頓修 足 比 持 通 在 別 丘 0 0 員 頓 = 如 謂 -0 證 百 於 此 有 • 修 我 臘 具 是 • 因 比 而 法 信 圓 證果 六即之位宛然 丘 中 白 頓 之頓 衣 • • 威 快 -• 悉 得 儀 來 -屬 庠 詣 娛 非 序 樂 漸 佛 頓 大之頓 0 次 所 -0 如 得 0 口 -故 利 具 欲 脩 刀截 足 梵 云 求 -漸 行 戒 出 故 紙 教 家 0 局 -相 如 盡 在 0 0 雖 憍 諸 佛 圓 • 局 陳 苦 觀 0 截 如諸 在 源 根 如 T 藏 性 善 0 張 大弟 佛語 通 成 來 別 燒 得 • 子 而 \equiv 未竟 阿 • 層 羅 0 堪 -卽 數 圓 漢 可 -歷然 雖 鬚 等 證 度 髮 阿 者 者

四兼明顯密

故

圓

亦

有

漸

義

也

秘 密 定教不定益 教 • 石 不 相 • 並入前 知 故 四時 無 川 傳 # 0 故 秘 無別 密 呪 部 9 山 約 指 几 悉檀 0 故 傳 0

秘密 互不 相 知 • 尙 非阿難能領受 • 豈人師可傳耶 0 四 悉檀 0 南嶽 大師 云 悉 者言偏

賤 或 說 事 衆 淨 檀 薄 衆 0 往 說 生 生 檀 生 -云 -0 0 0 -何 從 頭 贶 說 呪 法 瞋 IF. 故 是 • 8 之 勞復 悲 梵 者 故 佛 故 此 破 者 信 佛 1 令 七 名 或 多 欲 隨 名 語 0 -. 1 對 作 其 逃 分 如 是 其 者 增 說 其 四 -瞋 具 彼 軍 鬼 得 治 長 法 所 悉 0 1 語 若 教 0 或 中 神 悟 悉 善 欲 檀 云 0 聖道 樂聞 說 詐 順 之 根 主 檀 脩 必 也 檀 王 是偈 密 稱 呪 名 先 那 慈 -0 0 -若 王 者 號 74 心 故 觀 ---時 當當 子 是 名 稱 第 衆 爲 世 華 0 1 0 瞋 則 唱 名 愚 爲 之次第 界 言 其 -生 -0 默然瞋 根器 時 彼 無 號 第 義 癡 悉 爲 王 人 說 渦 名 悉 多 悉 或 相 檀 施 _ 之大 檀 偈 以 失 應 義 檀 者 分 -0 0 0 歇 部 悉 别 華 公 世 0 0 0 --偈 主 無 落 第 教 \equiv 小 梵 二其 檀 而 卽 -後不 對治 妻之、 或 所 敬 觀 說 隔 兼 -云 0 義 宿 訶 主 今 大 别 稱 -云 1 之義 復 問 令 無 呪 明 緣 悉 種 ---順 多 者 不 密 卽 檀 之淺 牛 故 親 0 0 若 游 順 敢 呪 爲 理 歡 0 0 名 -0 是主 之 密 謂 他 難 不 爲 也 對 深 喜 界 悉 四 事 默 刨 或 相 非 此 於 檀 0 0 1 及 治 悉 謂 等 衆 然 是 界 應 0 0 --欺 有 悪 故 檀 諸 名 佛 生 後 分 佛 • 能 切 卽 者 也 誑 知 病 稱 世 以 • • 悪 執 貪 人 明 降 衆 其 界 此 0 0 ___ -文 說 切 自 治 伏 生 欲 機 悉 蓋 人 四 • 罪 但 人 休 句 善 此 多 官 檀 法 -___ 由 聞 從 息 切 法 者 衆 根 而 0 0 0 云 -若 斯 麤 其 己 藥 爲 徧 鬼 生 0 • • 爲 譬 諸 教 說 根 偈 食 或 不 舦 熟 施 • 是 器 徧 來 如 順 師 觀 0 -常 悉 皆 微 呪 刨 淺 切 或 施 不 0

無

觀

0

名

也

0

川

傳

耳

0

索

先

陀

有

諸

力

明

•

教

觀

綱

宗

科

釋

隨 指 V 扣 前 0 0 儿 解 漸 時 雖 敎 指 阳 亦 圓 含 兼 -行 方 几 教 須 次 般 0 第 仍 未 --會 如 義 釋 合 兼 禪 JL 0 教 波 定 羅 觀 蜜 復 法 亦 未 唯 開 約 所 顯 圓 明 0 是 漸 也 觀 0 解 亦 定 唯 敎 約 員 圓

之頓 於 敷 4 藏 空 教 頓 似 此 揚 食 卽 朝 日 F 0 0 何 之不 忍 是 假 故 皆 0 0 行 草 名 對 卽 以 日 而 時 名 頓 究 教 初 中 口 -字 慈 刨 教 其 簡 11 0 . 或 注 得 初 指 故 旨 便 0 -超 醍 便 與 心 華 先 趣 以 0 章 諸 嚴 假 釋 或 醐 觀 則 -安結 諸 佛 全 圓 經 言 次 -名 究竟 法 解 以 異 觀 -0 實 義 徵 集 爲 大 . -開 唯 皆 圓 相 證 則 起 故 -+ 頓 得之三 兼 在 0 0 云 0 得 今 卷 觀 脩 便 別 頓 於 悟 成 世 几 觀 敎 此 圓 0 指 文 種 德 頓 介 也 开 0 \equiv 秘 爾 觀 華 觀 0 如 0 0 今之頓 昧 藏 唯 嚴 而 摩 ___ -如 念妄 題 部 名 副 相 約 -名 11 刨 應 圓 與 -觀 於 想 頓 摩 教 觀 1 0 妙 道 者 訶 所 故 大 同 漸 -門 之 明 場 日 頓 觀 -0 -頓 刨 者 具 具 旨 IE. 不 所 -圓 開 煩 顯 定觀 = 乃 0 0 明 頓 惱 T 義 大 智 佛 是 是 圓 意 異 者 知 性 性 則 -名 也 大 見 相 頓 兼 扣 0 -之 能 與 師 權 0 何 --0 得 頓 摩 百 以 頓 0 知 -訶 於 諸 界 言 漸 無 而 -之 佛 T. 非 玉 生 而 不 -此 定 泉 忍 = 如 非 圓 0 頓 頓 欲 云 德 0 -大 夏 敎 如 刨 明 秘 大

能 未 行 實 止 亦 能 開 至 假 悟 觀 唯 勝 須 0 入涅槃 人、 顯 臻 次 約 未 俱 0 -之圓 忽爾 第 意 圓 經 中 大 故云 法華 刨 同 人 --成 頓 故 故 空 0 0 0 故 皆 或 者 開 觀 漸 解 云 云 日 也 超 雖 雖 顯 勝 0 --妙門 本 故 假 或 0 也 E -0 六 次者 卽 中 用 云 圓 而 0 妙門 次第 先則 0 者 權 俱 漸 心 智者爲尚書毛喜所說者、文有 觀 空 0 實 0 或是不 者 -也 \equiv 雖 獝 \equiv . 忽爾 故 歸 是 是 止 0 0 釋 隔 = 未 五 云 數 定之詞 成 禪 戒 盡 礙 觀 大 波羅 頓 之詞 未 彻 0 0 次乃 多 0 融 0 隨 頓 蜜 漸 刨 0 0 0 故云 超 旣 漸 脩 教 假 · 三 -卽 卽 諸 不 云 乃 觀 止 能 是 次 世 圓 至 --間 空 頓 第 復 復 __ 人 -定 四 禪 有 未 未 中 • • 十章 次 門 觀 必 開 開 俱 • 漏 故云 卽 開 顯 顯 假 也 諸 • 、須 五 是 禪 圓 0 者 0 • 還 或 仍 故 漸 解 0 漸 0 者往 六六 也 未 然 觀 漸 0 云 -如 會 後 而 亦 中 多 0 一合句 檢 於 淨 行 脩 行 是 四 0 0 頓 者 出 圓 圓 教 勝 0 此之六 於 世 行 人 卽 IE -三 與 漸 用 無 中 0 • 今云 圓 故云 權 + 觀 漏 -法 悉 頓 復

問 但 收機 說 貝 頓 觀 0 問 卽 足 旣 稱 何意復 漸 及不定 說 and a 漸 及不定 何故 唯約 0 答 圓 人 根 0 答 性 圓 人

=

料簡

法 法 不 貝 0 又 未 開 圓 解 . 應 輒論 脩 證 縱 令 證 未

刧 相 無 倍 0 不

險 設 教 收 耶 恐 用 H 徑 圓 不 機 人疑 -0 之 答 解 定 又 不 -功 且. 不 何 盡 中 云 -置 開 不 故 0 0 0 1 以 定 唯 發 既 勿 由 -不 論 是 約 是 明 稱 亦 言 對 足 圓 圓 圓 是 0 之 刨 = 以 員 人 根 0 使 語 故 耶 根 ---脩 永 脩 而 非 則 云 0 設 證 圓 答 無 是 行 __ 之方 諸 切 者 人 中 = -過 受 種 種 皆 --世 法 明 圓 觀 1 --亦 其 不 故 世 故 0 -無 以 難 H 旣 何 0 云 未 法 又 開 免 開 根 容 圓 日 開 不 員 旣 性 漸 解 刼 員 圓 及 解 各 五 不 爲 相 解 世 别 --急 倍 是 定 嘶 0 -0 1 不 又 務 名 觀 0 0 乎 未 應 下 圓 種 旣 應 開 軱 人 屬 觀 稱 0 • 前 解 論 明 法 漸 0 縱 及不 者 脩 脩 \equiv . 不 教 脩 證 證 使 定 以 用 能 -0 1 不 刧 縱 開 徧 漸 • 何 然 定 圓 攝 --不 脩 漸 觀 故 解 諸 如 爲 持 亦 應 根 復 開 急 是 是 屬 0 -邪 圓 解 務 故 圓 不 者 行 定

0

0

云

化 法 四 教 說 0

化

法

四

教

0

分二

0

初

標

科

0

-

IE

釋

0

今

初

藏 通 别 正 圓之四 釋 分二 教 0 初 、乃敎化衆生之方 總 明設 教之意。 法 _ 。文略義詳 别 明 四 教 之 相 、非說無以 0 今 初 發 明 • 故曰 化 法四 教

教 法 病 尙 重 無明 病 爲 輕 說 石 三藏 何 爲 有 說圓 教 四 0 0 教 見思病 乃 如 來 利 他 • 妙 爲 說通 智 0 敎 因 衆 0 生病 無 病 而設 重 藥 爲說 也 0

•

漳 於 無 藥 故 尚 法 0 分別 性 無言 無 眞 病 稱 知 絕 理 妙 0 0 待 又云 、云何 見 也 說 日 0 思 思惑從 見 0 中 -唯 取 因 下 • 0 有 佛 懀 相 衆 假 • 是別 獨 愛曰 五 惑 生 名 四 塵 0 證 相 0 病 又云 思 乃 起 說 0 明 而 言 藥 設 如 、能牽生三界。此均欲界多分以說。見思二字 0 0 語道 人不 枝末 來大悲不已 藥者 故 病 日 0 知之、 斷 無明 如 見思者 。三惑二死 、心行 來 利 0 直 又云 他 • 0 爲 處 作 四 妙 滅 物 眼 教 皆 智 通 情 見 惑 儀云 0 病 0 心 深 0 也 權 尚 思 又云 智 -0 • 起 不 又云 稱 解之誤 四 不 可 界內 教 妙 謀之權 得 見 者 解 矣 惑 云云 脩 行 -脩證 全 0 0 0 智 何 雖 又 權 然見惑 云 而 名 皆 即 -有 不 循 四 藥 實 四 物 • 從 同 住 世 0 皆從 耶 法 權 機 . 0 0 又云 實 而 0 塵 但 此 解 見 是 施 故 起 不 得名 染汚 思 總 設 云 法 能 耳 說 -0

教

觀

綱

於二 疑 故 旣 PU 是 下 慢 + 止 0 + 爲 地 中 見 厚 地 界 -見 之 分 品 + 色 品 四 思 非 0 • 0 惑 而 共 界 謂 爲 者 八 見 Ŧī. 是 諦 -, 上二不 宿根 惑 下 是 鈍 成 几 初 九 耶 而 0 • 下 品 約 見 -使 地 禪 論 0 -見道 惑有 又淺 品 思 百 + \equiv 離 0 0 0 0 惑是 共爲 空 生 謂 界 八 行 + 0 瞋 品 喜 見 時 欲 無 九 使 八 E • 是謂 貪 能 界 上 + 邊 樂 地 + ---• 合 品品 瞋 是 使 斷 處 以 _ 卽 八 地 爲 欲 使 此 根鈍障 地 地 論 凝 身 0 0 -莫不 然後 界 慢 八 惑 E 0 0 --• 爲 + 邊 思 識 禪 有 九 中 --惑有 故 定 品 此 具 八 約 重 八 無 九 地 -+ 生 品 中 非 足 = 見 日 邊 0 0 • 爲 喜 界 見 處 上下 無論 Fi. 八 八 0 --化此類 品 上二 + 戒 + 所 地 樂 每 鈍 四 品 使 八 單 240 斷 也 地 諦 0 ___ -品 邪 惑 無 八 地 使 四 0 0 0 0 -乃 病 所 \equiv 地 中 有 見 如 0 0 0 • -之五 必 見惑之八 思 禪 是 是 有 E 重 九 云 -• 品品 則 複 苦 是 品 非 處 離 亦 IE. 一藏教 見 利 是惑 學 地 喜 各 \equiv 四 下 0 -毒 惑 喻 妙 見 具 使 有 中 如 0 非 樂 中 欲 倒 + 九 0 、方合機宜 • 0 • -品 品品 具 八 思 以 非 與 浪 切 與 界 地 喻 想 瀾 足 使 維 Ŧi. Ŧi. 夫 0 ---共 鈍 集 貪 者 道 煩 處 四 中 趣 漫 74 時 見 惱 地 禪 八 下 雜 法 滅 ---瞋 是 深 捨 + 品 居 劔 而 各 0 • --故 + 是 地 除 約 能 厚 念 不 無 ___ 0 • 品 之貪 六 癡 + 斷 云爲說 世 淸 下 百 窮 = 使 無 淨 盡 知 此 E 0 0 0 • -上 品 道 以 惑 瞋 言 見 慢 煩 色 地 -世 惱 界 癡 除 對 0 ---

說 藏 通 教 教 0 煩 0 無 惱 明 稍 者 輕 -• 而 根 本 宿 煩 根 稍 惱 厚 也 • 0 故 以 名見思 世 出 世 間 病 輕 切 0 爲 諸 法 化 此 -類 無 非 8 通 眞 教 如 實 始合物機 相 。而 人所不 • 故 云 知

是謂

無

所

明

了

-

故

日

無

明

0

餘

如

釋

義

釋 故 名 實 此 0 義 所 卽 但 , • 相 以 謂 别 非 0 -故 爲 諸 權 明 波 識 明 卽 云 權 取 法 四 0 綱 寂 水郎 實 觀 教 非 0 家之 宗 法 之 權 權 滅 非 實 波 相 相 0 -家之水 權 實 相 本 初 0 -不 又二 分 對 無 也 -故 實 可 四 0 -以言宣 皆 然 法 卽 0 -0 故 所 不 彻 初 初 非 謂 得 釋 = 刨 權 0 能 藏 非 非 E 因 0 0 病 又諸 詮 實 權 而 教 水 刨 設 名 非 有 0 0 究竟 法從 言說 二 權 實 藥 0 -家之實 者 诵 -大 釋 本 教 同 0 -非 若 綱 來 所 0 濕 謂 論 維 詮 = • -常 義 性 故 出 本 74 别 體 自 卽 權 教 耳 0 0 寂 開 今初 非 實 0 --濕 實 外 不 權 滅 四 性 但 顯 相 圓 0 -世 别 教 猶 不 實 0 寂 在 有 可 0 I -究 名 滅 初 波 波 _ 竟 法 則 又二 水 刨 四 水家 名 外 歸 何 -亦 哉 非 0 之波 初 復 何 權 0 0 釋 非 不 四 教 爲 實 口

一藏教 四阿含爲 經藏 0 毘尼爲律 藏 0 阿 毘曇 「爲論 藏 0

敎 儀 云 1 此 教 明 因 緣 生 滅 四 聖諦 理 • 正教二乘 • 傍化菩薩 。所言三藏教者 -經律論

說 此 藏 善 乃 爲 同 。果 義 故 論 必 治 法 以 翻 五 摩 長 義 0 • 不 爲 無 篇 四 又 兩 副 0 0 -0 -者 可 故 = 及 比 部 亦 迦 含 翻 各 戒 四 藏 偏 葉 含 呼 四 法 相 翻 無 含 -0 -名 半 教 羅 乃 明 比 據 調 請 亦 TEST 0 -11 字 法 耶 又 至 世 法 切 漢 伏 摩 河 云 乘 法 華 所 翻 分 訶 難 界 阿 文 0 0 -爲 答 造 對 云 迦 亦 陀 生 通 笈 -, 爲 諸 結 起 多 法 + 葉 翻 則 8 -貪 凡 論 請 等 切 八 滅 集 大 --部 藏 通 事 小 亦 義 着 有 優 -1 . 名 教 11 則 等 波 亦 故 云 0 • 離 教 同 故 乘 義 爲 佛 世 翻 云 0 結 名 所 久 律 几 外儀 笈 0 0 四 . -問 毘 說 後 集 呵 道云 皆 摩 爲 0 藏 者 名 曇 法 流 含 藏 通 --0 何 學 成 夏此 彻 傳 則 世 破 四 0 --故不 # 亦 毘 佛 含 之是 者 此 中 0 0 -字 皆 間 所 毘 别梵 止 尼 呵 0 0 名爲 尼 又 = 名 留 藏 說 含 别 0 音 能 -藏 4 四 楚 詮 據 Fi. 教 則 0 -0 部 亦 教 11 大 滿 毘 初 明 增 此 --智 部 皆 諸 乘 皆 曇 也 唯 翻 名 云 _ 毘 耶 度 帙 有 名 阿 深 教 0 0 也 奈耶 論 各 别 呵 部 IE 義 含 \equiv 0 -藏 法 答 別 則 毘 又 四 0 0 -此 處 曇 後 毘 雜 約 摩 翻 同 0 --教 處 滿 因 尼 亦 含 何 副 问 數 法 -諍 含 具 以 字 故 泇 亦 明 歸 F 0 云 法 有 摩 獨 葉 云 故 别 鼻 0 --奈 名 四 則 明 詳 副 經 又 -0 乘 衎 律 半 自 毘 分 大 耶 諸 明教 翻 如 結 爲 權 字 達 事 傳 禪 人儀 釋 -0 法 法 斥 藏 磨 大 所 佛 此 法 天云 所 義

 \equiv

湿

門

所

衆

0

制

翻

0

因。

0

藏 毘 初 名 爲 言 0 以 翻 H 0 首 凡 曇藏 文 佛 毘 經 契 釋 爲 -聖之 皆 句 尼 也 經 須 說 名 0 此 契 中 是 那 九 居 0 --引 律 是 所 是 先 佛 提 義此 理 -說 軌 契 佛 唯 經 說 說 出 -釋 所 曜 佛 時 何 又 則 機 字 毘 0 得 經 若 說 尼 制 也 未 經 -非 律 藏 以 法 0 解 云 工 0 0 論 契 佛 降 行 阿 Ŧ. 0 0 --含 魔 佛 佛 理 集 說 百 佛 時 爲 外 合 註 名 羅 在 在 以 也 • 還 首 各 不 於 經 漢 毘 波 0 A 又 耶 有 能 結 舍 羅 • --諦 弟 不 所 改 梵 集 離 柰 經 0 語 教 詮 許 壞 子 獼 通 • -1 名 最 契 所 猴 措 Ŧi. 儀 E 脩 0 經 常 多羅 機 作 相 池 初 辭 人 云 詮 名 共 符 續 爲 0 0 0 -起 定 論 最 如 說 訓此 彼 解 Ŧi. -教 學 人 禮 \equiv 此 脫 初 釋 0 1 之次 說 佛 根 經 爲 樂 經 -I 往 跋 契 及 律 者 法 征 0 0 後 耆 詮 又 語 經 聲 由 本 伐 • 脩 聞 阿 戒 也 觀 耳 庸 子 0 -含 學 出 經 集 說 多 自 天 0 羅 爲 經 疏 法 四 天 仙 • 世 論 化 先 善 相 毘 藏 子 由 云 聖 詮 法 曇 出 人 0 0 1 0 脩 慧 乃 藏 佛 1 經 0 • -學 言 名 論 下 行 金 者 在 0 爲 之初 教 故 羅 几 0 通 -若 所 訓 爲 論 閱 佛 印 知 宣 定 劔 法 别 世 本 祇 • 0 木 此 滅 訓 有 0 -• --當 故 常 又 刨 最 後 型 SPI

此 教詮 生 所 滅 詮 法 四 為 諦 四 0 0 初 心苦 詮 流 則 = 動 生 乘 異 0 0 道 滅 _ 則 詮 對 相 _ 治 遷 諦 易 移 0 奪 0 = 集 0 詮 滅 則 因 則 貪 果 滅 瞋 0 有 癡 四 還 等 詮 無 分 六 PU 帥 亦 0 詮思議

滅 則 識 滅 大 • 緣 識 0 滅 則 愛無 取名 明 • 色 爱緣 滅 緣行 取、 • 名 、行 色 取緣 有滅 緣識 有、識 滅則 六 入 有緣 滅 緣名 生色、、、 • 六 入 生名 緣色 滅 老緣 則 觸 死六 憂入悲、 滅 悲 1 觸 苦六 滅 惱 入 則 • 緣 受 無 觸 滅 明 滅觸 受 則緣 亦 行 受 滅 • 詮 受 , 事 行

六度行 0 精布 進 施 -• 禪 持 定 戒 • 忍 智 慧 辱

0

滅

則

滅

則

滅

•

取

滅

則

有

滅

則

生

滅

生

滅

則

老

死

憂

悲

苦

惱

滅

稱爲 滅 而 義 0 0 自 滅 . 與 夫善 相 性 苦 故 藏 切 諦 之道 有 不 0 云詮 • -悪等 謂 乃 如 爲 虚 心行 能 釋 \equiv • -7 界二 業 故 唯 詮 義 詮 之教 說 名 戒 卽 • • 是 常 + 定 爲 顯 0 所 也 爲 諦 慧 五 也 0 無常 有 三 0 0 0 -言 言 貪 集 更 乘 • 瞋 者 患 生 無 眞 生 一凝等分 累之所 諦 餘 實 滅 滅 -招 道 是 等 者 四 集 苦 諦 • • 0 文 唯 是 爲 逼 者 --不 義 惱 所 如 中 有 0 釋 自具 苦 詮 此 可 0 -令樂 之義 義 惑 故 處 集 說 與 名 滅 • • 爲 寂 道 業 口 0 0 0 慈業 所 苦 靜 凡 俱 不 、謂之四 安樂 是語 言 能 煩 0 滅 謂 是 招 述 生死 集 言 者 = 0 1 0 文字 苦 所 更 • • 以 集 八 無 -苦等 故 苦 餘 眞 滅 0 皆 是因 莫 名 者 處 無 審 爲 爲 非 0 • -實 義 是 以 四 顯 集 • 皆 更 不 也 逼 發 0 0 謂 惱 虚 審 無 0 生 爲 種 見 實 異 • 旣 惑 異 因 故 義 •

相

由

藉

爲

緣

0

集

註

云

1

如

無

明

爲

因

•

能

與行支爲緣

0

乃

至

生支爲因能

與

老

死

爲

緣

0

此

敎

-

非

但

僅

詮

四

諦

0

並

詮

+

大

緣

•

故

云

亦

也

0

法界

次

第云

-

展

轉

感果

爲

因

互

顯 異 此 而 滅 生 盡 心 正 萬 所謂 法 有 道 義 道 刨 無 滅 • 1 皆 攝 非 爲 諦 集 及 則 • • 假 T 助 住 生 諦 悉 無 凝 0 0 住 界二 道 也 說 然 廣 滅 流 生 0 0 彼 以 瞋 爲 則 異 動 死 -• • 是二 若 住 之累 須言 + 滅 滅 = 戒 分 • 表 界 定 擾 Fi. 癡 0 0 今胡 若 中 大 此 生 慧 濁 分 有 相 -三若 間 等 故 法 住 果之有 內 扶 • -對治 暫 異 果 暫 但云 心 分 名 -有 有 報 能 爲 四 滅 0 -色心 用 生異 易 亦 由 滅 1 通 • • • 方得 奪貪 總 假 以 、今處 各 此 至 0 說 表 方 滅 顯 滅 湼 -還 瞋 萬 並 槃 有 爲 無 起 有 , 復有 於眞 爲 住 善 是 中 實 癡 還 --悪不 說 千 故 等 \equiv 無 0 0 -虚 住 名 生 處 諦之無 相 • • 0 • 名爲 妄 但云 不 故 表 動 有 亦 總 爲 久停 不 \equiv 此 爲 道 如 云三 此 有 之 實 法 生 出 四 釋 • 0 法 故 世 相 先 住 分 謂 義 漏 -1 平等 復 名 一之道 非 業 滅 戒 0 -0 -名 自 有 耶 生 共 故 定 所 0 平 爲 能 慧 無 滅 有 名 言 • 0 0 譬 等 滅 答 異 感 道 而 滅 生 與 八 諦 萬 滅 有 表 如 _ 夫 者 0 0 1 故 略 界 苦 諸 此 明 匹 也 • -道 假 則 生 生 7 諦 道 法後定 0 間 住 說 但言 暗 死 煩 品 以 0 卽 苦 貪 能 爲 滅 惱 是 , 果 攝 生 生滅 有 分 世 通 無 0 • 故 異 煩 爲 爲 此 -• 0 異 名 故 自 几 煩 惱 義 --表 足 名 有 相 生 惱 0

是業 是 愛取 旣 風 息 H 立 名 是 處 無 屬 . 0 0 因緣 未圓 煩 因 生 名 報 障 明 有 止 --過去 意 。三道 惱 三支 緣 形 出 滅 風 觀 0 位 入 識 道 體 、皆 -云 0 . 名 今先 有 故 妄 世 卽 0 • -0 -感是 名爲 現在 是名 初 \equiv 生諸 爲 念 • 輔 是 可 是業 、投入 以 種 以 命 托 癡 行 胎名 色攝 也。 心 因 \equiv 不 識 根 0 云 -精 同 緣 迷闇 世 形 位 道 -0 歌羅 母胎 二行 能 生老 釋 1 也。 血不 0 0 0 -之。 -度 名是心、色是質者 四 卽 蔽 爲 聖道 臭不 支 四名 0 過 死 者 邏 0 性 • 造作 口 差 去世 無明 二支 0 • 1 刹 此 以 別 色 爛 0 無 世 語 業 故 0 • 時 那 名 所 與 0 -未 故 名 名 名爲 行 言 間 十 刨 是 行 明 分別 W 來果 雖 色者 爲 具 也。 了 -0 -有了 障 乃 天 於 有 煗 = -緣 事 過 身根 、名是 = 故 過去二支因 0 0 . 0 0 四 別義 故 是 識 去 日 。二者 0 展 日 世 蘊是心、一 中 轉 無 無 • 0 既有 思 及 心 心意、名爲 命、二燠 造 明 明 互 、名之爲 議 作諸業 ・二世 通 以 、色是質 0 0 意根 約 集 生 感業 0 -故名 滅 = 由 註 十二因 障 + 蘊是色、 · 三 識 識 -、名之日 云 -未有 識 以 爲 0 0 至 --從 識 識 道 是 過 受 因 生 0 緣 緣 煩 眼 托 此 托 垢 去 • 0 -質礙日 現 等餘 胎 時 是 胎 行 並 惱 0 心 0 切 據 障 便 中 從 在 後 中 0 0 煩惱 四 、一分 渦 者 TU 隨 有 故 約 五 • 0 父母 支果 色、 Ŧi. 報 患 約 教 母 根 障 儀 故 個 氣 功 風 0 念 皆 道 心 七 息 依 氣 交 能 0 --

等 几 1 刨 納 名 名 旧 0 0 0 0 -是 爲 境 爱 領 情 色 具 雖 方 前 有 0 名 馳 此 色 納 境 塵 六 暑 追 根 名 0 男 生 然 識 位 現 求 求 前 好 入 也 悪等 在 諸 未 獝 女 境 合 0 --0 -境 名 所 金 總 來 未 Fi. 五 0 0 1 之爲 謂 大 銀 於 事 然 六 却 能 有 根 -四 爲 起 廣 財 \equiv 於 = 圓 入 0 -皆 受 從 物 + 生 未 善 取 遍 違 滿 0 等 違 六 六 來 悪 0 屬 追 識 順 八 故 苦果 道 業 + 事 煩 求 順 至 中 個 根 0 六 受 庸 中 有 惱 中 七 成 0 1 0 之 不 從 受 積 庸 差 H 根 此 -0 -因 業 名 境 名 牛 如 別 集 + 成 胎 -皆 世 渦 爲 四 現 境 者 彻 牽 H H 中 引 成 去 取 E E 胎 Ŧi. 在 0 0 0 0 歲 能 + 從 + 就 無 Fi. • 中 輔 1 • 當 皆 果 未 -明 了 位 行 名 _ 1 1 是 至 别 老 是 能 生 生 0 0 色 0 云 未 愛 從 死 \equiv 卽 + 六 後 0 0 1 -支所 未 有 來因 從 八 然 五 觸 + 至 知 0 第 六 從 來 果 九 未 九 1 -生 受 + 攝 歲 能 歲 生 出 t 六 0 -故 歲 苦 生 起 五 屬 胎 日 七 0 0 -貪 淫貪 衆 名 業 九 至 樂 事 E E H . 之 爲 道 後 取 於 + 捨 後 諸 0 -之心 從 名 身 有 種 \equiv 根 -0 0 --歲 貪 凡 是 至 感 有 如 種 具 髮 • 還 名 壞 注 過 欲 __ 勝 足 毛 -0 故 大 受 轉 切 妙 爲 爪 云 去 几 --是 彼 境 名 六 註 行 盛 資 觸 歲 此 協 -受 塵 於 名 世 是 具 胎 位 I 0 -0 0 未 體 皆 觸 老 Fi. 五 也 七 由 中 0 --衆 及 六 受 七 如 死 來 卽 塵 生 根 位 之 是 境 取 呵 因 淫 根 對 七 0 0 -業 着 含 是 身 者 欲 愛 領 塵 故 日 --

教 推因 始 儀 合 無 爲 知 明 云 集 果 -旣 諦 終 也 名 老 0 0 教 異 餘 死 義 七 儀 -同 支 名 云 順 --爲 何 與 觀 苦 前 故 0 始老 諦 重 四 說 也 諦 開 死 0 合之異 文例 爲 終 機宜 此 無 不 觀 耳 明 因 百 0 -云 名 緣 故 智 何 逆 開 觀 -爲 合 0 道 又 0 謂 諦 止 觀 無 -大 明 禪 緣 行 境 滅 愛 • 取 以 -爲 有 有 支在 此之五 滅 諦 也 初 支

-

-

0

0

途惡業 令其 善業 其 釋 至 向 心 0 彼 合 復 引 義 生緣老死等也。 中 得將 常 受 由 0 0 -迷 及 發業 生 等 合 於 諸 來 禪 Fi. 事 0 定業 旣 支 於諸 苦受 無 \equiv 者 無 界受 受 種 明 明 -眞 生已 子 苦 0 -0 , 所以 受 則 於昔 生 實 大 由 • 愛其 令 識 此 義 約 • -任運 無明及行爲能引二支 其 種 因 種 愚 有 離 種 所 漸 種 -0 便具 等 不 遷 漸 方 感現境界受 無 0 變 便 明 增 知 0 者 復 名 長 ---色六 旣 而 成 令 由 界 • 其 發 無常 異 媒 此 至 速離 入 有 媒 老 愛 --不了 果愚 死 便 觸受等 漏善 無我 -牛 等 而 • 悪不 識名色六入觸受 起 有 起 知 0 0 -貪 於 芽 於 故 種 不 以 - 定三種 知善 此 取 着 種 0 0 -種 有 愛 起 故 人天 0 芽 貪 悪 憂 取 所 云 色無 悲 旣 謂 愛 無 行已 大 果 苦 明 生 種 於 0 所謂 潤 諸 惱 緣 色 、爲所引 0 --界果 生之惑 則 樂 行 便 確 -受 於 於 故 此 然 • 云 身 諸 乃 現 報 無 -樂受 五支 受 種 至 前 謬 滅 --緣 位 數 種 觸 故 -念 愛 緣 發 故 數 追 -則 受 任 漑 求 有 心 乃 運 也 愛 中 灌 漏 -

0

0

敢上驷 至 施 他 亦詮 潤 約 及 改 劣 0 法 身 生 有依 生 未 有 云 0 0 0 財 事 事 違三 施 命 死 略 事 釋 偏 及 來 -大藏 爲 者 和 之淵 離 屬 施 六 出 六 此 說 0 師教 他 者 合 度 = 度 畿 依 能 + 愛 -若 時 世, 翻 者 _ 取 之釋 常 生 生 0 • • 從 爲 所 以 緣 耶 意 死 1 0 0 --諸佛 心 泊 讀爲 法 支 他 謂 或 此 生 不 果 0 財 生 界 六 答 墮 教 者便 飲 翻 0 --食 捨 生 物 次 蔽 有 無 復 -事 更 諒初 -及 究竟 之學 衣 離 第 而 有 發 窮 起 及 大 1 善 業 故 服 言 多 老 • 云 乘 0 • 無 菩薩 門 知 能 渦 云 田 0 世 則 非 明 死 0 宅六 識 捨 破 - 或 分 無 間 0 0 --檀 爲 身 慳 别 依 • 由 翻 明 此 0 -聞 畜 獝 貪 那 三 到 今 + 釋 於 所 力 0 說 屬 奴 彼 六 具 強 出 生二 祇 使 無 -• 秦言 世 財 婢 是 岸 伏 度 皆 在 明 如 -間 施 珍 爲 惑 學 能 支 識 唯 0 --出 寶 檀 或 乃 論 強 發 識 復 0 布 0 -世 隨 業 + 那 施 而 翻 其 以 起 . . 切己 間 有 的 支 偹 度 所 須 該 行 0 --若 布 皆 所 往 弱 等 148 萬 無 秉 口 屬 切善 之所 須 施 内 能 依 天 行 極 者 尋 0 0 之。 者 潤 有 有 浬 承 致 0 0 0 -法 梵 皆 有 理 今 牛 牛 使 信 --不 悉 省 云六 語 則 _ 種 觀 約 0 心 0 若 界 身 能 尚 波 愛 IDA 現 0 0 何 之具 從 取 大 施 外 弱 度 故 更 世 羅 經論 者 有 用 依 果 與 密 發 -0 0 財 乃 業 不 0 福 而 勝 小 . 0 中 皆 及 施 法 支 \blacksquare 事 義 絕 偏 乘 -名 聞 妻子 行 學 論 取 界 說 屬 ---財 有 足 果 堅 能 次 勝 無 0 解 若 者 施 財 強 第 顯 , 度 明 11 -自 乃 法 別 彻 物 自 攝 云 0 --

生忍 進 道 忍 死 瞋 家 比 歸 皆 故 以 心 自 等 恨 能 共 名 名 觀 丘 五 0 0 -復 禮 放 比 戒 怨 有 安 戒 尸 爲 0 行 次勤脩 惱 忍 誦 逸 薩 也 丘 八 羅 檀 故 者 尼 種 齋 以 外 那 知 0 ---0 謂 講 質 是 若 具 尸 心 所 戒 0 0 0 之 施 說 法 爲 菩 足 羅 以 直 辱 也 P 清 戒 精 生 者 境 薩 戒 略 心 --0 勸 善 進 謂 忍 以 說 羅 淨 1 -0 -法 於 質 助 脩 瞋 。云 故 乃 出 有 心 0 -精 此 恭 名 家 秦 恚 直 至 ---是爲 開 進 憂 何 敬 忍 淸 三 尸 種 爲 言 一愁姓 化 有 忍 供 Ŧ 羅 法 唇 淨 好 人 0 身 忍 善 演 養 心 威 --0 -精進 是 名 種 欲 中 忍 儀 所 者 說 -0 1 爲 法 爲 憍 能 辱 持 謂 在 好 0 0 皆 身 11 屋 慢 忍 忍 有 如 八 出 家 行 0 勤 者 諸 萬 名 是 家 尸 精 提 有 善 • 脩 道 身 不 種 等 律 沙 羅 法 進 邪 0 忍 精 四 見 種 着 戒 彌 施 0 行 0 ` = 若 等 100 不 唇 毘 不 沙 進 0 -0 0 禪定 苦 菩 心 梨 憍 者 皆 若 彌 者 自 0 勤 那 名 菩 放 薩 者 逸 出 生 尼 0 智 者 於 忍 P 家 行 非 以 0 薩 + 逸 . 慧 秦言 此 1 羅 質 善 心 + 戒 P 心 0 -道 於 精 是 法 羅 直 , 重 0 0 是爲 法 者 式 名 進 精 瞋 几 清 0 • . 心 謂 進 罵 法 羼 + 叉 在 尸 淨 0 , 若 心 能 打 忍 提 羅 1 0 寒 八 摩 家 心 精 欲 相 身 忍 熱 害 那 P 輕 0 0 1 -樂 進 勤 云 秦 尼 羅 續 不 風 中 或 行 -勤 動 行 雨 能 何 言 則 六 者 受 此 0 -如 是 善 行 忍 名 法 戒 饑 忍 通 --是 爲 是 法 善 渴 生 戒 所 種 辱 在 行 -等 法 名 老 不 忍 謂 善 L 0 家 施 0 0 種 精 行 內 法 病 生 出 大 -

佛之世 總 及 門斷結 生 是爲 一智等 諸 相 0 別 以 煩 上六 相 惱 辟 0 -不 ` 此 支 是 • 佛慧 得 爲 度 爲 從 • 切 異 他 聲 __ 切智 義 盡 聞 聞 也 0 又以 通後数。爲備參考、姑錄於此 智 知 0 -求 自 慧 • • 是爲 成 佛 觀 然 0 十二 佛道 道 覺 求 佛智 智慧者 悟 辟 乃 大 支 • 緣 得 佛 0 若菩薩 至 智 , 禪 -菩 智慧 入 定 慧 無餘 薩 = , 從初發 以質 深利 界 亦 涅槃 漏 如 直 • 盡 是 一清淨 能 0 0 心已 0 0 隨 所 侵 但 心、修 除習氣 來 得 本 以 願力 、行六 \equiv 是 明六 1 此 • 0 -從是 三種智慧 波 勝 通 無漏 羅 於 等 功德 中 聲 蜜 善 間 聞 0 純 所有智慧 破 媒 、故名爲 --從 少 魔 0 軍 几 勝 雖 衆 聲 諦 生 般 聞 觀 無 --

一詮二諦

亦 證實有 二諦 0 。 實有滅 乃爲眞

即足 諦 俗 是實 稱 者 教 。妙 但 旨 有而非空 人 玄云 心 0 天 粗 淺 台 • 名出 聖祖 、眞 • 不 覺其 衆 是全空而 • 取 經 深妙 意存略。但 而 無俗 理 0 更 難 須 曉 是則眞俗抗分、事 開 點 0 世間紛紜 拓 法 性爲 則 眞 論 七種 諦 • 由 • 來碩諍 無明 理角立 諦 。斯 十二 。古 一因緣爲 居 、故云實有二諦 其首 來二十三家立 俗諦 0 言實 • 於 有 義 者

0

亦 日 名 無 名 諦 0 世 諦 有 名 、眞 諦 無 名 0 卽 生 滅 諦 也

法 和 合 0 此 1 假 教 名 但 爲 明 入 人 空 0 入 1 雖定 不 明 無 法 空 1 法 0 則 故 實 云 有 Fi. 陰 0 名爲 · + = -俗 入 諦 • 0 + 直 一待修 八 界 人空觀 -皆 是 實 -營 法 盡 0 見思 依 此 實

方滅 一界陰入界等俗 法 0 復 歸 眞 空 • 名 爲 諦 也

示 三 界內鈍根衆生、令脩析空觀 詮因果 。修觀 、因 也。 證涅槃、果 也。 0 識觀 故 於 曰 六地 界、 詮 因果 水 、火

開 死 0 證偏眞涅槃正 化二乘 、傍化菩薩 • 0 0 無 我 我風 • 所 空

啓彼蒙 分而 本空、 含識之徒 身 也 堪大 析 識 之 愚者莫 昧 化、 0 、彌淪 心心 、指示令悟 然後 僅領 之能 也。 方 生死。迷本 各有性分 知 解 小 其空 、故曰 0 施 是以 。故曰 0 若依 有而不 故曰令修析 開 、各有種族 界內鈍根衆生 示。往來三有 、若 知。經塵 IE. 空觀 、故名之曰界。以無常苦空、細 、若色 刧而 0 0 。久處域中 吾人 然而 、若 莫返 身心、 心 神 根 。不有聖言 。咸 魯鈍 0 感業 以苦 假借六大 • 、既深 智慧微劣。 空空 、孰 、宿根 0 • 地 無常 能 水 止息 心推之察之 諸法 火 又 -風 無 薄 、是以 空 我 雖 0 以 • -

0 向 稱 爲 我 • 與 夫我 所 者 0 而 今求之、 竟 同 龜 毛 冤 角 0 究 之實 際 , 奚 日 得 哉 0

紀 0 身 0 則 唯 有 識 論 長 有 言 短 , 分 0 命 段 者 則 有壽 、分 卽 有 夭 分 也。 限 0 藏 段 教行人修 卽 形 段 。謂 析空觀 六道衆生 • 觀於 , 隨 地等無我 其業 力 我所 , 所 感果 0 乃 能 報

出 分 段 生死 . 證 偏 眞 湼 槃 0

化 此 菩 敎 薩 正 意 -意 在 乘 0 斷 感證眞 、故曰 正化二乘 。假說菩薩三祇 伏惑不斷 , 故云 一傍

四 詮 六 即 為二、初 總標 。二別釋。

0

亦 得 約當教自論六卽 0

中 智 自 者 論 大 六 師 論 卽 六 -不 卽 濫 1 正 後 教 意 在 0 圓 故 0 云 亦得 前 E 當 教 教 六 義 自 雖 論 具 六 卽 1 刨 世 義 0 有 缺 0 今茲彷彿圓敎 、於本 教

别 釋 自 為 六 . 初 理 帥 0 乃 至 究 竟 即 0 今初 -

理 即者 • 偏 眞也。 諸行無常 0 是生滅法 0 生 滅滅已。 寂 滅 爲 樂 0

大 滅 會 眞 滅 非 眞 諦 0 滅 尙 非 7 况 苦 道 0 眞 諦 在 大 相 之

外。故依衍教、判曰偏真。

則 邊 智 寂 \equiv 釋 行 而 妙 文 界 無 不 7 色 故 刨 義 滅 中 -常 醫 是 之 自 達 顯 依 0 0 0 句 癡 因 故 於 别 滅 樂 諸 爲 IF. 爱 果 得 中 教 E 色 = 行 0 -攝 恆 道 則 通 心 無 -0 --得 起 卽 受 常 初 寂 教 以 便 大 六 於 是 此 分 證 果 滅 亦 標 四 眞 凡 明 實 之 段 眞 以 句 顯 • 名 法 脫 相 樂 理 變 諦 = -0 界 易 爲 若 彻 寂 界 0 0 0 依 諸 論 諸 加 無 而 滅 0 0 之樂 以 常 融 圓 有 種 IE 行 此 行 有 冰 即 教 PU 天 色 PU 下 0 常 智 果 爲 爲 則 解 心 句 0 有 以 菩 然 天 偈 水 -釋 0 -漏 生 + 提 此 果 皆 通 0 0 -故 所 界 妙 名 是 = 滅 亦 -無常 教 名 故 以 刨 天 1 諸 能 0 是 果 爲 横 = 無 依 行 0 -牛 T 有 雖 諸 豎 牛 生 下 0 -滅 果 滅 通 大 皆 證 滅 該 結 行 之法 法 名 寂 成 圓 非 攝 判 0 0 句 故 皆 諸 鏡 值 滅 0 -常 代 標 咸 行 智 是 0 0 -K 攝 稱 無常 4 相 實 必 時 顯 0 -得 皆 常 滅 涌 雁 無 須 教 可 是 藏 樂 名 能 生 滅 心 滅 知 -E 無 品 生 受 滅 通 世 此 初 -常 樂者 之法 餘 滅 大 横 0 -. 寂 門 乘 次 所 果 攝 如 0 法 堅 滅 涌 玥 攝 者 釋 0 --界 爲 以 體 方 攝 名 無 義 0 -樂 藏 者 牛 漏 滅 無 此 證 0 以 滅 身 此 復 4 道 教 0 8 諸 滅 H 此 士 身 諦 以 0

渞 滅 世 眞 諦 理 爲 聖 樂 人 0 0 則 句 約 -諸 能 因 -果 攝 行 知 無常 爲 得 生 所 圓 滅 教 滅 是 故 佛 生 0 0 生 滅 刨 法 界 法 滅 滅 諦 法 滅 句 E 0 0 以 句 四 • 刨 諦 諸 -苦 法從 攝 皆 是因 集 得 I 本 別 教菩 諦 果 來 事 0 -生 常 薩 相 滅 自 法 -名 寂 滅 界 安 E 滅 0 立 相 以 ___ 諦 句 故 滅 0 0 -寂 約 今 邊 滅 但 = -學 爲 用 歸 樂 爲 此 中 四 道 能 句 滅 句 故 證 1 0 寂 卽 約 偏

所

顯

理

-

以

爲

眞

諦

0

乃

是

非

安

立

諦

0

故

云

理

居

事

外

-

爲

偏

眞

世

殊 是 故 几 二之教 # 法 集 1 明 0 0 是 出 輔 能 觀 如 云 0 則 道 世 雲 行 0 妨 五 -判 滅 兀 滅 害 0 云 0 -此 前 道 法 諦 諦 只 0 -之體 事 當 是 却 性 如 -外之眞 75 出 諦 却 知 煩 自 苦 大 世 除 惱 天 --果 爲 是 集 E 而 ___ • 之事 法 世 滅 然 • --名 湼 間 乃 旧 如 0 0 日 集不 槃 相 世 大 却 是 見 偏 出 果 H 能 法 也 0 眞 雖 世 覆 性 能 0 0 0 法 後 眞 染 非 0 而 0 0 故 不 經 眞 諦 眞 0 -云 苦 諦 大 諦 能 言 諦 在 依 果 因 不 惱 滅 在 --衎 能 於 爲 果 雖 染 非 能 教 冥於 事 殊 出 事 眞 惱 0 道 世 諦 外 相 --0 判 道不 之外 大 而 滅 理 --日 故 果 能 大 天 0 偏 故 依 IVA 者 滅 能 顯 0 眞 大 趣 故 會 通 云 --果 敎 眞 乘 釋 而 因 0 0 籤 儀 滅 滅 理 0 0 事 因 滅 不 會 本 云 云 理 果 能 眞 淨 尚 -• 相 苦 然 類 非 淨 0 -卽 集 法 眞 滅 異 几 0 諦 性 非 只 如 • --眞 故 是 之中 雲 眞 如 籠 諦 俗 使 世 月 諦 不 間 四 焉 月 0 -

無 我 極 郎者 微 四大等生 學名字也 。亦 非 知 無因緣自 切 法 0 然而 從 因 緣 生 加因 生 0 緣所生法皆悉無常 不 從 時 、方 梵

0

計是常 我 大 塵 緣 爲因 大 釋義 文自 法二 美 緣 -0 分段 若 悪 爲二、 、迷悟爲緣 • 0 名字 執 緣 中 及 • 變易乃 是 庸境界 無 • • 及 若 初標 4 大 位 所生 藏 緣 中 0 。三千 爲 自 至 通別等 顯 • 四智 法 緣 在 種 親 。二知一 、皆是 察正 ° 能 0 性相 種種法執 菩 爲 時 界依 提 主 方梵天等 因 爲所 也。 緣境 幻夢 下 爲所生法 正 解 0 色 生 然 釋 0 0 別教 藏 心 具 法 知 • 0 名邪 教 大 破外 初 --果 卽 切 則 卽 , 聞 亦能破於外道凡夫我法二執 以爲 法 道 爲 屬 屬 因 言 所 別 圓 緣 凡 教 • 教 從 實 生 教 夫分別我 0 . 法耳 法 0 0 因 自 而 若 若 緣 然 知 • 卽 以 謂 名 0 生 • 故 屬 六 名 法 義 0 圓 識 亦 藏 切 無 -種 有 執 故 解 通 相 大 應有 識 四 緣 0 云 -則 教 教 學 爲 也 言 差別 能 漏 大 法 名字 0 0 但 種 • 言 執 徧 . 及藏 子爲因 破 通 我 展 者 也 0 若 外 教 轉 執 0 -道 通 則 者 不 熏 知 凡 知 、六 習 性 出 • 教 具 妄 夫 邪

生 生 方 法 亦 夫 滅 我 必 亦 生 執 -故 法二 非 相 不 -0 不 我 異 能 從 通 所 神 從 執 教 徧 . 我 大 矣 故 破 也 -邪 梵 亦 非 生 0 0 旣 天 能 大 -亦 緣 生 從 破 0 非 內 不 於 -1 無 從 不 六 外 則 大 本 從 識 道 緣 不 際 大 極 凡 自在 生 微 夫 --外 我 性 , 種 但 六 生 法 -不 法 由 塵 -不 能 入 執 執 緣 爲 大 從 世 而 -主 外 牛 及 地 0 若 緣 牛 _ , 0 則 故 法 和 藏 . 從 合 不 \equiv 必 教 因 從 界 無 法 . 我 緣 所 依 水 執 生 以 生 IF. 0 0 IE 虚 今 ---報 生 妄 不 决 藏 旣 定 必 有 從 教 不 非 有 生 火 -是 生 從 則 滅 0 我 則 時 唯 --故 亦 不 生 破 -則 從 無 非 外 . 不 依 常 自 空 道 報 然 牛 從 凡 0

槃因 師 草 有 随 0 梵 兩 節 0 胜 彼 天 0 氣 及 -生 祖 計 種 轉 毘 梵 翁 從 種 從 • 舍 天 方 故 等 時 -芽 爲 生 知 生 0 -兩 萬 刨 恭 人 有 等 足 物 圍 時 枝 0 0 生首 葉 按 祖 陀 X 0 花 論 生 由 唯 0 敷果 陀 能 天 斯 師 識 計 論 作 地 0 1 此 計 時 實 隨 0 切 是常 榮 與 那 滅 疏 安茶論 命 羅 後 枯 云 還 無 延 萎 -• 悴 是 命 天 入 時 能 於 等 師 物 者 所計 方 生 . 0 0 -謂 四 是 皆 卽 0 相 從 姓 故 萬 大 時 梵 時 方 物 可 散 0 謂 是 大 變 0 天 外 常 故 從 道 0 0 是 時 彼 三界二十八天 1 1 0 生 是 天 浬 雖 謂 婆 槃 臍 不 ___ 羅 中 大 切 0 口 門 是 見 皆 0 • 生 萬 方 從 0 1 大 者 _ 兩 物 觀 時 臂 蓮 天 彼 生 -唯 刨 花 牛 華 0 0 凡 刹 是 方 實 以 0 利 浬 論 等 見 0

常 薩 道 前 智 順 法 地 神 $\overline{\mathcal{H}}$ 0 我 次 我 Fi. 是 所 唯 耳 大 癡 埵 • 從 刨 爲 穀 水 所 執 聖 翻 無 0 0 -彼 我 縛 計 次 勇 解 生 大 身 五 0 • 0 能 微 從 執 脫 受 無 命 火 自 餘 0 0 . 用 脫 路 在 眼 生 智 此 東 牛 通 0 --命 諸 凡 署 故 風 泇 Fi. 大 是 0 0 天 1 舌 自 翻 立 我 縛 沒 法 耶 聖 大 生 --脫 還 是 自 及 我 性 卽 此 塵 0 0 0 8 所 實 刨 il 性 被 由 歸 此 Ŧi. 鼻 0 A 爲 縛 於 於 謂 是 順 梵 唯 德 達 空 0 0 常 空 天 自 從 聖 亦 摩 生 世 次 0 --不 名 自 死 性 空 者 Fi. 風 翻 0 0 0 0 故 彼 諸 闇 大 得 生 能 我 性 作 0 --我 空 刨 根 執 風 牛 謂 外 水 刨 0 0 解 爲 是 或 脫 若 是 粗 道 是 • 0 0 -等 合 浬 切 語 火 第 有 萬 風 色 Ŧi. 次 0 我 槃 色 不 從 翻 思 物 牛 0 ---妄計 還 黃 大 若 因 IL 我 冥 火 虚 執 地 -等 天 心 初 赤 無 求 空 0 0 --言 是 火 者 步 世 生 自 黑 思 見 法 此 • 浬 自 爲 唯 性 \equiv 生 Ŧi. 0 0 ---不 皆 微 德 水 卽 諸 戲 次 也 此 性 槃 四 者 天 從 翻 求 用 法 那 0 0 0 --言 カ 刨 明 不 自 水 四 大 含 除 五 -0 大 聲 燥 卽 合 性 神 生 論 大 故 聖 0 我 昧 薩 凍 師 極 者 生 + 卽 0 -- \equiv 自 微 + 觸 埵 德 者 極 居 手 0 -0 敵 性 合 堅 彼 爲 微 故 法 ---1 獨 體 刺 故 刨 作 計 者 足 根 天 色 者 0 署 存 數 及 而 地 别 0 0 ----前 謂 卽 論 又 刨 唯 味 言 有 ---不 達 變 從 師 地 有 路 凡 便 刨 --卽 道 香 摩 變 生 法 外 迦 者 五 冥 0 諸 + 彼 道 初 是 世 Ŧi. 耶 知 0 ---穀 是 能 根 也 生 貪 法 執 外 卽 0

此 爲 世 作 天 界 業 • 最 用 下 混 初 故 段 沌 • 0 初分 爲 唯 後 地 有 _ 大 心 -0 盤 中 平 水 古立 生 等 0 有 根 大 世 ___ 0 梵天 安荼 75 0 大 肉 出 銮 0 專 同 能 生 心 此 作 . 形 卽 0 -切 如 意 命 雞 根 無命 卵 也 0 0 物 周 本 匝 際 0 是故天爲萬 金 者 色 -刨 0 時 安 茶 媒 物因 論 破 爲 師 0 兩 所 湼 計 段 槃 0 0 因 上 彼 段

三觀行即分二。初總標。二別釋。今初、

觀 行卽者、一五停心。二別相念。三總相念。外凡資糧位也

上 Ŧi. 旣 停 聞 -名 別 解義 相 -總相、之不同也。心行理外、身是有漏。故云外凡。欲越三有 、今當依解 起行。行必 從觀 、故曰 觀 行 0 觀 有 淺深 0 行 有前 後 0 故 有

別釋 分三、初 五停心。二別相念。三總相念。今初、

資糧

、故

云資糧:

位

息 Ħ. 停心者 觀 四 愚癡衆生因緣觀 、一多貪衆生不淨觀一多瞋衆生慈悲觀。三多散衆生數 0 五多障衆生念佛觀 0 以此五法 、爲

便 其 心 0 令 堪 修 念 處 • 故 名 停 心 也 0

論 析 道 助 妙 種 故 集 \equiv 七漫 遍 根 道 貪 故 妙 触 玄 註 散、 名 積 種 E 本 世 玄 0 0 云 E 切 停 聚 自 明 八膿 0 0 -缺 處 外 貪 以 精 他 四 il 無 停 白爛 含 身 種 貪 過 等 對 要 者 骨、 0 相 分 此 是 集 Ŧ. 0 0 、六 0 --音 註 境 品 資 男 几 止 九蟲 五 -聲 細 生 女 法 禪 慮 義 顯 燒噉 云 0 姿 不 門 輭 色 五 身 也 知 , , . • 能等 分 六 住 塵 光 淨 心 0 0 -謂 等 内 識 澤 或 是 名 義 0 -今是 外 青 物 石 妄 觀 0 云 五 -0 又 作 黃 貪 相 11) Fi. 門 修 -0 不 等 停 蟲 用 貪 几 禪 慮 此 0 -淨 着 於 於 心 教 朝 大 知 五 0 -觀 想 作 不 他 順 觀 義 儀 心 法 -用 淨 己 情 靑 該 彻 -0 -云 -與 則 兀 瘀 觀 身 九 1 大 止 -0 念 供 治 想 從 住 想 而 小 1 此 -引 處 觀 慧 旣 養 0 0 起 五 Ŧi. -觀 見即 貪 治 耙 調 通 停 渦 0 0 身 祇 形 十八 愛 無 或 停 凡 心 0 0 有 身觀 承 色 方勝 厭 云 聖 心 • -1 異 乃 滴 依處 用 、他 通 者 五 0 0 0 菩 意 長 九 故 門 可 於 正。 八 有 IF. 背 言 薩 短 想 禪 習 四 因 几 -助 等 多貪 用 捨 者 等 故於 觀 教 種 -不 死 形 治 則 修 能自 猶 0 0 0 從 同 想 治身 如 具 1 0 0 0 定 密室 作 治 、先三降 禪 今 草 0 自骨 如 彼 是 壞 他人故觀壞脹 四 木 0 0 定慧 之燈 IF. 此 爛 第 念 貪觀 能内 藏 四 想 JU 處 欲成 治身 四二 -此 字 明 調 整 明 肉 0 内骨 0 助 聞 滴 入 專 0

守 結 親 樂 吉 慈 進 順 眷、 云 0 之則 滯 是 禪 等 無 Fi. 屬如 0 ---間 攀 與 父 是 慈能 、己 門 自 日 下 -集 定 緣 曾 = 冤 13: 徧 即所 第 他 氣 -品 思 得 順 以 師 無一 四 註 境 彻 0 -1 守 數 慮 害 破 故 之 長 0 緣體 理 別 -K 者 之則 瞋 樂 我 境 瞋 義 0 0 0 -0 三下 於 與 障 不 今 彼 下 -0 0 -= 從 結 定 親 中 出 是 惱人 涌 違 觀 -品 樂 情 而 親 1 我實 大 自 相 者 七 0 出 樂 者 、來 境 至 違 於 乘 乘 身 0 . -1 衆 六 如 先 助 修 入 上 -----境 不 此 故 生 與 中 兄 親 觀 法 • . -念 不 未 名 弟 緣 盡 經 E 寃 而 想 0 -當 多不 爲 得 品 觀 恨 他 日 姊 後 慈 行 -害 境 喘 樂 散 處 樂 妹 寃 彼 有 不 0 少 第 皆見 日 世 我 0 0 0 0 ---守之 、念心 三下 從 息 以 刨 中 107 從一 • 0 , 名 廣 衆 假 有 是 與 親 易 緣切 則 74 如 = 者 親 而 生 生法 非 實 \equiv 不 樂 勞 集 禪 緣 理 多 觀 相 至 0 -乃 慈 瞋 散 註 樂 t 難 峭 異 0 0 . 不 與 朋 諍 11 E 0 0 0 0 0 -. -樂 論 次 聲 須 彼 冤 順 卽 不数 佛 彼 觀 友 第禪 者 七 中 t 瞋 令 觀 知 心 問起 云 -. 不 往 境 勝 害 成 周 修 識 實 可嗔 0 0 門 滯 有 我 慈 境 檢 故 觀 行 謂着 否心 0 -境 悲 有 聲 E TL 也 慈 他己 0 0 -0 = 境 修 此 親 觀 几 出 日 中 也 説所 0 多 皆 + 衆 師 入 風 中 者 1 行解 是 0 . 散 境 七 以 假 俱 得 品 生 爲爲 0 0 1 -守 是 周 挫 盡 等 樂 無 者 非是 緣 想 = 爲 師 者 樂 冤 慈 治 世 行 ---則 之 數 與 慈 脩 0 E 七 親 0 0 出 息 散 集 使 四 境 1 者 無 0 日 衆一 息 論 緣 若 多 註 冤 事 親 生切 0 0 0 0

愚 心 實 嗔 未 具 說 返 用 那 所 來 + 癡 照 依 息 便 0 -• . 二者 等者 7 息 波 急 無常 非 於 破 明 而 . 名之 大 皆 六 利 母 劉 那 數 不 1 緣 迷 妙 脹 那 生 0 知 0 ---為還 之 愛 現 世 集 入 門 故 倒 此 四 0 -十 雙破 身 無 三 註 知 依 . 0 0 云 念 名 世 因 謂 遣 則 性 出 74 云 0 實 大 緣 迷 心 爲 時 劉 破 . 數 來 輕 0 謂 常 斷常 緣 倒 故 利 無 如 無 用 0 0 . 不 隨 是爲三種十二因緣 善 明 0 E 所 名 息入 數 0 1 現在 思業 釋 易 了 依 爲 0 0 0 -三世 父 遣去 世 隨 止 今家 入 0 , -+ 妄 撥 成 遺 破 + 0 . 體 着 相 支 無 波 息 觀 昧 IE 名 0 依 0 時 因 因 息出 不 心 我 續 0 -未來 爲 果 還 緣 起 靜 第 1 0 0 故不 謂 現未 \equiv 師 卽 -、有 慮 --. 念。 二支 名之爲 故 淨 是 師 是已有 數 、破三種愚癡也。 . 名之 二世 斷 名 三 = 入 0 0 異於 種 愚 攝 世 息 又 0 0 三者 爲 不 淨 諸 不 -癡 心 1 、名之爲行 具 世 三世 同 在 佛 許 隨 止 0 0 息內飲 十二 选謝 今 息 _ 須 入 出 0 0 念十二 分別 知 是 道 入 • 世 者 着 小 從 大 俱 初 • 故 緣 門 連 \equiv 我 乘 推 -數 五多障等者 0 0 不 大 世 縛 餘 助 析 至 0 . 0 -及計 等 常 緣 十二 道 如 初 + 恐 師 通 -名之 相 投 於 牛 出 = 0 0 0 -世 胎 又 隨 大 劉 但 入 名之爲 = 病 . 過去 名 故 時 緣 常 爲 0 起 乘 故 無 集 名 數 觀 几 在 -0 0 8 於 念 破常 念 并 息 註 梵 H 數 敎 0 -父 語 念 破 如 執 但 弓 轉 0 0 0 -11 牛 刨 TL 細 又 四 取 性 性 11 0

正乃乖 觀 身水無 方至助 云 漪手 圓三道 -等足 相十 睡 。二障 也、 障 平 念 、火 卽 念法 悪業 處 悪念思 アウ 身 0 空寂 = 至 維 種 逼 障 迫 無 者 爲 障 --治 惡欲 0 等作 香 禪 0 據 事五 沉 門 輔 、逆 暗 几 + 明 行 塞 念 障 -前 報 種 - \pm 身 記昏 障 教 、睡 無 • 念 各 長 無 念 等 念 身 治 _ 應 身 治 身 0 三十 0 0 彼 謂 境 生 界 通 逼 相 應 大 報 迫 治 乘 障 • 0 0 圓 • 念法 且. 身或卒

别 相 念

0

别 0 對 相 念者 依 於 五 蘊 觀 身 所 起 淨 几 0 顚 倒 觀 也 受 0 是苦 0 觀心無常 0 四 觀 法無

之始 聞 後 1 人 修 0 -依 今 比 Ŧi. -刨 TU 丘 五 法 脩 念 依 陰 -心 四 處 何 色 念 行 脩 心 旣 處 道 道 調 -觀 是 停 0 0 = 衆 也 佛 -苦之本 答 乃 現 0 PU 前 可 . 是 比 入 1 道 數 行 丘 -當 目 故 人 0 受 依 故 居 -念是 身 四 初 令 念 脩 0 . 能 誰 處 又 四 念處 觀 不 有 行 之智 陰 道 \equiv 義 入 觀 0 是 重 也 0 -卽 擔 故 佛 0 觀 現 將 然 居 慧 前 聲 初 入 聞 也 浬 0 0 是 槃 0 觀 處 趣 依 四 几 卽 果 經 諦 難 所 IF. 請 0 -觀 行 大 間 以 之境 苦 品 0 -故 云 佛 諦 發 去 爲 0 -75 軫 整 世 初

不 不 獄 不 身 身 種 0 受 攬 淨 樂受 觀 色 以 根 可 唯 \equiv 0 , • 受 外 • 受是苦 改 餘 相 父母 釋 者 對 有 緣內 皆 身 變 不 論 五 0 順 --樂受是壞苦。苦受是苦苦。不苦不樂受是行苦。 遺 女 從 陰之四境 心 塵 淨 受 0 云 -內 外名內外受 者 體 人之體是不 前 0 Ŧi. ` 、法 • -違受 一究竟不淨者 赤白二 四念處云 外 此 世 • 頭 塵 不 身 身 • 淨業 亦 等六分 非 五 不 0 0 渧 蓮 己 故 陰之境 臭 違不 華 淨 生 身 日 0 、領 0 -又 名 74 於 聚 别 1 -0 -順受。 業 從首 也。 意 內 納 性 中 則 亦 0 0 根受 盡報 名受 不 而 不 蟲 有 身 觀 故 至足 淨 住 膿 身 由 Ŧi. 0 於順 者 眷 不 0 終 0 栴 穢 種 日 、名內受 有 四念處 是 淨 檀 悪 不 屬 ---生樂受 內 捐 根 純 識 淨 及 者 --合集 受 棄 本 是 隨 糞 他 0 -塚間 從 穢 穢 謂 0 0 母 四 0 -外受 名 今云 穢 念 五根受 成 0 物 氣 所 生 於違 業 息 長 立 處 外 處 0 0 如朽 。內 別者 生 譬 出 身 養 0 云 -如 入 經 種 生苦受 、名外受 -0 --外 託 若 敗 但 + 死 • 子 -木 是爲 月日 己若 切 乃 觀心無常者 受 於 狗 從 -對 穢 色法 尿 相 0 0 0 • 於不 緣 大 受 道 。六 盡 他 總 物 8 -內名內 小 身 海 出 性 而 0 --名內 根名內 臟 名之 違不 不 長 最 言 水 0 -究竟 淨 間 別 養 洗 初 • 心即 受 爲 順 其 種 種 灰 外 , 0 0 盈 別 洗 身 外 性 子 子 身 , 、緣外名 0 -迮 生不 受 流 死 不 不 脩 心王 0 0 -於 法 屍 淨 淨 隘 生 此 有 四 外 劔 者 觀 苦 盡 也 如 處 内 0

無我 雖 是 等 我 有 L 淨 有 起 處 行 善 -Ŧ 悪 法 陰 攝 屬 法 不 --0 於 於 起 大 法 0 L 住 0 • 此 法 色 故 此 應 念 悪 -, 多 多 亦 等 體 經 無 無 處 法 起 起 是 記 我 法 攝 云 性 -我 淨 顚 中 無 流 0 --0 起 起 若 求 若 記 倒 倒 倒 動 悪法 惟 善 我 於 0 0 0 法 0 設 受 顚 法 起 若 -心 0 是 決 非 誠 悪 數 人 倒 起 粗 我 計 皆 74 不 是 者 若 0 0 念 苦 滅 善 我 約 , 可 細 0 卽 善 得 處 惟 悪 法 1 --業 對 是 從 計 若 於 法 法 0 治 受 尚 如 身 滅 應 九 我 內 多起 邊 無 龜 非 心 若 0 0 -鳥 我 旧 是 我 毛 數 外 我 是 冤 能 樂 見 能 0 --若 倒 切 陰 角 皆 知 世 行 1 是 法 天 無 善 善 , 悉 0 0 等 但 不 L 依 起 記 數 無 -有 行 淨 是 於 滅 起 是 悪 常 無常 我 名 何 五 數 悪 0 -0 苦 字 陰 得 無 1 通 觀 1 無記 所 人 是 大 行 -法 --實 於 我 無 無記 耙 地 無 -常 我 心 四 不 不 數 我 0 多起 當 能 倒 可 者 0 ---衆 若 得 無 者 知 起 並 -業 我 常 無 屬 於 法 生 0 -謂 若 名 倒 有 行 心 --壽 但 善 者 我 陰 色 王 軌 0 哉 法 命 名 法 計 本 則 --是 實 是 旧 因 法 我 0

是 相 念 0 者 觀心無常 -觀 身 不 法身受亦皆無常 淨 受 心 法 亦皆 不 0 淨 觀 法 無我 觀 受是 身受心 0 心 亦皆 法 身 亦

=

總

相

念

也

皆 相 TF. 上 是 總 觀 念 用 别 處 別 -今 總 相 相 0 觀 念 念 此 初 則 四 處 處 正 當 境 0 . 久 境 藥 0 境 第 對 脩 總 觀 四 别 入 境 别 倒 純 觀 觀 總 0 -故能 謂 純 中 = 間 別 熟 境 用 由 -學 句 總 别 觀 成 觀 _ -俱 觀 別 總 得 總 心 、名 0 此 觀 也 漸 几 0 熟 _ 總 境 今 是 相 0 或 依 總 念 別 於 妙 相 也 四 之方 0 玄 於 几 句 0 中 四 境 念 便 處云 念 0 -當 處 總 四 境 第 • 初 用 \equiv 句 四 觀 句 境 是 觀 俱 別 別 世 總 0 或 觀 0 0 後 是 別 別 用 總 -

四 相 似 帥

0

0

•

0

-

相 似 有 卽 者 根 0 內 能 凡 加 見道 行位 也 0 0 煖 頂 7 忍、 四 世 0 得 色

定資 煖 E 0 伏 故 來 0 煩 慧 日 停 此 图 相 心 喻 -慧 惑 加 似 破 障 功 行 0 -得 用 集 0 -四 佛 行 註 又 如 法 念 -I 故 處 春 氣 -名 漸 惟 夏積 分 加 見 觀 0 苦 法 集花草 如 行 性 鑽 位 諦 燧 彻 0 -至 先 L 0 -自 烟 以 遊 此 念 進 有 理 -春 内 觀 煖 處 陽 觀 几 生 1 身 煖 諦 0 • 以 發 加 居 -有 以 脩 四 0 伏 四 諦 以 漏 煩 慧 慧 正 1 聖道 勤 惱 鑽 -習衆善 境 0 -緣 未 依 . 稀 發 四 生 法 諦 彷 相 -境 故 彿 似 0 善 日 解 --能 內 見 法 -眞 發 熏 凡 解 修 似 諦 削 0 以 理 喻 解 -

道諦 依 中 解 頂 如 大 0 IE 脩四行 苦諦 增 法 意 跡 解 亦 緣 中 一界滅 與 生 忍 長 定 得 乘 E 0 下乘行 緣 忍 縮 起 儿 几 0 0 0 • -下 者 + 脩 同 道 行 行 觀 Ŧi. -0 • 減 亦 苦 忍偏 種 六 故 、亦名減行 諦 0 -• 0 空無 似 至 減 明 善 諦 名 脩 K 次 0 -道之一 故 觀 去 几 例 滅 觀 法 解 觀 煖 轉 緣 也 云 上二界道 乘 行 觀 常 L 0 -减 下 增 轉 增 行 上 無 行 0 0 緣 行 又 我 長 更 此 0 0 0 -是爲 喻 集 諦 成 煩 分 至第八周 七 必 觀 几 0 諦 行 周 根 明 滅 到 欲 惱 行 --减 以 倍 行 行 此 界 亦 F 0 0 -周 於 道 次 \equiv 伏 在 能 脩 緣 、名爲 0 • 而據 減 + 、欲界道諦下道之一行 減 諦 四 例 四 煖之上 0 0 説初 之行 諦 四 觀 去 行 二行爲能 . 煖位 行 + 跡 脩 上二 中 眞 0 堪忍 又觀 行 旣 行 四 諦 • 0 道 一界苦 周 如 減 復從前 忍 0 無 0 IF 名爲 行 樂欲 登 從 口 跡 欲 减 觀 • 未 所 界 於 煖 行 Ш 乘 0 -觀苦諦 緣 滅 亦 進 必 觀 心 頂 几 0 -減 周 脩 之諦 諦 脩 總 故 行 上 0 . 名 故 四 緣 几 有 下 觀 0 0 . 減去二 次例 名 矚 如 0 亦減 脩 行 三 八 忍 0 -而據 到此能緣之行 脩 爲忍 滅 + 諦 也 意 四 0 足 又 方 儿 觀 盡 故 0 0 ___ 行 行 觀 此 上 妙 周 E 忍 0 --道 離 欲 位 妙 悉 似 减 徧 0 0 至 次 界 第 界 几 緣 觀 有 玄 皆 解 行 第 例 與 道 行 集 明 轉 Fi 减 云 0 周 道 觀 諦 T 几 明 諦 行 上 、與所緣 0 -<u>F</u> 次例 减 周 下 謂 亦 緣 0 -0 之 欲 脩 是 故 得 如 日 下 界 道 觀 諦 集 初 似 名 PU -

几 之諦 不 能 勝 諦 惡墮復猶 0 0 周 動 如 世 名 皆 發 道地入是 途下 -0 登 故 第 K 名 似 中 、獄 亦 . 0 、中 -故 Ш 解 必、有頂 名 = 中 同 忍 但 猶二 名爲 頂 諦 不終性、 -生忍 位 減 0 第 忍 減 頂 猶 起不地四 利 -能 人、 0 -0 --忍 洞 如 大久善教 刨 觀 爲 • 天雖 那 唯 亦 世 覽 鑽 忍 0 邪留根儀 之行 七 留 百起 入 名 0 -由 几 火 所 引入 , 見、故云 俱 F 減 千煩 世 7 方 緣 行 • 忍 緣 萬惱 、後 舍 • 先得 第 根 見 斷必能緩 而 -生惡 頌 0 -0 0 增 故 與 善生得頂 道 此 不 并 73 云 長成 煖相 名爲 • 初 根人聖退 減 至 若、 有 所 . 0 由 煖 言 能 減 上而 故天 果何 所 緣 -力 几 頂 緣 世 行 緣 苦 至 • 必 忍不 、云 故 念 • 之 之行 最 第 0 但證 且性 至 諦 成受 能破 由定 名爲 處 刹 諦 第 有湼 必地 湼 境 初 --者 那 同 槃 至、 明槃 0 --發 五 慧 煖 欲 故 名 入 入 昧果 湼答 在 0 -障 几 均 釋 界 0 頂 日 F 之、 槃、 離 -. 平 由 IF • 前 行 忍 苦 終 籤 牛 殊若 、此 而 勤 脩 + 與 位 T . 與人 不 云 、到 0 階 善法 几 ·空行 0 刹 14 緣 劉 故此其頂 0 終雖 • 斷二 見道 如 或此 唐 口 此 那 善 同一善位不造 意 增 滅 空位 是 盡 減 見刹根 0 0 悪 進 足 0 、所 有 行 道那一雖 善隆 是釋 • -於諸 故 -隨留 • -名 世 有 退籤 漏 也退 有地 能 發 脩 1 行一 0 _ · A 、云 離即 何獄 -世間 牛 成 七 故 忍 減 者行 忍 異、 頂、 四入 善 信 禪定 周 名 滿 所、 趣見 不 位忍 至 耶一 有 等 0 減 宜或 唐 障 # 是位 生道 -勤 漏 Fi. 行 緣 、苦 • 間 卽 悪 進是 蓋受 -觀 位 諦 根 是 減 道 入 0 煖罪 0 退進 中 几 觀 餘 0 世 刹 則 緣 於 0 雨、 最爲 安 轉 諦 第 E 中 那 減 儀四 造不 際煖 住 明 在 几 行 云教惡重、位 最

勝 而 妙 入 -故 見道 名爲 0 自 世 五 第 停心至世 。以 此 第 有 漏 一、名七賢 聞 思脩 慧爲增上 位 0 亦即 緣 、資 七方便位 助本 · 具無 也 0 漏 種子 • 令發現行

多寡 五 + 果 道 行 而 五 0 六 分 今 進 VL 於 , • • 又 佛 學 行 = 真 證 依 + , 法 . 四 致 有 六 般 向 + 人 法 理 帥 教 根 門 不 _ 五 有 行 聖 -儀 0 本 -未 + 果 動 皆 + • 位 初 明 云 者 = 名 1 有 盡 果 聲 七 • • --+ 信 七 不 為 • 高 清 破 大 有 聞 見惑 不 行 _ 聖 無 解 下 淨 乘 門 位 得 學 退 般 0 0 0 經 所 者 0 且 _ 故 四 有 盡 論 四 說 • . , 思惑 + 果 見 見 毘 、即 1 九 有 破 世 得 得 墨 慧 1 • 0 11 間 = 學人 + 上 證 意 解 有 必 用 諸 , • _ 五 五 門 須 流 真 脱 11 法 0 + 身 身 分 般 向 . 理 , • -明 3 九 Ξ 證 1 證 除 0 乃 • 0 果 障 俱 者 t 無 • • • 是 R 取 -六 賢 解 學 六 而 聖 , 理 有 無 家家 脱 有 + 時 七 真 之 門 位 明 信 惑 三 解 聖 九 理 正 足 0 • 亦 得 以人 者 ・七 行 脱 0 雖 少 因 0 七 凡 • 三 0 -宜 破 -取 緣 -賢巴 一分淨 位 果 七 _ • 空 生 , 思惑 不 退 種 法 不 , 佛 門 0 + 子 備 -行 時 如 , 不 法 0 未除 故 四 解 上 故 同 • -. 根 今家 思 中 1 此 脱 説 曰 須 本 9-分 般 向 _ • 略出 , 0 0 道 0 Ξ 七 則 不 初 為 成 證 = 邪 . 事 用 護 + 果 賢 聖 毘 論 0 無 , 障 墨有 符 五 明 者 由 0 0 • . 因 九 三 釋 空 破 未 四 生

得

初

般

-

住

籤

云

信

解

門

A

惑

之

信

消

0

0

緣

生

也

門

佛

順

教

道 來 智 分 位 還 證 0 • 斷 卽 頓 0 欲 斷 者 斷欲界思惑盡 界 • 前 界 六品思 見惑 果 有學 惑 0 初 0 • 位 進 餘 預 三二品 聖流 斷上八地思 也 0 初 在 0 名 須 7 見道 猶 陀 潤 洹 。不復還來欲界 位 生 0 0 此 0 斯 阿 陀 預 含果 那 流 含 、此 果 用 此 八 此 忍 云

云 道 於 言也 心爲 儿 果 八諦 1 -不無學位 然初果位 見道 0 初果攝 須 F 、陀洹果 • 0 之前 發 欲 0 空門 八 令易 , 、忍八 從世 -最 果 解 十六心名見道 智 第 初預入聖道之法流 、故云 , 故云 0 一後心、苦忍眞 總 十六心。 前三果。研眞斷惑 八忍 八 • 爲 智 有門以十 斷 初果。二果去方屬脩道 明 見 • 故云 0 惑 、或 0 明云 預 五 • 名 心 發苦 流 名見道 、忍 日 • 又聖 [有學 即明 苦發 道之始 0 、爲 法、 指 智即 0 今此 初 也欲 重 · 這緣眞 果 、界 . , 故 向 謂苦 且準空門以十 0 真諦 云 初 十六 智下 • 斷思 也 明苦 心是 發法 0 集註 惑而 也忍 脩

0 八 忍八 智 、欲界四諦下、各有一忍一智。謂苦法忍 、苦法智等 . 色無色界四

刨 諦 無 T 漏 . 亦 觀 各 慧 有 也 0 無間 忍 ___ 道 智 中 0 謂 、三昧斷 苦 類 忍 、苦類 惑、名之爲忍 智等 、合為 0 乃卽慧之定 八忍八 智 0 0 解脫道中 忍 卽 無 漏 禪定 • 觀慧證 。智

理

•

名之爲

智

0

乃卽定之慧

0

惑有 憑教 見得 以 體 見惑者 云入 洲 無 功 九品思 -0 粗細 此 如炎依空 同 入道 流 礙 -0 惑不斷 張 道 四品 初果之後 、分別曰見 0 或云 王 而 , 惑中前 也 故分九品 不 頓 0 1 同 須 亦名隨法 一逆流 破兹惑 • . 雖 論 而 之六品 0 、此果之前 天 家家 、逆生 如 動亂於空。似夢因眠 。三界共八十八使、已如上說 上六欲 、故 天而然之眞理 0 無漏智力 則 行 0 此 E 卽 死 欲界猶 頓斷 流 約 • . 宮殿等 命終 斷 法行 也。 。以 、故經七生。於七世中 品品 此 、終無得見之日 而 有 人 別 言 至 。利 位亦名隨 八 番 智證理 、夢昏於眠 0 五 0 若是 品、 所謂 生死 根自 任 家家者 皆名二果向 、故曰 以 信行 • 故云 斷根 智力而 。止觀云、見惑附體而 。今於世第一後心 。卽 。夢若不息、眠 見道 性 __ • 來 入道 信行 0 有 . 無漏智熟 須 。初預聖流如 人 0 0 經 家家 小超 若 也。二斯 人 七生 有門亦 0 是鈍根 劉 0 不 有 = --方斷 如服 、頓發 得覺 天 几 名 陀 憑他 生。 家 品 信 含 F 酥法 九 家 說 解 0 • -還能 品 以是而 或 旣 金金 八忍 。亦 生 0 • 惑 Fi. 器 解 t 中 品 名 岡 障 0 欲 0

生

0

則經三番生死

、斷茲三品

0

中中

、中下二品

、共潤

一生

0

則經

番

生死

斷

兹

二品

。下上、下中

、不不、三品

共潤

一生

。則經第七番生死

•

斷斯三品

。是名以

惑

、則又有

故云

不來

七

步

蛇

毒

力

故

•

不

至

八

步

0

惑力

至

七

,

道力非

八

0

若據

婆

沙

0

應云

+

几

0

何

故

病

消

0

如

歌

羅

邏

七七

日

_

變

0

如

親

族法

限

至 七代

0

如

七 步

蛇

-几

大

力故

、行

合二十八生

0

且.

依前

不出

七

•

故但云

七耳

0

思惑九品如

上言

0

以

感潤

生

-

經

生

劉

惑

中

有

本

有

•

數

不

出

七

•

故

但云七

0

若

總

論

生

•

應宏七人七天

0

+

四

中

有

略爲

點

示

。上上品

潤二生、

經二

番

生死

•

始斷

此品

0

上中

L

下。

中上、各潤

五

上流般

•

色界

位

在

其

中

0

含

0

地各九品

思

現 界受生 般 、欲 0 界 自初果後 七無 、色般 • 、云 卽 重慮緣眞 云廣如集註 • 故名脩道 、須者往檢 也。 0 既進斷上八地思、故不復還來欲

六究竟即分三、初 標 練 0 二別 釋 0 | 總 結 0

究竟卽者、三乘無學位也。

智窮理極 、故曰究竟 。聲聞乘四諦、緣覺乘十二因緣。菩薩乘六度、 故名無學也。 故曰三乘。七

二別釋分三、初 乘 0 -中乘。三大乘 0

十二品思惑俱

盡

0

四

智己

圓

0 眞窮

慈盡

0

無法

可 學。

小 乘第 四 阿羅漢 11 果 0 此含三義 殺賊

二界見思俱 盡 0 子縛已 斷 。果縛尙存 名有餘涅槃 0 若

。二應供

0

三無

斷

無餘涅槃 0

小乘者 0 如羊鱉絕奔走、都不顧群、故名爲小乘也。梵語阿羅漢、此云眞人。謂能證理之 • 對辟支菩薩 而 言 小也。 聲聞 之人 、但期出苦、無化他志 、故法華名爲 羊車

住 故 頸 如 大 應 翻 厭 具入道 有 全果能 X 憍 故 脩 供 故 0 也 , 動 進 乃 亦 底 緣 E 種 云 • 0 0 不 法 以刀 稱守 今家 取 迦六反 念 破 0 大 殺 亦 0 、能進 中 賊 湼 處 = 云 被 護法 自 切智 不 能 槃 IF 種 應 --煩惱 害 退 果 時 令 大 意 眞 0 -至 上能 中 不 失 解 魔 外 六 0 0 0 • 所 不動 几 或 呵 謂 謂 脫 怖 次第乞食以 百 道 種 退 住 凡 羅漢果 大 智 云 破 0 ---動也 夫捨 二俱 法行 故 死法 果 法 文字外道 爲 應 九 比 上不 於 種 -0 0 亦名 住 利 丘 理 命 0 解 • . 亦名不 或云自· 第 資 破 所 脫 根 及果性 來三界受生 也 而 堪達 身 證 已 七恐退 身 0 世 1 -法 不 命 大 亦 0 0 ·壞法 害法 法 六 脩 待 七支之悪 退 云 --一思法 不 果上應受 無着 共 緣 種 0 • 不 。亦名無疑 亦稱 以刀 退不進 0 者 念 具 退 • 係從 處 也 義 • 、於三界依 • 分別法 一護法 自 常自 、果上 -0 0 人天供 害 果上 怖 0 退法 = 故 思維 0 種 魔 種 、於己 法 亦 纔 能 以 殺 者 者 , -能了 受稱 、利 名 養 見思之賊 所得之法 因 Ī 至 破 -• 一所證 住 咽 遇 而 神 -根不 乃因 進法 半、 不 慧 無 漳 通 時 -動 緣 故 滯 心心 外 解 解 動 故 法 E 道 乞士 脫 脫 日 着 . --恐有 得 此 牛 退 無 也 0 -0 於法 非後 六不 以 從 愛樂 漏 失 = 大 生 信 0 成 破 退 盡 無 脩 今云多含不 所 行 0 無疑 動法 之不 悪以 疑 性 此 德 、善守 失 得 鈍 0 及 果 念 根 0 法 解 -故 故 得名 心 至 動 別 本 故 脫 處 -也 護 生 營 緣 號 0 *

毕 不 冺 所 觀 九 -智 中 果 纒 動 行 種 則 4 縛 則 者 -0 報質 九 無 分 不 • -謂 處 退 種 智 身 生 乃 思 未 世 0 0 根 獨 冺 消 处 0 • 進 智 而 餘 性 -莫能 加 觀 解 故 --集註 脫 是 日 行 退 得 尚 兼 滅 --不 名 慧 存 出 擧 -爲 身 須 耳 退 0 -故 者 孤 解 名 0 果 不 往 調 脫 有 日 子縛 性 動 解 餘 尋 知 退不 脫 見 浬 0 -見思 半分 住 槃 今已 0 退者 亦 也 -二感 矣 護 身 口 0 名 灰 • 0 • -故 慧 孤 則 身 • 是分段 往 調 云已 五 --湼 分 俱 卽 而 斷 槃 法 言 滅 也 身俱 生死之因 戒 0 ---就 以 刨 Ŧi. 定 陰 六 無 滅 H 六 報 種 餘 矣 -約 前 質 解 種 世 0 爲 灰 脫 五 根 0 0 果縛 有 性 身 由 -解 此二 則 退 0 脫 慧 無 0 -惑之 第 身 知 雖 俱 見 證 約 0

二中乘、

與 中 漢 乘 同 • 辟 0 支 更 侵習 佛 果 氣 此 人根性 故居聲聞 稍 利 • 0 逆順觀察十二因 緣 0 斷 見思

禀佛 獝 中 能 乘 大 導 者 緣之敎覺悟者 利 -對 部 前 屬 後 -加 而 鹿 言 之 中 0 名 顧 也 緣覺宿根略 群 0 法華 . 故 名 名 爲 鹿 勝 中 車 0 乘 -鹿 故 世 之出 云 0 根性 梵 語 圍 稍 辟 0 利 並 支 迦 馳 0 自 羅 並 無 顧 -明 此 0 翻 緣 -至 覺 緣 老死 覺 雖 不 -亦 益 -名 云 物 獨 順 . 觀 覺 而

能 由 更 老 侵 死 習 • 氣 至 無 0 習 明 氣 -名 者 逆 3 謂 觀 習 0 慣 故 氣 日 分 逆 順 1 觀 如 器 察 中 + 臭 物 天 緣 0 物 0 雖 劉 除 正 使 -其 與 臭 聲 聞 氣 尚 同 在 0 根 0 大 性 經 稍 云 利

三大 乘 分四 , 初 三祇行 道 。二百 刧 種 相 0 = 生補 處 0 四 1 相 成 道 0

我

衣

•

我

鉢

-

見

習

世

0

舍利

弗

嗔

•

畢

陵

泇

慢

-

難

陀

貪

-

思

習

彻

祇 望 劫 即名 聞 乘 諦 菩 在 佛 解轉 外 薩 果 凡 0 0 明 位 修 此 行 • 0 在 第 根 頂位 度 阿 性 0 僧 初 大 0 祇 阿 利 僧 劫 0 從 祇 , 初 諦 劫 發 解 、事 心 漸 行 明 . 雖 緣 在 強 四 煖 諦 • 位 理 境 觀 0 第 尙 發 四 弱 宏 阳 0 准

得 發 箭 無 湟 心 大 杰 -槃 全 誓 也 乘 群 佛 者令得 願 0 劉 果 而 者 未 出 0 涅槃 此 度 • -故 不 緣 者 集 令 求 -卽 人天 諦 度 大 佛道 境 乘 1 刨 0 0 福 無上誓願成 三未 衆 最 報 生 初 聲 無邊 發菩 聞 安 者 緣 令 誓 提 覺 安 , 0 願 心 此緣 唯 度 • -卽 刨 志菩 0 滅諦 法 此 緣 門 緣 四諦 提 境 無量 苦 0 自 諦 境 0 是爲 誓 境 他 0 四 願 0 兼 發四宏誓 諦 學 運 未 。猶 爲 0 所緣 此 解 緣 者 如 令 道 大 . 0 宏者 緣 象 諦 解 境 兹 、身 -卽 諦 0 -大 四 煩 境 捍 也 未 惱 而

常 障 至 古 語 行 米 佛 大 而 具不 0 脩 語 道 尸 亦 劫 六 薩 發 、退 釋 0 得 名 度 煩 埵 宏 不也 棄 迦 此 願 0 , 度 誓 佛 名 隡 五 舍 如 翻 者 0 --其 女不 功 利 以 此 無 兩 11 埵 世 ---而 德 値 名 要 身生 句 弗 = 積 數 願 -0 制 自 菩 成 、三 則 摩 世 七 0 事 劫 時 八 字 不 即惡 萬 神 供 至 虚 訓 衆 薩 其 0 0 知 標 謂 名 足 養 無 0 生 者 心 行道 、五 Fi. 當 古云 名 大 1 H 不、 弟 佛 數 --來 增 摩 乃 誓 佛 子 及 退即 生者 ---作 爲 是 梵 故 、位人、 弟 訶 -0 . -佛 若 除 名 語 志 常不天一 名 亦 子 四 言 大道 之 名 非 大 求 僧 減 0 初 識退 0 事 留 略 目 刨 行 滿 宿、 二道 四 祇 --行 心之衆 犍 便 爲 Ш Ŧī. 此 足 命不生、 僧 劫 0 雖 具 日 貴二祇 發 人 、生 連 0 -、合一 莫 強 用 足 願 即邊家貧 願 如 1 0 0 塡 生 諸 此 多 釋 應 念地 、窮 劫 0 -1 爲 誓 加 佛 不、 三、 時 聞 願 泇 願 0 云 0 行 退諸 男三若 弟 未 世 海 而 大 若 -施 + • 諸 道 菩 無 也根 身女 不 子 來 缚 0 名 提 境 捨 故 經 、完 、身 遇 作 於 增 --菩 多二 成 若 薩 身 諱 亦 佛 過 減 須 四、 0 命 修 薩 就 名 緣 名 去 埵 遇 根四 --爲 菩 衆 財 違 四 亦 久 六 摩 摩 爲 具形 遠 度 訶 薩 緣 、残卽 難 名 牛 詗 犴 . __ 無 得 等 釋 劫 中 行 薩 摩 巾 薩 願 五、 -所 至 迦 前 劫 世 詗 埵 知五 也 0 0 0 又 佛 牟 薩 故 顧 宿喜 0 0 0 1 0 旣 戀 退 身 阿 者 大 須 祇 命忘 卽 尼 几 云 爲 僧 發 論 依 始 允 中 -0 -菩 宏 什 故 四 得 刨 미 智 陶 劫 祇 翻 以五 慧 劫 願 師 提 菩 日 是 師 諦 0 0 -分功 從 爲 是 事 離 弟 名 提 境 此 --不 林 天 道 名 子 値 此

故不 僧祇 燃燈 亦 此 僧 凡 劉 強 0 是 此 祇 向他說 者 0 7 頂 滿 向 佛 雖 乃 刼 故 -法位 煖法 便授 他 刨 。是時內心了了 日 者 0 說 此 五 0 理 、未盡之詞 故 智慧 其記 。脩行六度 時 停 觀 。准望聲 菩薩 L 尚 云諦解 總 。脩 弱 0 汝當 別 0 • 轉明 名 聞 念 望 行 0 善慧 在缓 六度 來世 事 ・自 處 聲 • 雖強 四 , 也 聞 在頂位 諦 知 位 0 以定菩薩之位 、故云 0 , 必定 觀 作 用 而 又從罽 。次從燃燈佛 佛 七 解 理 作佛 一型蓮華 也 , 諦 弱 轉 那 口 解漸 自 尸 故 更分明 • 名釋 一發言 棄 明 云 --至 供 佛 位 雖 0 言 也。 0 毘 泇 養 至 在 -無所 如登山頂 婆尸 牟 燃 燃 外 四 諦 尼 燈 但 燈 凡 畏難 佛 佛 以苦空無常 佛 理 0 0 解 爾 故 • 0 -敷鹿 四四 。我於來世 値 漸 時 值 日 七 漸 雖 七 准 分明 萬 望 顧分明。了了自知 自 皮 萬 七千 衣 六千 聲 無我 知 聞 作 • -之觀 而 布 佛 、當得作佛 佛、名第三 佛 在 未 外 髮 0 -名第 甚 掩 凡 口 、伏惑不 泥 未能 位 極 明 0 • 外 時 阿 阿 說 0 0

二百劫種相。

六度旣滿 更住百劫脩相好因 0 在下忍位 0

初 句結上。次句起下。上來三祇旣畢、故六度亦滿。六度各有滿時。 教儀云、一

不 弊 起 持 故 波 切 0 說 嗔 姤 瞋 戒 沙 羅 7 痛 能 布 如 赴 誓 恨 捨 陀 蜜 苦 以 是 0 0 施 施 大 P 截 如 身 期 滿 此 衆 施 盐 大 0 --王 其 屋 就 王 相 學 無 身 太 4 時 0 -言 天 抒 手 提 L 死 共 身 子 所 0 0 -不 身 足 比 無 期 地 H 遮 0 大 海 -0 耳 誰 是 惜 震 秤 悔 海 刨 丘 礙 爲 神 . 乞許 鼻 恨 則 身 動 水 惜 如 信 0 -7 常 汝 爲 命 以 乃 切 珠 故 ----還 身還 令海 邪 iLi 脩 卽 持 護 贖 至 衆 0 -是 忍 持 鴿 慈 國 以 天 牛 如 0 -比 不 忍 尸 戒 七 淨 命 身 如 乾 是 其 -動 波 丘 H 戒 故 施 盡 睡 入 等 0 --答 在 羅 不 心 者 時 海 不 0 臥 -0 -時 惜 供 言 林 蜜 加 不 從 惜 採 -• -心 \pm 樹 滿 養 如 是 悔 神 刨 寶 身 身 -我 間 下 相 命 沙門 須 等 恨 索 命 無 盜 0 若 言 摩 所 從 珠 取 -0 0 -0 -竟 入 若 如 陀 乃 立 惜 龍 脩 實 其 --今截 是等 忍 禪 菩 誓 人 心 珠 王 得 0 行 -定不 \equiv 來 卽 是 薩 自 如 如 忍 -. 罵 心 汝 昧 處 來 證 P 將 意 本 辱 0 不 身 處 王 就 生 毘 懈 還 珠 0 云 . -時 猧 因 終 精 捨 是 順 E 海 -• 0 0 定 恨 迦 緣 我 以 感天帝 捶 進 身 欲 羼 宮 0 能 心 梨 割 經 是 持 命 身 將 波 -0 當 剝 還 羅 忍 尸 說 王 戒 施 無 施 太 令 不 王 期 鴿 本 悔 心 子 閣 蜜 --0 常 我 爲 支 生 滿 心 者 覺 浮 滿 0 0 -身 比 女 解 依 不 爲 解 知 相 • 7 --菩 色 爲 實 退 身 丘 奪 剔 物 N -0 答言 命 語 精勤 爲 若 尋 故 薩 持 悔 皮 口 衣 刨 實 平 肉 大 此 服 有 -0 -語 平 生 是 iLi 地 與 復 珠 寶 大 --0 復 實 重 不 戒 劫 檀 雖 不 物 故 ili 0 -

服 問 般 乃 耶 福 以 種 者 地 値 惜 0 -大 若 毒 等 作 至 波 弗 有 身 0 • -思 悲 輔 羅 有 初 波 七 鳥 沙 命 0 -K 治 如 答 羅 分 視 蜜 佛 種 種 行 子 云 0 得 帝 衆 飛 大 何 蜜 滿 刨 云 0 0 -差爲 若 千 釋 相 生 相 欲 滿 去 相 七 將 , 於 界 過 干 故 相 H 諸 • 0 0 0 切 答 是 \equiv 大 加 七 0 -0 天 人 福 衆 天 相 雖 祇 城 名 尙 夜 --來皆 自 用 有 有 中 己 禪 闍 助 牛 0 7 7 共 小 有 在 百 此 波 梨 翹 抒 云 --爲 爲 語 初 南 百 下 羅 城 仙 云 福 海 大千人 種 洲 忍 劫 蜜 人 足 水 0 --足下 智慧 間 義 種 聚 滿 福 福 0 -0 0 男身 不 落 坐 相 相 目 0 0 -水 外 安平 幾 有 有 必 禪 不 0 0 涿 --許 能 菩 然 種 村 時 暫 五 云 减 --救 乃 佛 大 爲 相 調 民 薩 半 0 眴 --得 千 至 合 出 卽 伏 無 大 --0 0 0 六 爲 衆 福 時 初 世 脩 諸 盡 出 心 如 海 天 是 安 生盲 便 也 根 作 分 入 神 0 -福 答 種 寸 非 別 息 等 七 怖 0 0 -刨 滿 分 有 故 緣 不 0 故 -0 ---有 能 云 有 餘 百 足六 如 鳥 惜 理 0 0 -除 無前 般 治 然 1 劫 劬 於 慚 云 云 身 得 後 能 中 若 -補 輪 度 嬪 螺 命 愧 切 婆 差 處 後 種 種 脩 也 波 髻 還 王 8 羅 人破 於 於 羅 爲 爲 餘 也 中 珠 0 0 -餘 四 問 相 相 更 蜜 門 生子 物 -0 0 戒 天 用 業 住 精 亦 福 大 亦 0 • 見 切 有 意 如 臣 下 百 進 如 0 0 0 自 思 業 問 不 是 有 人 云 劫 -釋 --分閣 能 第 脩 所 多 紺 動 卽 迦 云 在 0 -是菩 爲 思 六 於 名 菩 大 爲 眼 相 不 有 說 識 浮 1 爲 搖 毘 何 好 0 -嫤 福 人 先 梨 法 處 大 薩 大 0 0

無量 中 • 令 故名忍位 名身淸淨 0 -捨 初發五 惟 是 佛 事 能 。然分三品、此下忍 爲 心 0 知 在下忍者 福 -0 乃至具足五 論 0 二十二有云 有 云 • 無 似 可 解增長 心 譬 也 0 -0 菩薩 菩 如 0 是百 薩 0 脩 五種善法、 入 十善 心 第 \equiv 、名爲 -阿 各 僧 增進成根 有 百 祇 福 Ŧi. • 心。 心 -成 思 於一 謂 大 0 於 行 下 四諦中、堪忍樂欲 相 -中 種 0 如 9 相 是乃至三十 大 上 • 緣 上上 0 故 福

三一生補處。四八相成道上論因行 • 此明果證也。

時 成 次入補處 三十四心。 劣應身 是 中忍位。次一刹那入上忍 、生 勒如 一兜率 頓 釋迦丈六 六丈等 斷見思正習無餘。 天 0 乃至入胎 受 梵 王請 • 0 出 坐木菩提樹下 次一刹那入世第 、三轉法輪。度三根性 胎 出家 • 降魔 以生 • 0 草爲 安 發眞無漏 《坐不動 • 座

人滅。

補 處者 、前佛旣滅 、而此菩薩卽補其處。猶東宮之儲君也。敎儀云、卽是釋迦菩薩

慧 百 以 脩 不 外 念 在 時 住 相 威 億 觀 乃 份 道 中 泇 大 行 生 0 --時 刨 毘 故 日 至 六 邪 忍 在 則 --是 羅 月之 二字 度 及 脩 位 迦 七 知 0 0 -答 釋 刨 葉 正 婆 也 加 中 八 -_ 中 佛 图 慧 是 令 E 切 勝 陰 淨 迦 而 0 车 諸 衆 生 所 人壽 超 處 狀 入 飯 世 0 -若 母 尼 略 功 牛 兜 Ŧ 入 0 0 --之 爲 爲 伽 胎 胎 后 佛 \equiv 百 德 器 率 0 脂 此 陁 時 生 觀 威 結 欲 天 補 0 0 -能 教 伏 者 時 黑 種 長 獝 處 ---是 刨 結 弟 切 懷 利 姓 屬 知 儀 世 0 -三七 衆 佛 子 後 姓 不 中 淸 捨 入 0 -I 生 得 胎 生 身 出 八 忍 淨 閻 0 世 -之位 邪 菩 受 世 相 浮 淨 如 0 0 -之報 下 之 生 歌 慧 薩 種 兜 持 凝 兀 文 觀 姓 時 率 16 閻 禁 酪 羅 入 0 0 -母 缺 問 羅 如 牛 中 天 物 浮 戒 0 --降 五 時 胎 是 處 下 日 上 0 0 --行 生 胞 觀 者 兜 觀 思 神 0 • --菩 菩 此 諸 時 維 何 刹 無 知 + 率 通 -歌 薩 已 等 利 地 菩 常 薩 變 天 功 _ 0 德 乃 羅 母 姓 薩 相 伏 化 憶 何 0 --從 結 意 爲 至 羅 不 X 諸 將 0 0 --勢力 佛常 降 諸 出 失 兜 從 迦 欲 上 0 --故 令 生 七 能 下 旣 初 伏 葉 率 天 時 天 懷 大 依 生 諸 發 天 師 授 日 生 -煩 記 名 下 故 中 時 兜 那 魔 赤 心 0 -皆 羅 白 IF. 或 率 惱 在 0 0 0 ---慧 入 脂 伏 於 次當 憶 精 延 生 用 74 -婆 辯 念不 力 結 入 胎 74 必 消 此 m -菩薩 羅 日 泇 種 有 說 天 作 合 至 0 0 維 失 門 胎 觀 於 用 此 法 佛 --安 明 姓 降 用 0 衞 人 清 0 0 0 --浮 是 中 入 唯 間 淨 伏 破 恐 刨 0 -陰 胎 智 是 故 種 陁 而 此 中 0 iL

忍 忍 坐 王 石 大 具 相 薩 IF. 0 位 敗 蜜 見 不 慧 明 者 0 0 口 -次 菩 於 績 乳 出 自 0 劔 入 0 -當 薩 中 第 糜 匹 發 教 母 0 -刹 忍 儿 鬼 城 此 言 義 IE 胎 乘 -門 那 禪 益 周 慧 兵 云 六 0 , 利 天 牙白 復 退 昭 明 入 身 ---名 見 上天 世 那 散 + 王 是菩薩 識 次 老 父母 第 爲 六 象 餘餘 0 -病 + 下 刨 安 安 功 -坐不 入 六 騰 坐不 滿 人住 德 外 0 --空而 發 苦 年 唯 相 上 足 0 我 眞 忍 甲 中 動 動 Fi. + 續 0 寅 位 無 時 明 厭 獨 月 來 入 陰 0 歲 自 等 降 怕 尊 胎 漏 欲 0 0 -正 從 、是名 三 E 補 魔 心 1 0 -是第 慧 + 忍 處 相 生 匹 當 右 受 74 來 者 月 初 不 脅 生 --夜 生時 失 時 11 刹 六 八 入 IE 0 7 那 皆 成 卽 4 念 慧 H ---於 頓 中 道 於 踰 是 身 也 0 --菩 劉 刨 忍 相 城 彻 或 從 現 父 0 位 右 於 據 内 母 見 入 提 出 也 0 思 世 樹 刨 外 家 几 腋 天 所 0 0 今 教 果 第 下 明 有 而 -0 -0 住 出 生 義 六 出 如 經 \equiv -家 十二二 法 中 破 年 牛 處 顚 云 -苦 摩 忍 萬 者 瑠 倒 . 0 -瑞 故 脩 魔 障 耶 心 八 行 瑶 -觀 T 是 於 夫 E 衆 相 0 0 0 散 億 食 時 生 次 成 地 人 0 云 難 菩 於 不 H 鬼 事 云 • -利 薩 眠 故 在 刨 淨 魔 陁 -攝 明 那 衆 婆 年 瑞 行 臥 心 云 是 羅 漸 雁 + 出 之 入 1 0 0 端 際 菩 中 魔 月月 經 步 胎 + 長

釋

義

I

發

直

無

漏

=

+

四

心

者

-

見

道

八忍

八

智

-

名

+

六

心

0

脩

道

約

界

九

地

-

各

有

無

礙

-

-

解

脫

-

名

十八

心

0

見脩

合論

、共成

三十四心

0

此之定

慧

-

並從

無始

本具

祇 頓 無 證 是 漏 我 阿 種 0 空眞 然 僧 子 約 祇 -如 所 刼 所 劉 所 發 0 亦 惑 脩 現 名 品品 行 福 擇 智 -0 故 滅 爲 由 分 增 無 此 爲 \equiv F. 現 + 行 緣 0 無 四 0 -爲 心 無 能 眞 始 證 0 若 如 法 眞 約 劔 諦 不 能 我 無 墮 空眞 漏 劉 諸 能 種 數 證 子 如 爲 0 0 • 以 唯 親 故 是 無 大 云 爲 無漏 發 緣 法 眞 0 加 定 故 無 有 慧 得 漏 差別 而 頓 \equiv P + 發 四 -0 -故 所 頓 1 證 營 也 0 7 0

+

四

0

復

分

頓

漸

種

種

不

百

0

六之 多羅 第 座 成 TF. 冬夏 云 菩 習 巫 0 一夫人 成 身 提 = 無 0 -藐 昔 劣 而 不 餘 0 -三菩提 生二 彫 故 應 大 者 有 今 國 名 身 誰 謂 • • 子 光 不 王 劣 者 能 菩 矣 -有 應 與 提 鮮 但 -第 對 我 樹 TE. 不 0 0 坐 夫 如 使 弱 勝 焉 -變 子 人 是之草 木 劉 勒 而 0 0 願作 菩 以 言 每 盡 0 + 六 第 劣 生 提樹 至 0 草爲 梵 丈等 佛 力 而 0 夫 帝 王 浬 下 且 0 槃 習 人 如 釋 座 者 • -請 生 受梵 應 者 日 氣 八 -干 樹 千 萬 念 並 --菩薩 葉皆 兄 子 四 化 非菩 除 王 轉 請 爲 干 0 0 一吉祥 試 法 更 等 相 初 彫 提 輪 當 謝 好 至 無 --童子 第 名 樹 餘 來 0 0 -藏 其 成 下 有 畢 蘊 七 • 次 佛 轉 塵 頃 鉢 -0 是名 願 獻 大 刨 羅 次 法 相 爲 第 草 念過 輪 好 便 0 密跡 恭 敷座 相 如 IE --名 幹 習 釋 也 去 故 爲 金 泇 諸 黃 無 0 0 0 剛 探 集 勝 故 佛 佛 白 餘 籌 於 註 應 0 五 ---護 皆 枝 以 此 遂 居 引 0 千 第 以 下 葉 得 正 今 生 兄 法 僅 草 清 7L 牛 阿 -草 教 得 爲 翠 耨 0 丈

於 說 復 必 眷 0 拘 轉 更 示 佛 梵 屬 故 0 P 轉 證 三 脩 其 證 Ŧ 百 法 0 千萬 那 爲 生 請 華云 轉 四 四 0 0 物 而 何 緣 諦 諦 而 7 將 入 故 覺 法 渴 始 也 ___ 0 8 湼 恭 皆 劔 -再 己 0 仰 說 -有 槃 轉 轉 生 證 謂 。言始 者 敬 時 合掌禮 眼 諸 他 此 0 0 口 _ -所 是苦 諸 爲 轉之義 梵 知 也 菩 梵 明 可 佛 有 王 0 度 語 薩 謂 益 覺 王 、請 . -及 者 逼 爲 法 此 0 -0 故梵 世間 是苦 故名爲 諸 迫 我 轉 \equiv • -轉法輪 皆 法至 天帝 轉 性等 0 何 王 主 . -度訖 我 於 通 釋 則 輪 以 0 0 非 = 故 成 爲 是 E • 0 護 又 爾 十二 勸 主 知 也 0 0 0 爲 能 代 故 轉 誠 # • -衆 法輪 不 請 懇 然 由 四 日 壞 -勸 緣 復 煩 天王 根 法 生 而 • 更 之令脩 盡 有 利 腦 輪 而 諸 矣 入 鈍 知 主 佛 及 不 = 0 、名之爲輪 爲 根 度 滅 故 0 出 、今別 大自在 說 世 故 \equiv 乃 也 0 -所 此 根 至 也 0 0 . 吾佛 原 謂 性 此 謂 在 0 薪 往 是道 以 天 小 此 0 0 是苦 = 住 說 文 示 說 盡 也 . 並 轉 法 火 世 耳 句 0 尊 -我 度 餘 滅 八 云 者 重 0 • 轉 諸 者是 + 已 汝 、一示 生爲 通 0 -天衆 非 年 爲 脩 法 應 云 輪 請 懷 也 聲 知 -• -後 例 聞 不 等 轉 不 者 0 0 -

與 [h]

羅

漢

辟支佛

•

究竟同證偏眞法

性

0

無復身智依正可

0

=

總

結

-

0

智 此 結 則 示 無 \equiv 智 乘 0 . IE 日 報 證 旣 偏 眞 絕 法 -依 性 報 0 妙 亦 玄云 0 但 • 寂 天 滅 大 異 無 爲 -而 而 \equiv 果 0 小 百 0 灰 身 -則 無 身 0 冺

明 觀 法 分二 • 初 别 明 = 乘 因 果 0 總 明 + 乘 觀 法 0

悟 此 成 薩 最 敎 同 證 鈍 劫 佛 弘 具 偏 誓 者 0 然 得 眞 此 度 法 劫 證 0 四 聲 只 . 0 果 聞 三百 脩 道 立 觀 0 分 諦 辟 行 几 證 曲 果 支 爲 果 觀 旬 初 以 出 0 0 苦 雖 有 -化 伏 諦 大 则 佛 城 惑 名 耳 以 利 百 初 緣 集 生 門 0 0 諦 覺 而 0 0 必 同 爲 最 0 斷 經 出 初 利 見 者 無 門 思 佛 0 阿 最 生 0 僧 名 利 司 獨 者 祇 最 劫 覺 儿 鈍 頓 0

析 有 此 聞 利 空 明 鈍 觀 爲 E 能 乘 0 -致 觀 觀 行 時 於 人 法 有 Ŧi. --陰 DL 脩 遲 諦 速 入 大 道 爲 不 0 故 所 日 0 日 故 觀 -法 最 日 而 利 苦 營 0 三 諦 故 惑 生 爲 證 云 初 觀 理 • 最 門 几 同 鈍 0 諦 也 六 門 0 0 + 以 初 茸 刼 能 以 佛 不 通 四 -方 爲 淨 諦 證 義 音 -聖 苦 聲 -果 通 而 -大 空 得 0 支 而 果 -佛 徹 無 證 初 果 常 • 觀 彻 故 -無 無 0 I 明 次 我 聲 明 聞 --之 故 根

斷 白 者 譬 狩 那 緣 聲 證 屬 行 而 分 以 行宮 如 覺 惑 自 滿 集 闻 -0 -8 若 梵 若 證 故 Ŧi. 直 脩 而 但 悟 0 諦 之限 約 約 語 登 期 成 眞 日 無 緣 爲 百 四 煩 果 爲 部 常 由 無 諦 佛 自 覺 初 也 門 惱 報 旬 量 學 道 急 行 度 者 則 0 -此 也 緣 也 務 也 無 0 0 • -0 -0 則 菩 菩 則 險 云 覺 0 0 0 而 0 分 最 菩薩 \equiv 同 難 行 限 薩 薩 思 加 果 利 脩 E 界見思爲三百 悪道 + 春 居 量 得 明 發 不 四 可 百 見 分 證 = 爲 1 及 言 生 -段 有 菩 因 利 刨 物 百 曲 乘 ---處 他 最 曠 旬 = 提 緣 脩 行 花 故 -絕 入 種 六 如 開 H 鈍 行 ---. 爲 名 菩 化 證 須 度 不 百 不 麒 無 -同 證 果 以 麟 秋 立 0 三百 人 城 薩 刼 -塵沙 果 脩 不 惑 故 之 觀 分 0 -• 乃 大 果 對 乃 六 同 受 以 黃 不 0 生 角 葉 方 至 假 八 同 度 道 整 0 -0 爲 便 過 譬 諦 落 緣 聞 + 然 0 . --變 名 故 爲 故 之 几 里 此 覺 以 而 餘 百 易 百 顯 脩 下 伏 初 日 類 如 明 可 -中 門 處 由 法 知 而 麟 利 行 1 0 0 -六 明 釋 鈍 無 旬 也 不 不 喻 就 0 0 -爲 + 獨 明 \equiv 司 斷 劉 遲 0 0 1 0 出 里 化 百 惑 乘 雖 覺 出 速 四 0 -0 爲 百 作 法 曲 16 爲 不 有 無 0 --小 華 旬 出 他 自 能 4 佛 聲 Ŧi. 證 0 百 實 城 化 四 界 求 種 世 聞 者 羅 行 化 報 出 有 城 + 漢 畢 物 0 0 1 0 --若 證 學 明 變 云 喻 里 由 生 ---約 易 品品 然 其 旬 立 理 死 而 麟 無 0 觀 諸 苦 處 刨 亦 後 能 喻 學 五 無 0 -輪 皆 法 百 經 分 頓 利 師 云 . ---爲 踰 果 同 劉 故 益 教 以 由 王 云 入 部 巡 部 分 Fi. 旬 繕 頓 以 -0

報 空 旬 觀 0 -則 化 -E 能 城 者 出 過 三百 同 -居 無 分 而 0 入 倏 段 有 處 假 日 觀 0 化 約 , 能 煩 0 防 惱 過 非 四 , E 百 禦 敵 破 0 爲 見 入 思 中 城 觀 0 0 喻 約 • 觀 能 乘 法 過 所 五 -證 入 百 湼 空 0 槃 今 觀 也 成 云 = 0 0 出 故 百 = 云 由 旬 界 只 外 行 • 若 三 -本 百 約 無 由

湼 槃 總 0 明 如 + 來 乘 權 觀 智 法 所 0 爲 F -聲 故 聞 日 脩 無 四 而 諦 倏 有 1 緣 0 覺 防 脩 見 + 思 二 非 因 -緣 禦 生 , 菩 死 薩 敵 脩 -六 故 度 防 , = 非 人 禦 所 敵 脩 0 雖 異

0

若

論

内

觀

•

詎

出

+

乘

0

是

故

=

乘

行

法

為

别

•

+

觀

能

總

其

别

也

0

鈍 H. 眞 通 停 E 法 不 0 名 發 成 入 心 集流 止 乘 • 應脩 者 -0 不 轉 四 0 念 對 要 • 名 名 觀 治 六 蔽 觀 利 正 事 因緣 禪 是 0 惟 等 塞 四 求涅 境 徧 0 0 破見 六 八 0 破 槃 IE 調適三十 愛 邪 助 菩 合行 因緣 煩 薩乘 兼問出 惱 七品 0 • 一苦如輪 苦 無 或 五 識道 有 大 、入三 緣 薄 0 滅還 益 -遵 脫 0 種 滅 脩 門 須 顚 止 識 0 0 觀 倒 六 次 若 位 度 0 0 謂 根 是

凡

不

濫

0

九

安

忍內外諸

障

0

不

於似道

,

而生

法

愛

0

是

。利人節節得入。鈍者具十法方悟。

之境 若 之邪 如 顚 大 切 乘 教 乘 要名利 旋 緣 緣 觀 倒 法 成 4 以 火 大 生 世 法 乘 運 0 0 -輪 不 若 緣 載 所 大 世 0 -苦 論 百 切 然 出 爲 0 0 0 乘 -不 欲 外 若 及 法 而 自 義 云 • 增 集 息 道 故 無 也 無 觀 -0 長苦 家 乘 伍 結 邪 大 明 IF. 0 0 業 若 若 自 旣 爲 大 1 無 此 0 知諸 集 天 依 大 緣 如 法 粗 然 可 -妙玄 0 IF. 緣 若 若 而 境 成 以 -境 唯 細 從 求 也 正 生 法 乘 0 志無餘 浬 從 界 觀 1 生 0 0 0 --死岸 槃 7 皆 總 邪 因 是 是 維 由 無常 眞 緣 緣 能 而 無 摩 此 -發 + IE 觀 生 觀 玄 • 0 -故云 度煩 發 之 種 因 智 法成 無 • , 乘 主 則 八 1 緣 ---唯求涅槃 者 無常 悉 知 和 正 教 立 惱 心 0 合 淵 悉 是 大 決 大 -0 、令三 不 意 出 旣 是 顚 緣 無 --登湼 離 識 無 我 倒 從 出 是 • 時 藏 均 計 所 愛 無 明 生 0 -一樂岸 不 見 明 顚 無 度 觀 悉 行 -要名利 界 有 顚 倒 我 方 境 1 0 0 色心 之。 是 倒 所 故 也。 故 0 --梵天 至 以 流 作 卽 無 日 今是 則 依 是 不 主 破 偏 須十法和 轉 0 邪 不 求 是 IE 識 眞 ---雜 名 名 若 因 極 因 浬 行 正 八 一般是 緣 教 譽 粗 微 果 識 識 無 0 惟 利 乃 若 無 明 大意 合 IE -. 因 養 因 是 因 求 至 細 74 也 方 浬 老 緣 緣 大 名 緣 中 0 0 -槃則 故 若 等 始 列 所 無 然 牛 . 種 F 觀 天 明 DE --

生 能 苦 品 用 不 破 見 徧 淨 故 行 0 是 伏 其 附 1 偽 者 破 亦 Ŧ. . 0 名 還 停 四 卽 旣 見 諸 名 0 0 • 世 調 Ŧi. 顚 受 安 誓 不 滅 而 見 徧 0 1 適 根 倒 念 過 以 偽 唯 與 耙 11 求 破 -三十 處 識 六 卽 故 諸 11 止 出 則 0 --根 是 是 非 此 度 法 觀 有 眞 Ŧi. 0 云 七品 長 名 觀 爲 塞 迷 障 通 徧 世 ---不 迹 四 想 塞 事 破 事 理 通 0 0 -也 絕 念 德 惑 見 理 須 雜 行 几 而 Ŧi. -諸 處 應 0 無 E 刨 也 愛 悉 徧 停 脩 則 此 煩 悪 0 我 護 是 成 事 道 正 • 破 0 非 勤 當 • 通 Ŧi. 惱 見 觀 , 0 0 0 -約位 名 修 故 卽 脩 流 識 若 愛 但 0 0 -四 Fi. 法 四 Ŧi. 煩 卽 罪 道 道 此 轉 云 一明道 力 觀 念 品 諦 停 是 障 眞 六 滅 愛 腦 處 蔽 還 紛 0 亦 心 者 止 正 -中 -品 定 名 進 滅 後 發 是 屬 馳 0 -0 0 乃 慧 四 觀 道 諸 塞 等 見 單 旣 几 心 心 調 正 其 不 心念 法門 滅 脩 念 煩 0 --就修 停 勤 應 是 得 不 是 安 處 惱 性 念不 -0 破 識 念 心 安 同 通 0 0 -行論 名七 定 定 於 觀 所 處 卽 通 0 0 il 外 停 色不 是 是 道 塞 謂 時 慧 是 三十七 覺分 中 爲 道 -觀 通 也 順 何 -, 修 卽 淨 若 識 須 日 天 4 由 0 0 0 、名 心 通 護 前 法 向 11 尅 魔 五 -耳 安 念 卽 者 停 觀 也 塞 雖 理 0 0 隱 0 74 處 身 苦 愛 以 也 徧 觀 心 均 0 若 中 如 念 集 破 脩 調 是 0 0 0 -一停 行 得 意 六 諸 是 違 遵 處 以 共 欲 -、名 足 此 調 見之過 塞 無常 念 1 脩 脩 0 心門作 0 念處 觀諸 法 處 適 則 止 念 、是 Ŧi. 八 者 得 處 觀 善 正 帶 受 十 塞 瞋 安 者 -• • 道 根 故 皆 七 未 不 預 0 0

教 之滅 成 脩 道 而 戒 E 起 須 行 相 K 跋 頂 就 見 聖 愛 耶 t 無 不 几 --淨背 法 百 取 見 量 陀 盡 道 無 品 0 0 -退 七 妙 轉 四 是 慢 羅 諦 作 心 0 -捨等 道 爲 以 以 離 其 入 病 巾 經 F 0 -煖 若 品 中 四 之道 生 須 餘 £. 0 -逆 及 欲 行 解 定 法 外 識 八 旣 0 -旣 决 0 與 法 凡 出 緣 調 正 脫 心 0 -煖 聖 色 定 是 跡 門 亦 顚 中 更 IF. --助 不 若 獅 法退為 進 次 無 如 倒 而 -乘 也 當 頂 爲 位 合 自 利 子 相 四 是 0 0 外 浬 教 吼 法 行 在 解 行 如 人 0 -闡 槃 自 刨 脫 苦 \equiv 而 四 0 -1 0 -提 雖 空 當 唯 門 苦 諦 + 頂 名 世 知 入 11 七品 聞 我 修 F 法 非 鈡 下 0 0 0 0 之空 之苦 若 是 成 聖 九 亦 如 勝 脫 法 . 故 旣 中 浬 是 與 是 處 心 0 -1 無常 槃門 無我 名 免 若 行 此中善 夫 獲 悉 識 0 -道 忍 刀 次 增 益 助 緣 根 有 道 位 開 二行 兵 E 中 過 八 二行 法 --得 須安忍內外諸障 慢 故 不 鈍 TE. 水 1 . --到 火 則 助 廣 道 刨 將 -0 --爲 開 普 共 不 TF. 應 至 彼 H 口 0 0 幸 慢不 當 外 得 湼 邊 日 助 法 + 空 . 門 當 修 道 解 槃 安忍之、 外 合 入 行 0 如 生 道 教 諸 法 脫 城 行 0 -0 是 其 非 不 對 中 故 門 0 0 --切 則 不 亦 大 或 口 事 無 -云 0 0 不 忍 不 處 禪 尚 作 集 須 計 有 外 入 有 同 爲 道 1 諦 善 大 薄 無 解 . 0 0 若 若 脫 門 脫 外道不 退 所 脩 念 下 -The state of -道 門 門 還 安忍 非 於 小 貪 集 動 0 -果 不 根 天 謂 福 欲 此 0 0 0 1 能忍 計 使 得 德 起 何 故 滅 緣 空 邊 本 0 則 果 叨 禪 沢 佛 生 諦 諦 . 0 --當 教 濫 於 細 故 入 几 無 觀 八 下

緣 故 則 微 境 故 日 遮 番 不 法 -云 便 要意 於 紹 也 得 似 觀 0 入 道 + 上 -道 進成 E -採 而 來 0 稍 旣 妙 生 1 鈍 玄廣文以 法 忍 得 • 愛 四 0 從二 世 善 0 是 第 根 釋 爲 至 -0 若 七 此 要意 法 0 起 -0 發苦 故 略 0 法 要意 利 俾 愛 人節 + 忍 • 眞 雖 乘 者 不 節 行 、示 明 得 退爲 法 -入 不 + , 瞭 0 可 六 Fi. 最 刹 逆 然 忽 劣 明 也 那 闡 者 白 得 提 0 倘 成 -0 0 初果 而 須 最 生 具 法 利 不 + 者 愛 得入 • 番 乃 --虫 旧 便 至 見 脩 諦 臨 成 無 頂 學 世 觀 0 是 大 墮 0

通 般 謂 教 若 通 鈍 教 同 根 分二 以 通 • 無言 前 初 藏 乘 釋 教 說道 敎 相 • 0 利 _ , 明 體 根 觀 法 通 法 後 入 0 初 此 空 别 又 敎 圓 、故 = 0 • 初 名 故 釋 爲 名 能 通 通 詮 名 教 0 0 此 4 0 釋 又 所 別 從 詮 當 部 義 教 0 0 今初 得 但 名

中

明三

共行

者

0

卽

屬

0

釋

藏

教

竟

0

學 訶 緣 衎 義 學 之 云 乘 初 -者 門 通 者 也 . 當 . 0 學 TE 可 般 爲 也 若 菩薩 0 E 0 欲 乘 -學菩薩 傍 同 禀 通 -乘 乘 故 名 者 0 故 通 0 當 大 0 學 品 此 般 敎 經 若 云 明 大 0 -欲 緣 乘 刨 學 同 聲 空 禀此 聞 -無 乘 教 生 者 四 . -見 當 眞 第 學 諦 般 理 義 若 • 是 0 0 故 欲 摩

名 結 譚 得 乃 見 如 有 具 旧 云 0 幻 波 着 名 望 此 法 中 亦 雕 無 通 0 諸 不 不 淸 卽 所 通 侵 羅 世 0 0 空之眞 禀是 教 習 字 謂 教 空 近 旣 密 說 淨 0 觀 下 眞 通 又 0 0 ---得 逐 是 刨 諸 自 見 故 -如 彻 大 通 則 第 指 釋 茲 被 法 行 如 0 0 乘 者 教 如 語 明 通 圓 利 初 化 無 0 -義 眞 門 幻 言 言 名 接 而 者 通 他 -文字 於 法 理 乘 前 0 0 -0 -0 0 非 茲 共 非 故 空 界 而 幻 根 故 --智 中 性 卽 禀 獨 通 但 所 通 本 日 • • 皆 + 見 不 不 同 三 0 如 後 見 劉 後 -空 從 \equiv 界 斷 是 此 煩 人 别 生 同 以 -人 依 惱 圓 故 耳 無 緣 而 不 ----兼 行 今 言 . 日 空 IF. 名 百 牛 -0 -亦 所 豐 說 卽 見 通 無 觀 0 0 -, -逐 藉 位 緣 復 名 不 證 所 法 道 無 0 有 遠 被 空 鈍 乘 此 眞 滅 入 生 生 0 -空者 別 理 , 天 而 74 從 通 理 根 無 也 0 之所 名爲 當 分三 諦 性 \equiv 接 者 0 0 --果 體 無言 又 皆 乘 0 ----從當教 共禀 二不 當 建 與 但 卽 通 乘 百 利 , 八 之別 體 說 立 根 = 見 空 體 人 法皆通 藏 根 假 是 道 • 但 於 0 0 -得 得 中 而 利 故 利 者 入 空 者 而 空 茲 空 名 + 人所 0 -無 ---K 界 了 是 不 體 但 是 非 通 者 有 也 • 則 法 法 離 名 具 非 見不 異 見 0 總 觀 -法眞 不 刨 終 語 是 從 入 相 + -H 0 空有 故 言 釋 眞 故 空 \equiv 空 緣 别 日 乘同 文字 如 如 生 大 日 通 H 相 -0 名爲 緣 又 前 = 等 說 由 0 0 -通 是 禀卽 從 於 前 是 緣 智 外 涌 --當 鈍 未 空 爲 藏 所 後 生 百 , -另 爲 空 營 教 中 不 以 故 觀 曾 敎 根 -

無 九 通 别 解 0 部 脫 可 -等 _ 爲 見 種 思 . 教 是明 涅槃之果 無 通 漏 0 教部 行 同 見 -也、 爲 , 偏 是果 行 眞 如 之理 通 \equiv 通 0 藏 同 0 -一教 教 遊 卽 . + 理 指 始 地 通 終 四 0 0 名 呵 同 • 含 不 位 得 經是 外 通 __ 八法 切 0 其 同 智 部 0 以 -八法 名 0 九 今茲通 智 無 俱 礙 通 爲 通 0 教 因 同 -故名 畿 -. 並 名 界 無別部 通 大 内 教 通 惑 也 0 -同 名 口口 0 此 指 得 劉

釋 所 詮義分四 、初詮三乘。二詮諦 理 0 = 詮 因 果 0 四 詮 六 帥 。今 初

0

旧

諸

方

等般若

中有

 \equiv

一乘人共

〈禀共

行

者

•

刨

歸

通教

所

攝

世

0

虚 無生 能 以 異 無 可 故 生四 招 空 -得乃 苦 而 而 故、艺老死 四諦 集 諦 果 逼 無 無 迫 生 0 者 今 和 於 理 -至老死死 0 合 旣 Dr 空 同 、苦 相 1 諦 0 -道無 、慈業 0 是 故 與 • 如幻化不一、無明如二、無明如二、無明如二、無明如二 不逼二 道 則 日 緣 藏 生 無 相相 生 死 生 無 • • 刨 四 異 0 滅集 可幻 浬 緣 諦 , 0 得化 無無 惑爲 但 生 槃 0 生和 無 苦 以 1 相合 所治 故 性 原 根 亦 、相 H 以 利 -詮 全體 苦 。所治之惑既空、 逼 0 理六度行。 亦 了之如 迫 無 是 逼 爲 詮 空 迫 義 思議不生滅十二因緣 相 幻 0 0 世 旣 0 0 有 集 如 7 空 以 苦 幻 能治之道亦空 與 招 如 故 體 空合 空 集 幻 -當 爲 -當 體 輪 義 0 則 體 無 0 惑 煩 卽 生 0 惱 與 空 0 空豈有 業 卽 四 0 菩 世 合 諦 提 有 雖 如癡

耶 -故 日 道 不 相 0 苦集 旣 如 虚 空 -空豊 有 生 0 旣 從 來不 生 • 今 無 所 滅 -故 滅 無

4 相 0 是 則 四諦 皆 無 生 矣 0

共 刨 别 以 釋 空 無 無 義 有 法 大 逼 0 爲 迫 苦 故 0 能 所 與 相 無 圓 治 以 逼 0 迫 教 也 無 所 謂 相 刨 0 和 中 旣 合 生 四 不 體 相 死 句 同 達 刨 -。三界 生死 所謂 浬 槃 色心 卽 煩 也 湼 惱 0 見思 槃 即菩 依 正 • 因 故 提 煩 果 惱 滅 也 無 . 0 -旣 名 有 生 體 相 漏 爲 達煩惱 苦 行 0 非 業 諦 別 0 -名 刨 有 加 菩提 爲 幻 法 集 如 可 證 諦 夢 -故 得 0 • 道 不 當 也 體 自 0 不 全空、 然 他 相 生 此 旧 0 -是 不 所 非

無 + 所 因 滅 緣 0 生 與 前 派 去 不 來 異 0 8 3 但 無 以 所 根 得 利 -0 體 故 因 E 不 緣 如 生 滅 幻 0 -雖 刨 不 空 生 0 旣 滅 如 • 幻 而 亦 卽 空 可 以 , 心 則 思 生 刨 言 議 不 生 0 故 0 滅 日

思

議

不

生

滅

+

因

緣

0

0

0

生 殊 釋 中 間 義 -0 不 旧 -0 他生 以 獝 癡 體 加 加 空 虚 , 虚 不 空乃 空 智 共生 慧 0 旧 至 -了 老 , 有 不 名 達 死 字 無 生 等 因 刨 0 8 生 毫 非 癡 生 0 無 • 以當體不 實 卽 . 體 無 滅 刨 世 明 非 彻 0 行 可 滅 0 得 等 + 耳 故 例 0 大 謡 知 -喻 緣 觀 0 如 無 無 流 幻 明 明 轉 還 化 如 不 幻 在 0 滅 本不 化 內 名 等 相 -可得 不 者 1 在 與 -前 外 無 • 不 明 藏 -口 不 不 教 妄 自 在

謂自他共離生也。行等亦然。

理六 物 故 名 與 夫 理 度 果 行 0 六 報 者 。名三 度 • 六 一一三輪 度 輪 事 體 行 空 體 與 空 = 0 戒 藏 者 無 --異 忍 如 行 . 0 進 施 但 時 以 -禪 根 -不 利 -慧 執 -我 1 -爲 事 輪 施 如 者 幻 0 亦 0 -復 不 當 體 如 執 彼爲 是 全 空 0 故 受 0 達事 者 云 0 不着 刨 理 施

亦詮幻有空一諦。 即空爲真、

詮諦

理分三

、初

约

有

_

諦

-

兩

種含中二諦

0

王

別圓

入通三諦

0

今初

是 釋 幻 義 -0 則 三 當 界因 體 全空、 果色心依 非 滅 正 故 • 空 並 是 0 指 非 此 有 刨 似 空 有 • -以爲 猶 如 眞 幻 諦 事 0 0 指 此 則 此 眞 幻 俗不二、 有 • 以爲 不同 俗 諦 藏 0 教 有 眞 旣

居事外。

二兩種含中二諦、

亦詮兩種含中二諦。 語、故受

别爲接俗

0

二幻

者有幻即

有空為

俗不

有共即爲

空眞

不。

空是通合

切别

幻

空、

含圓二諦、故受圓接。趣空不空、爲眞、是通

教觀綱宗科釋

具 不 釋 含 一切法 圓 空 義 亦 • 名 者 0 故 通 諦 不 -能 含 空 幻 0 爲迷 別 有爲 0 切法 名 者 一空之時 悟 俗 1 依 幻 、皆 -亦 有 0 爲 是 如前 趣不 -空 則 俗 空。 眞 、如前 刨 說 (諦之中 具 0 幻有 是則眞諦之中 說 切 法 即空 0 0 含有 幻 0 有 -別 卽 切法 爲眞 空爲 教 、含有 中 0 0 皆 道 眞 而 圓 理 0 此 趣 而 教 此 空 體 此 空 理 -0 空理 圓 故 0 0 空圓 言不 名 卽 -如 通 卽 中 空 來 含 道 別二 是 時 藏 眞 理 0 -如 不 亦 諦 0 名爲 故 空 0 也 其 名 亦 0 體 通 通 卽 空

三別 圓 入通三諦 含

圓二

世

0

亦 詮別入通三諦。 非有漏是俗 無漏是 中是

釋義 0 蓋由 0 通教止云有 前 通含別二諦 漏 是俗 、故成 0 無漏 此別入通 是眞 三諦 0 今立非漏 也 0 非 無漏 句、 以顯 中 道 0 則 三諦 義成

亦 詮 圓入通三諦。 具一 諦 切同 法 前 0 • 點 與 非 前 中漏 異 非 無 漏

釋義。二諦同前、今立非滿非無漏句、以顯中道。一切法皆趣非漏 無漏 0 則 此 非 漏

無 漏 具 _-切 法 0 員 中 義 成 0 蓋 由前 通含圓 諦 • 故 成此圓 入通 諦 也 0

三詮因果、

处

0

證

眞

諦

涅

槃

0

IE

化

苔薩

0

傍

化

乘

0

開 示 界 內 利 根衆 生 • 令修體空 觀 0 皆五 如陰 幻 化十 八 -界 體 + 不 印 得

卽 發蒙 從 外 外 語 生 0 -合 假 緣 六 六 爲 塞 0 根 故 生 塵 論 了 昧 Fi. 健 當 爲 產 彻 陀 諸 0 8 0 體 非 生 故 謂 開 0 法 -是 六 爲 緣 有 云 積 此 0 空 + 識 明 似 識 生 聚 云 有 所 陰 無 0 五 0 . 空 入 依 緣 與 生 法 -0 故 獝 識 爲 0 -陰 生 . 梵語 不 如 爲 故 蓋 以 無 示 名 天 口 幻 覆 蓋 性 0 得 爲 宿 事 默 眞 覆 --故 都 爲 當 入 植 性 -0 是 六 體 有 義 旣 -0 也 名 而 根 此 卽 深 0 0 外六 體 忽 梵 唐 空 云 -0 六 爲 空 無 語 現 翻 0 觀 爲 鹿 界 入 世 故 鉢 蘊 化 • 羅 根 0 0 0 云 -詳 六 界 刨 體 利 吠 蘊 -細 是 六 空 故 識 奢 以 0 三輩 因 塵 推 積 觀 I --察 幻 名 義 聚 也 此 0 + 共 化 爲 不 0 云 -0 禀無 爲 如 八 中 入 義 0 日 旣 界 間 識 下 0 -生之教 六 藏 理 是 也 所 有 色 刨 幻 識 游 0 _ 滅 -義 中 化 今 受 色 0 -明 觀 内 故 而 --0 0 則 陰 藉 名 後 故曰 _ 想 0 出 諸 爲 内 空 入 六 -分 法 界 利 根 入 六 行 彻 段 皆 入 根 0 --1 0 内 等 皆 假 發 識 梵 -

云 一傍化二 如 = 藏 乘 中 也 釋 0 0 IE 爲教化菩薩 、故說菩薩斷惑證眞、名無生忍。二乘亦可共禀 故

四詮六即為二、初總標。二別釋。

亦於當教自論六即。

如上釋、

二別釋自為六、初理即。至六究竟即

知 理 無生。 即者 • 無生也。諸法不自生、亦不從他生、不共不無因、 門此 、先聞但 中理者、即成别教初門、通別圓三教皆用作下手 未工 聞夫 中道 體先 者解、不 止但 成中 通教法即 門 成 圓 是故 敎 初

指 六 義 凡爲 0 諸 諸法 法不自生 0 別 圓二教 四 句、 四 • 指十界爲諸法 性 推檢 • 通 乎 四 。藏教明六凡諸法、自種有故 教 。無 ※ 生之義 、局 在 後 一。 藏 不 通 從他 0

解

苦無苦

、而有眞諦。苦尙卽眞、况集滅道

0

境 境 性檢 共 待 者 何 生 與 略 有 理 心 心 能 牛 即 衆 而 -0 --0 -境還 又不 又不 例 應 不 緣 應 責 有 那 又 言之、 非 有 有 聖 墮 如 生 有 故 -0 不得 對 二心 前 因 爲 者 TU 屬 0 0 -心境二 境時 境 境 破 心 如 心 對 不 執 非 境 境 自 心之生 並 日 世 0 0 -0 又心 但 何 心 砂 各 說 作 生 0 1 以 得 境 亦 心 字 從 通 無 無 0 0 名 謂 二心並生、改作二境並 不 處 尙 生 應 應 收 自 教 無 油 境 緣 無 性 生 常 無 他 明 作 --則 從 共 六 用 時 衆 故 0 二云 心 生 不 又 故 砂 心 共 凡 -知 0 盡 離 0 心 境 何 共 生 生 而 而 而 諸 心 • 0 念発 應 能 壓 耶 先 非 本 聖 實 生 法 , 不 常 生 不 約 共 無 -0 0 -亦豈 從境 角 現 於 若 心 如 生 生 生 生 且. 法 如 幻 0 也 心 心 -0 --冤 妄 有 而 有 生 境 故 故 以 如 0 0 生爲 不 故 各 推 情 夢 功 應 次 油 非 非 實 生 約 能 不 應 有 自 所 0 -他 四 -異 角 現 境 虚 故 而 生 生 生 性 計 如 故 空突 實 法 非 性 水 0 0 -0 0 0 -若 非 而 故 以 共 若 若 若 界 不 中 -出 共 他 自 云 角 非 推 生 然 何 有 月 無 無因 不 自 須 生者 生者 爲 大 24 心 0 0 生 -若 若 生 生 性 識 待 者 生 加 0 生者 法 空中 共 心 • 0 云 0 0 ---出此 從境 若 爲 故 若 境 方 從 故 無 -四 自 非 各 雖 花 非 他 因 生 心 心 , 論句 不 境各 復 生 他 生 生 無 無 0 生 生 0 應 者 者 又設 生 者 因 生 心 心 萬 非 則 日 有 性 品 有 顯 -0 --0 -若 從 中 從 旣 於 如 待 生 應 差 似 緣 -• 共 心 境 是 共 共 性 我 有 不 殊 有 起 忽 生 生 TU 因 亦 方 故 何 生 IF. 0

夢 眞 眞 亦 自 大 法 覩 切 生 生不 門 實 故 諦 牛 而 明 • 0 0 0 則 者 相 = 非 用 白 求 月 刨 0 1 1 非 在 四 無 刀山 顯 種 能 其 0 0 0 虚 字 法 不 無 大 無 性 有 減 生 加 妄 界 刨 住 性 推 思 性 是 而 明 故 0 法位 生 苦 果 生 但 具 簡 PU 0 議 -. 不 了 非 諦 報 四 緣 約 性 0 --之上 隨 故 入 從 不 + 生 起 種 檢 --名 世 非 他 -非 無 正 性 口 責 爲 字 間 他 生門 差 得 無 _ 理 0 0 -功德 待 法 别 如 生 不 \equiv 相 生 -0 苦 皆 當 空 常 • 衆 得 -0 0 • 唯 體 有 體 非 故 以 緣 境 處 0 -0 之 餘 因 爲 眞 故 解 卽 法 ___ \equiv 無 -刨 之 字 緣 實 法 性 别 如 乘 生 生 -則 爲 非 相 界 教 在 亦 卽 無 X 處 0 迷 此 華 皆 然 中 明 I 白 0 0 0 0 當 實 合 夫 悟 約 作 則 處 如 -無 0 空華 雙 體 生 故 相 也 依 悟 生 知 0 0 無 爲 照 非 無 -無 入 理 境 0 0 故 圓 藏 淺 作 圓 空 生 生 亦 --處 假 深 今 無 妙 非 教 識 用 無 -0 生 無 共 古常 也 明 爲 故 、分 生 逼 無 0 迫 此 亦 + 持 生 生 也 I -0 + 於 相 夫 是 實 界 種 非 然 而 0 0 之 工 諸 依 共 是 相 生 非 此 圓 地 • -但 始 教 離 位 以 眞 0 法 生 0 0 夫 實 \equiv 以 耳 終 若 諦 是 初 法 0 0 非 千 道 相 先 有 無 性 不 心 0 0 -宛 別 若 假 空 解 牛 非 無 法 知 功 改 法 門 苦 有 教 境 立 然 明 性 能 無 0 無苦 別 牛 佛 74 性 生 眞 故 明 0 0 -名 牛 有 + 不 俱 而 如 ---門 非 尸 無 卽 諸 故 藏 界 能 加 而 刀口 有 生 無 法 非 識 無 諸 增 幻 0

並

刨

眞

-

眞

非

事

外

0

乃

是

通

教

所

詮之

理

0

今人談玄說

妙

-

迴

超

情

見

-

壁

立

萬

仞

總

皆不能出此。

二名字即、

同於夢境

0

名字 ,即者 • 幻化也 0 知一 切法 、當體全空、 非滅故空。 生死涅槃

界依正 初標顯 緣 云 0 覺後 非 生 無性 滅 成求之、 故空。 色心因果之有漏法 。知一切下、是釋成 0 無性故當體全空。 毫不可得 生死 涅槃 、但有名字 0 故曰 , 與 。幻化法從緣生、則 非 夫出世涅槃之無漏法 生死涅槃、 同 三藏滅 。求其實際 同於昨 色而後歸 了 夢 非而有。有卽非有 亦 、故云 0 空 若能 可 • 故 得 一切法 色卽 了此、即名字 0 猶夢見境像 是 空 。此等諸 。指 、故 位 事 云 、宛然明白 法 幻化 卽 也 眞 • 皆 0 • 故 屬

與藏敎五停別 行即者 一乾慧地也。未有理水、故得此名。卽三乘外凡位、 相總相念齊 0

三觀

行

即

教觀綱宗科釋

雖 化 理 名 0 未 而 刨 觀 字 -得 體 言 總 • 中 煖法 破 始 法 見 五 口 雖 相 愛 停 希 知諸 似 八倒 心 冀 理 別 0 法 水 • 相 故 如 名字 名 0 總 幻 身念 而總相智慧 相 刨 四 後 空 處 念 而 0 。受 處 起 苟 觀 觀 不 深利 心 行 脩 0 事 法 也 觀 • 亦 相 0 -故稱乾慧地 如是。 妙 不 亦 異 玄云 是 = 徒 住 藏 • 知 乾慧 是 0 無 也。 此 觀 生 中 = 地 而 但論位 階 • 者 已 修 法門 三 0 正 是 齊 勤 乘 • 以 體陰 之初 如意 欲 -而 期 解慧 根 入 • 無 力 界 同 生 未 覺 如 名 • 道 乾 須 口 幻 同 如 慧 藉 0

四 相 似 帥 •

H

相 似即者 性 地 也 0 相似得法性理水 0 伏見思惑、卽三乘內凡

位 0 與 藏 教 四 加 行 齊 0 藏 與别圓 不諦 同爲 法性

解 慧 而 以 觀行 所 慧 -詮 得 . 理性 煖已 善 得 巧 力 轉 • 0 -妄惑 則 能 勝 同 於 增 進初 以眞空爲 被伏 前 0 得 中 0 後 相 無生之理 法性 似 心入 無漏 頂 0 幸勿見法性二字、 法 性 、彷彿欲 水 -乃至 • 故名 世 見 性 第 0 地 故 ---法 日 0 便作真. 藏 0 相 皆名 似 通 。妙 教 如 性 實相體 玄云 地 • 雖 0 大 性 1 會 小 性 地 巧 地 中 0 故 拙 無 者 生 不 • 方 過 藏 齊 通 便 乾 0

指 眞 諦 爲 法 性 • 與 別 圓 不同 。以 别 圓二教所詮、同 是真如 0 但有具法不具法之異耳。

五分證即分二、初標列。二分釋。

分證卽者、從八人地至菩薩地。有七位也。

標列可知、

二分釋為五、初八人見地。乃至五菩薩地。今初、

具足。頓斷三界見惑、發眞無漏、見眞諦理。卽三乘見道位、與 二八人地者入無間三昧、八忍具足、智少一分。四見地者、八智

藏須陀洹齊。

妙玄云、八人地者、即是三乘信行法行二人、體見假以發真斷惑。在無間三昧 忍具足、智少 同 劉 見惑、八十八使盡也。此二位在 一分 、故名八 人地也。見地者、即是三乘同見第 無間三昧、三地據斷見初 • 四地 義 無 生四諦之理 據斷見後

二薄地、離欲地

出

觀

也

教觀綱宗科釋

Ħ. 欲地者 薄 地者 乘斷欲界思惑盡 乘斷欲界六品思惑。 • 與藏阿那含齊 煩惱漸 薄 0 與藏斯陀含齊。六 0

攝取 惱焉 煩 學二攝二 妙玄云 惱 。 |||| 溥 邪 也 -薄 成欲思。是名五下分也。 見元從疑 Ŧi. 0 下 離 地 ·分結者 者 欲 . 地 惑生 體 者 愛假 調 , 卽 0 四 身見 是三乘之人 卽 鈍皆由利使生、是故三結攝見盡 眞 、戒取 、發六 品 • • 疑 體 無礙 愛假 、貪 • 斷 即眞 • 嗔 欲 界六品思惑 --斷 是 也 欲界五下分結 0 古德 0 凝起貪嗔二 -證第六 頌 云 盡 -解脫 身 • 生慢 攝 離 欲 邊 • 、戒 界煩 欲界 見 煩

三已辨地。

聲聞乘人止此。 已辦地者 、三乘斷三界正使盡。如燒木成炭。與藏阿羅漢齊 0

故言已辦地。五上分結者、謂掉學、慢、無明、色染、無色染、卽上二界貪 辦 地 者 、卽三乘之人、體色無色愛 • 斷 Ŧi. 上分結七十二品 盡也。 斷 三界事 惑

究竟

凝慢

位 何 故 切 衆 止 故 故 亦名共菩 此 生 頌 IE 俱 0 云 0 燒 被 通 • 教 木 無 所 薩 成 使 明 耶 乘 炭 0 刨 以 癡 0 --染即 答 七 智 致 地已前 論 沉 . 以初名後 滯 貪 云 生死 、掉 • 與菩薩 聲 聞 學 • 智慧力 輪 -遍 從本立名 共 廻 三俱定愛 不 • 名 弱 絕 共 -0 • 聲 如 故 0 不同 聞 小 言 是 爲 火 使 0 別圓 若爾 燒 0 Ŧi. 習 木 上 一始終別故 分 八八 氣 -雖 是 也 然 傍 地 0 已 IE --E. 獝 見 使 . 有 思 刨 炭 煩惱 見思 過 在 乘 爲 0 8 是 聲 地 IE 聞 0

支佛者中乘根利 兼侵習氣 0 如燒木成灰、 與藏辟支佛齊 0

四支

佛

地

緣覺發眞 緣覺智慧力勝 無漏 • 0 功 如 大火燒木、木然炭盡 德 力大。 故能 破 IE 使 • • 餘有 而 又 灰在 能兼除習氣 0 0 燒木成灰者 1、大論 云

五菩薩地分二、初正明。二簡斥。

九菩薩地 假 觀 住涅槃 者 • 大 0 乘根 扶習潤生 性 最 0 勝最 道觀雙流 利 斷盡正使 • 遊戲神通 • 與二乘 • 成熟衆生 同 空以入從 、淨

教觀綱宗科釋

佛 國 0

淨 能 種 觀 非 起 IE. 不 中 浬 知 0 名 捨 \equiv 使 道 槃 空 淨 變 癡 可 界 劉 非 現 諦 似 經 衆 佛 法 0 0 空、 正 用 生 威 思 惑 身 凝 0 --惑餘 菩 使 須 來 假 土 進 . -0 斷惑 故不 薩 斷 等 爲 者 者 旣 故 生 往 其 習 是 習 斷 應 • • 亦 檢 所 住空 劔 氣 也 化 或 0 --設欲 則 資 0 切 0 本 以 0 0 -諸 故 道 於 不 扶 以 色 0 0 而能 涅槃 譬如 持 名 i 觀 故業種 能 習 行 雙流 戒 游 無 \equiv 潤 -攝 僧 生。 戲 月 無 知 入 -衆 刨 印 假 非 者 子 祇 神 0 生者 菩薩 言 得 受 萬 、故云 通 -便 -道 生行 而 能 法 111 扶 0 之行 習潤 謂 神 眼 得 入 --菩 名 道 受 0 道 不 從 化 空入 薩 道 生 生者 天 種 但 矣 須 0 由 感業 成 加 心 智 0 0 0 通 佛 假 以 觀 所 本 、妙 0 -受生 謂 時 遊 謂 教 觀 布 通 願 名慧 力故 施 諸 空 餘 說 玄云 。以 -習者 惑是 也。 + 攝 世 觀 ·善道· 間 衆 性 0 -1 , 帶 、非 不 幻 譬 藏 别 用 生 0 衆生 者 天 空 取 有 教 圓 如 也 涅槃 然之慧 兒 出 貪 說惑是 0 0 -來 菩 故 似貪 敎 用 戲 假 苦薩 生 薩 證 0 空 0 1 其 實 中 成 故 以 故 亦 , • 或 佛 徹 如 非 體 有 道 • 云 神 等 所 時 照 雙 慢 通 幻 幻 理 • 流 似 力 故 以 無 師 -0 -0 不住 則 能 菩 廣 礙 慢 1 -0 如 種 深 扶 薩 切 劉

-

世

以

此 與藏 教菩薩 不 同 0 藏 教爲 化 假說菩薩伏惑不斷 0

教所破。豈有毒器堪貯醍醐。

中食 藏 0 如 教菩 者 見思果在 毒器 、大論 0 0 菩薩脩諸純淨功德 旨 薩 哉 0 1 具足煩 有 斥三藏云 、則二生三生尚難保其不迷不退 教無 夫 0 惱 人 、名爲有毒。脩習佛法 0 、具足三毒 蓋實 、乃得作佛 果久成 、云何能集無量功德 1 爲化 。若雜 、如貯甘露。此法敎他、令他失於常住 乘 三毒 。況歷三祇 • 跡 、云何能具清淨法門。 示菩 。譬如毒瓶 薩 0 故 。故 知此 云假說伏煩惱 說 、雖 、權中 貯 菩薩 甘露 之權 之身 、皆不 而 不 0 斷

六究竟即。

究竟 寶 、菩提 即者第 樹 十佛 F • 以 地 。 天衣 機緣若 爲 座 0 現 熟 帶劣勝應身 • 以一 念相應慧、 0 如分 須段 爾身故 斷 餘残 0

乘 轉 無生四諦法輪 0 綠盡入滅 • 正習俱除 0 如劫火所燒

炭灰俱盡。與藏教佛果齊。

第十佛 生 營 利 中 座 無 性 塵 者 • 1 ·故勝 餘 縷 生 沙 四 須 鈍 則 • 0 殘 諸 習 諦 待 成 現 身 無 七 0 其時 習者 誠 佛如 地者 帶 寶 盡 佛 織 佛 理 0 及 相 機 有 以通教有合身義 劣勝 • --天衣爲 以天 譬 俗 也 緣 待 來 , 應 • 過菩 奢促 應者 諦究 別行玄記 如 。是以 0 0 • 薄 衣 劉 若 原始要終 竟 薩 耳 冰 座 世 論 . 大通 切煩 通 八相 地、 0 0 0 。故云機 光耀 云前斷 菩 又 佛 t 慢習盡 七寶 成道 十却 則入佛 薩 寶樹 、悉爲 亦 、故云帶劣勝應 是丈 成 明 緣若熟 IE 坐道 淨 天 佛 下 五 衣 使 衆生 六之身 時 天 、具足 地 -有 衣爲 相 場 、今侵二習 0 -• 以誓扶餘習 諸 表 同 種 0 • 0 若衆生 力無 若者 天龍 座者 三藏 彌 種 殊 0 或 色 勝 勒 。月亭云 + 等 自 畏等、名之爲 0 卽 0 0 • 各以妙 唯六 不定之辭 機緣 色界 然 樹 0 里 H 至於佛地 [成道 、生閣 是 0 • 、成道 木 • 百 天 故 成 即三藏佛 億 衣純 樹 熟 大 衣 -釋迦苦 浮提 神 論 敷 0 -• 1 樹下 若熟 佛 座 佛 通 金 座 明 , 見思習盡 、八相 、故云 生 即 變 色 13 0 欲界 生草 行六 現 得 光 身 成 0 、示成道相 佛 耳 佛 道 明 念相 成道 道 年 天 。設化之機未 0 0 £. 0 -念相 住 如 衣從樹 把 但 卽 0 -眞 機 非諸 草 成 空 是 應 0 機緣若 故 等 樹 感 諦 慧 應 0 0 若未 帶丈六 究 慧 寶 不 劣 邊 佛 • 竟 與 生 司 根 0 衣 0 0 住 法 敷 無 燒 有 燒 熟 0 0 -

成道 亦皆 盡 者 滅四 金 也 像 0. 故略 第 剛 別 0 0 -• 兼前 現 得 大 諦 加 八浬 世 土台成 員 尊特 經 法 成道 不 實 0 • 槃相 然 而 總 輪 論 = 道 、初在 佛 身 不 潤 舉 通 0 0 第七 實智 教 名爲 度 、蓋通被衍門。 0 0 • 1 機見 四機所 河 如 卽 佛 寂場 雙樹 轉法 佛 刼 • . 0 合明 說 有異 謂 火 0 焼炭 輪相 見不同 入無 刨 象 摩 0 此 訶 鹿 八 0 0 餘湼槃 相 非謂大邊存 敎 馬 灰 衍 苑 0 爲 無生 有利鈍二機、故所見相勝劣不同、所謂合身尊特者是 世 俱 唯明三藏成 0 0 -若寂 今但 冤 盡 旦 0 远諦法 一乘根 者 0 0 喻斷 薪 明成道等者 場 , 大論 盡 性 小名爲帶也 • 鹿苑 佛 惑不 火滅 輪 -轉 0 云 0 蓋爲 今通 同故 無 • --自論 諸 留舍利為 生 以以 佛智慧· 通 四諦法輪者 教 0 。言合者亦 由 教三乘 佛爲 又華嚴云 大 此 小 力大 何 H 0 人設化 切 兩 處 • 稍異 成 義 、諸法 人 始 0 -天 權 如 轉 云爾 0 刼 福 也 智 三藏 法 如法 質性相 H 輪 火 0 0 • 緣盡 燒 開 師云 集註引舊問 0 0 -前 IE 不 三藏 -炭 習 入 五 川 • 灰 俱 滅 生 不 以 只 乘 除 異 俱 者 難 0

明 觀 法 為三、 初 明 Ξ 乘 入道 初 門 。二明 利根被接 0 三十 乘觀 法 0 但見於空 今初

見不空。仍與三藏同歸 灰斷、 故名通前 0

鈍根二乘但見於空者、雖三乘共禀、而二乘根鈍智弱、得空便止。不能深觀 三人所禀、雖諦緣度之不同。然同以無言說道、體假 入空。故云同以滅諦爲 。是以 初門

不見不空、

故仍如三藏同歸灰斷之果也

0

二明 通 0 中 VX 利 通 • 寄三法 教 根 巧故 被 接 。古明 以示三根解源 、一真含二中 被 接 、不 0 謂 0 利 出三義 非 根 菩薩 漏 非 。以含中為發源 無 、續 漏 、空不 證 真空、 空、一切 、點 帥 為 示 點 為機 法 示 。如 趣 要、 0 妙 玄云 發習為 , 别 根 接 性

見 利 一者中根 但中者 根 、接入圓 故名通後 二乘、不但見空、兼見不空。不空卽是中 、接 、薄地離欲地被接。三者下根、 敎 。中道又分爲二。一者 入別教 0 就 此被接 。一者圓中 、又約三位 • 但中、 此 理 0 圓 一者上 唯有 妙 已辨地支佛地被接 根 道 具 理 性 。則 • 切法 八 、不具諸 人見 被 别 0 地被 圓來接 見圓 法

圓 應 通 圓 乃 敎 苦 別 無 被 0 實 地 薩 成 圓 勝 又各 0 於當 佛 住 進 接 義 有按位 來示世間 或 教 况 中 登 藏 別 勝 , 教哉 仍存第 初 進二 最高 地 義 0 0 藏 大 九 或 0 身 菩薩 按位 佛 圓 初 非 地 由 名 住 • 亦 通 0 0 教教道得 或 旣 機 別 被 同 接 地 緣 別 熟 成 向 示 • 佛 實 現 0 成 是 也 佛 别 同 0

0

兼見不 見 鈍 利 被下之義 別圓二教 0 者待十六心滿 上根 根 切見。 八人見地被接者 空 乘 來接 兼 • 0 不 非但見空、亦見不空。既見不空、故能被接也。 此約 見不 、豈不 空即 空者 、方乃 應說 中 通 道 0 0 見道 若上聲呼 於後教者哉 以 • 理 此 根 0 位 利 0 中 理乃 智强 故 斷 成 見 • 、慈盡 如云說 別圓二 八人見地二 0 • 深 被字有二 觀 • 見真空理 圓 教 眞 一中道 所 空 位 意 詮 -被而 0 0 故 0 若 然此二 旣 更 0 但利 覆之 去 能 見 摩呼 此 進 地 者於十五 0 理 見不 中根薄地離欲地被接者 但 所 • • 以被接者 如 逐 空中道之 中 成 云 • 心 員 利 別圓 根 • 中 之機 被接 即得 理 • -蓋 略 0 上根 見 如 故 0 0 道 如 故 E 說 來 被

斷惑 **小空**。 故須 中根 地 或同 敎 信 眞 瀐 --按其 俱爲 或登圓初住 有 到第八方接 别 空尚淺 方見不空而被接 0 地斷欲界六品思。離欲地斷 0 -若爾 而 但 似位 故云智者見空及與不空、被接方聞 下根已辦地支佛地被接者 + 斷 以 相似 位 向 見思 别 而 眞位之不 0 0 、中上二根其義 地圓住之敎被之 是故說 成 脩 0 皆斷 中道 別圓 0 0 。答 若 以別教登地以上、圓教初住以去 與 見思 中 同 教 、爲欲示眞內之中故 -0 後 故是下根 伏 X 0 , 似位 二教按位而論之 無明 多附下根也 0 0 今欲接 故 云何 0 E 者 • I接位接 被圓 則 。答 、已辦地斷 0 下九品思盡 • 所 斷 相似之位 止觀云 接者 + 見思之人 , 。三位被接各有按位勝進二義者 信 中上二根 0 若勝 所接 0 , 0 0 但是相 隨其 輔行云 也 故待證空、方爲 破見思盡 三界思盡 0 既斷欲思、始見不空而被接 進 -0 -故以別向圓信之 勝 接 故 謂 、亦見眞已 進而 似 者 云 、八地方接者 、皆屬分眞 通 (或同 斷 0 0 . . 以其 此明 支佛地更侵習氣 成 見思 到第八支佛地 別圓 員 點示 利 分證 十信 、被別 、方示不空。 中 根 0 位被接 俱是破無明之位 人 教 、令深觀 -0 -此據 能 而 以別 十向 0 見不 故 被之 0 -所接 此明 方爲 也 云 + 下根 。既待 但前 或登 空 向 空 0 -0 故判 則 訓 說 所接之 今欲 別初 卽 見思 所 員 故 間 眞 涌 根 入 何 接 教 云

以 破 無 明之深 位 • 而接斷見思之淺位 • 故云勝進接也。既被接已下 印 知 0

三十乘觀法。

蔽 如 發 幻 性 等 心 心 次 地 如空之止 成 0 相似 位 如幻 一乘緣 乘 道 者 法 化 而 愛 不 眞 觀 0 0 謬 自 明 亦 • 0 濫 Illi 四以 體 以 觀 幻化 境 入 0 • 幻化 菩薩 藏 。六 八人見地 九 法 道滅還 安忍乾慧位內外諸 慧 道 體 、無常苦空 陰入 幻兼 -滅六度等 破 0 幻 證 人 、能 眞利 化 0 見思 與 觀 通之 樂拔 所 鈍 如 障 觀 幻 0 分 mi 。六 苦 Ŧi. 别 雖 皆 治 m 以 如前 譬 如幻 知 0 苦集 不 如 識 可得 鏡 化 地 流 乾慧等 像 0 轉六 心 0

利者 故 云 觀境者、了六道五陰十二入悉是緣生無性 無 化 卽 皆 他 如 入 幻 意 無 化 生 0 為 曲 • + 是直 所觀境 觀 |緣無生四眞諦 任運自具 。所觀既 0 鈍 者 如 、以斷 不能即 幻化 見思 、能觀亦然 入 0 猶 。故 無 生 如幻事。則六道陰入皆似 • 云二乘緣眞自行 須眞正發心也 。故 云能觀所觀 0 。二乘志脫苦輪 菩薩體達諸法 • 皆如幻 有若 無 化 0

教

觀

綱

宗

科

釋

之空慧 任運 鏡像 心 故 如 知 五云 可得心 次位 如空之止觀 通 云與樂拔苦 以大慈故 亦 0 0 -心本 不 執 幻化 依 如 助 、任運破幻化之見思 · 着相 無 無 、脩不 忍 么 開 生四 常苦空以爲實法 無生、昏散如幻 而 無 。故以如幻之通 • 似法 而 忍 生三解脫門。 。能破之智慧 0 • 與三乘湼槃之樂。雖了生死如空華 諦 雖與樂 拔 苦 總 可得之道品 -愛 忍諸 不 -發起 以凡 、而策相似 內外 濫聖 四 弘誓願 名曰 障 0 、名道 。今以如空如幻之止觀、以治如空如幻之昏散。故云 、了無所得 、是爲 、與所破之見思、皆如幻卽空。 、通如幻之塞 不 緣 0 是名 對治 知無常苦空皆屬緣 • . 被法编 以進分證 而 品 、而上求下化 ·知次位 助開 調適 入 如幻 。獨如鏡 0 0 0 0 名爲 故云以不可得心、脩三十七道品 故云以幻化慧 之性地 故 。是名離法愛 0 故 云 中像 體三藏法 識通塞 、故曰 云 生如 八識乾慧等云云 、以大悲故、拔分段生死之苦 0 名曰 、求之實際 一體幻 幻 0 故云雖知苦集等云云 0 能安忍 0 、破幻化見思。塞是幻化 1 以此 雖能 氣無人。 故十不着等云云 無常苦空如 如 0 所皆空、而 、了無所得 幻 雖知涅槃 故 0 無常苦空而 雕 九 安忍乾慧等 知 幻 內 而 以幻幻化 外諸 如幻 治 。三藏 、故 己上 。以 漳

通教竟

= 别 教 分二 -初 釋 教 相 0 -明 觀 法 0 初 又 • 初 釋 能 詮 名 0 _ 釋 所 詮 義 0 初

別 圓 教 教 0 0 故 教 别 -也 理 0 智 敎 行則 則獨 五被斷 行菩 差薩别、 、理 -位則位 則隔 位歷 不三大 相諦果 收 , `智 别 因則 則三 刚 一智藏因次 廻第通 出 斷 不則 即 = 0 二惑 邊前 、後

、諸位差別、

無 藏 第 以 别 乘 行 者 切 = 之隔 通 世 論 詮 -諦 獨 種 進 理 0 0 -復 藏 别 取 智 名 被 -0 次 非 敎 故 異 0 440 • 1 故 第 類 佛 須 敎 也 t IF 住 别 而 大 法 16 付 後 0 機 前 前 證 以 須 . 乃獨 切 乘 顯 明 與 0 0 -謂 智 復 旣 理 藏 0 0 菩 行之 成 非 之 無 通 涌 0 薩法 迷 員 極 教 異 -乘 雖 優 理 融 0 -·行道 後 劣 故 如 是 -0 -大 故 又 故 與 + 起 . 住 非 日 位 圓 種 别 乘 惑 證 别 教 智 後 佛 有 --猶 成 眞 法 後 始 解 異 0 是 帶 終 員 理 --. -故 + 爲 + 故 教 故 0 地 理 行 日 乘 位 生 名 0 獨 稱 别 證 始 智 别 0 之爲 切 世 俗 被 今 名 世 0 種 菩 此 天 智 0 0 -謂 智 + 薩 别 别 顯 -成 智 地 教 位 F ---者 是 終 證 别 必 ---是爲 永 明 教 義 名 藉 中 --無 果 斷 八 别 如 -法 是 是 次 切 世 惑 0 第 是 皆 智 肋 乘 0 0 0 -爲 斷 教 別 0 0 -0 藏 道 藏 諦 屬 故 惑 八 0 界 法 非 通 通 須 種 不 云 之 言 外 別 行 智 融 無 教 教 前 次 0 --

是名斷 非別前 惑、 品 是次第 但 塵 有 初住 沙 耶 惑前後 切智 • -以體空斷見惑盡、二住至七住斷思惑盡 十行斷界外中品 故別後圓教 0 圓教不 、及少分道種智 。藏 斷而斷三惑、 通但斷見思 。是爲三智次第別前別後 塵沙 0 永無 、及少分塵沙 、十向斷 圓斷諸惑。 一切種 下品塵沙 智 今則次第而斷 。無明名字尚不 0 故 也。三惑前後者 、初地 別前一 、八住至十住以從空入假斷界內上 二教 以 上以中道觀 、是別後 • 可得 圓 教三智 、十信以析空伏見思 聞 也 • 何 • 0 所論斷 斷無 心 中得 明 る出 惑 0

敎 他 。十行十向入假行也。依理成行、名爲天行 但有 用 。示同 0 行則 聖行 、及少分梵行耳。今有五行、故不同前。圓敎一行一切行、今有次第、 小善、名嬰兒行 五行差別、戒定慧三、名爲聖行 、卽慈用也。示同 。初地以上中道行也。從天行體、起化 。十住入空行也。慈悲喜捨 煩惱、名爲 病行 • 即悲用也。 • 名爲梵行 藏通一

諸位。今位位不能相收相攝、故不同後 位不相收者 十聖、與夫等、妙共四十二位。故不同前。圓教一位一切位。隨擧一位、卽具 、三藏 僅有七賢七聖、及緣覺 、菩薩 三乘之位 0 通教明十 地位。今有

故不同後

0

義 0 -所 大 不 能 廻 出 辞 不 0 又 卽 復 邊 不 具 • IE 緣 因 了 佛 天 性 • -卽 故 指 不 中道 口 員 理 0 體 果 則 0 非 果不 是 生死 融 1 -亦 諸 非 位 差別 湼 槃 0 妙 藏 通

極果 . 方證 法 身 0 不 云初 發 心 時 -便 成 IF 覺 也 0

此 詮 釋 無量 所 詮 義 四諦 分 四 , 0 初 。苦 詮 道有 諦 有無 緣 無量 度 量相 0 相、 -. + 詮 恆法 諦 沙界 理 佛不 0 法同 = 不故 詮 同。 因 故集 果 有 0 滅無 四 有量 詮 無相 六 量、 帥 相五 0 、住 今 諸煩 初 波惱

羅不

蜜同

不故

故同

苦 中 五 相 几 十六 形狀 住 界 諦 0 -耶 有 有 • 有 - 法界不 知見 無 無 0 -故 量 亦 八 量 -寒 相 日 復 四 集 六十二 多種 同 八 諦 , 是 有 熱 故 • 無量相 書 卽 0 0 • 見 集 是 + 此 薩 六遊 有 則 教 法 • 之 無 ---• 0 非 兀 五住煩 百 界之差別 增 量 諸 八見 相 諦 ` 者 聲 世 聞 百 惱不同故 **>** 0 • 見 苦 緣 八 • 尚 惑尚 覺 獄 有 皆 難 無 所 0 乃 知 具 0 有 形 量 道 容 至 相 八 無 0 有 故云 + 量 八萬 者 0 況 無 八 0 -量相者 如 四千 無 使 復 + 界之苦 量 單 0 四 界諸 扇子 是 几 則 見 1 諦 苦 見 地 • -0 佛之法門 尚 複 耶 大 惑浩然 獄 几 經 有 0 0 聖 故 見 無 行品 無 日 量 • 具 苦 涯 獄 0 -尚 足 有 如 四 0 中 四 況 地 匹 無 • 無 復 受 諦 見 獄

量 方諸 對法 0 如大 門以 佛法門耶 小二 論指歸 乘 -0 故 偏 、亦復無量 日道有 員 權 實 、各有 無 量 0 故 相 八 E • 一滅有 恒沙佛法不 萬四千 無量相 · 法門 、諸波 同 0 是 故 則一佛之法 0 羅 滅 盛不 有 無量 百 故 相 、猶 者 0 如 • 既法門無 恒 沙 0 況 復

亦 詮 不思議生滅十二因緣 根枝 本末 無無明明 爲爲 變分易段 生生 因 因 , 1

非分 此 十二因緣 。故 、既是 思議生滅十二因 界外大菩薩境 界 。二乘尚且不知、豈可 思議 。猶是變易生死 , 而

段

云不

緣

0

是迷 便變 於中 易生 有 集 勝 0 枝末 芽 妙 -證 境界 道 死 , 識種 無明 眞 招 滅 感方 脩道 實義 -、爲 而 • 復緣 便不 起 諦 、即是迷於中道眞 分段生死 神 • 發起 思議 界外無 通 法 界外入 變易 愛 因。 漏 0 生死 深 IE 假 旦如藏教中釋 受 生 實義 0 取 神 -通行 又不 加 着 起涅 諦 0 了心外 。發起 潤 也。 一槃法 彼 。根本 由 變易識 無法 界外 此 愛 引 0 無明者 生實 偏 深 種 , 詗 眞無 生 0 令 報 棄 取 變易 生有 眞 着 漏 、不了心外 空 行 0 也。 生死 潤 芽招 • 别 彼 脩 由 識 變易 感實報不 無法 此 種 萬 識 引 行 生方 復 0 種 • 亦 思 厭

議

變易

生

死

0

直

至佛果

、則十二品無

· 明 盡 滅

、方得二死

永亡

0

亦詮不思議六度十度。

釋義 。於第六般若中、復開方便 、願 、力、智、四種權智。共成十度。一一度中攝

一切法、生一切法、成一切法、浩若恒沙。

二詮諦理分二、初二諦。二三諦。初又二、初顯中二諦。二圓入別二諦。今初

亦詮顯中二諦。 爲俗、不有不空爲眞、

釋義 界迷悟所依 0 束通教之二諦、以爲俗諦。則十界皆爲俗也。以不有不空爲眞、則中道爲十 、乃爲眞也。明言中道爲眞、故稱顯中。

二圓入別二諦、

亦 詮圓入別二諦 。 不空、一切法趣。 幻有、幻有即空 不有不空、爲眞 有

釋義 趣不有不空。則不有不空之外、更無一法可得。是十界之俗、猶屬別義 。當敎以眞諦顯中。中、但不 有不空法性而已。今明法性具一切法、一 。不 有不空 切法皆

之眞、已成圓義也。

二三諦分二、初本教三諦。二圓入別三諦。今初、

亦詮別三諦。 爲中、中理而已、

俗。 釋義 空即是眞 。顯 中二諦 、取眞諦之不有不空、名爲中諦。則二諦三諦、但有開合之殊 、則合有之與空爲俗。不有不空爲眞。今分此俗諦爲二、謂 、義無 有即是

增減。

二圓入別三諦

亦詮圓入別三諦。 道、具足佛法、

釋 義 。有卽是俗、空卽是眞、不改別義。不空不有名爲中諦、中諦具一切法、則爲

圓中矣。

三詮因果

開 示 外 鈍 根菩薩 、令脩次第三觀 0 、先 後空 中、 、次假 出 分段變易二種

死。證中道無住涅槃。

寂 種 變 觀 + 此 滅 易 生 成 住 教 脩 爲 生 死 --體空 故 劉 逗界 死 0 言 見思 日 0 [變易 觀 外 中 中 道 觀 惑 -十行 類 者 無 成 • 成 住 信 -. 湼 大 劉 進念定慧等諸 __ 入 槃 切 假 無 遷 而 明 智 觀 果易 惑 • 8 出 + 1 也 成 分段 向 根遲 0 脩 -證 生 切 中 中 種 死 道 鈍 道 第 者 智 0 無住湼槃 假 -1 令脩 義 出 觀 實 成 諦 報 觀 次第三觀 變易 劉 、果也。 0 塵 故 生 沙 日 死 惑 先 天 中道不住二邊 空 也 0 1 故 成 0 -日 道 次 + 假 信 出 種 脩析 分段 智 -後 1 空觀 變易 出 中 . 體自 方 0 空 便

四詮六即分二、初總標。二別釋。今初、

亦於當教自論六卽。

二別釋自為六、初理即。乃至究竟即。今初

教

觀

綱

宗

科

釋

t

非 理 一即者 淨 0 、但中 迥超二邊、 也 0 不卽諸法 眞 如法 性隨緣 0 故依圓敎 不 變 。在 、判曰但中 生 死 而不染 0 • 證涅槃而

則九界 染。 然不變 也。 曰法 緣 初 日 標 迴超二邊。不卽諸法 • 雕 有 性 顯 生死 悟而緣理斷 佛法界依正 • 0 0 故 隨緣不 眞 如下、 日 -是俗 隨緣 變者 解 不變 生 諦 九 有 • 0 、一念迷故 釋 雖 隨 緣 以證 邊 0 0 0 從來無妄 雖 故依圓敎圓融具法之眞如、望此不具法之眞如、判曰但中 0 迷爲 佛界湼槃 佛界涅槃而 而成十四 九界 、則隨染緣 日 界依正 生 、是眞諦空邊 眞 眞 死 。不 如非涅槃之淨法 0 而 、而十界 有 異 眞 九法 如非 0 日 0 界依正 中道眞如之體 生死之染法 依 如 正 0 從無 不是真 、故曰證湼槃而 生 住 。一念悟 故故 如 本 • 0 1 立 非此 眞 日 在 如 故 生死 之體 二邊 非淨 切法 則 故故 隨 而 0 • 、名 不 凝 淨

二名字即

名字卽者解義也。仰信眞如法性、凡不能減。聖不能增。 但由客

塵 覆 蔽 • 而 不證得 0 須先藉緣修 • 助 發眞修 、方 山 尅 證 0

得 苦集已 蔽 地 而 以 蔽 能 仰 解 眞 前 空。 0 不 耳 如 滅 信 義 蓋 見主 而 住 法 眞 者 0 0 緣脩 故 然客 主 爲 如法 然之眞 性 雖悟爲 . . 空者 然後 敎 人之常住 義 • 客 塵者 不 0 性 0 下 塵覆 方證 0 登 塵以 如 聖人 變不 -所詮之旨 雖迷為 眞 地爲 乃 • 如 而 蔽 搖 眞 遷 • -法 是謂 眞脩 動爲 證 亦 如 假喻發明苦集二諦 0 0 不 性 雖 。是則 有 入 凡 趣 也 能 以客 佛無 湼 夫 有常住不 義 0 世 緣 0 證 槃 0 -0 謂 得 客 覆主 若是主 沉 眞 佛 初 • 塵者 作意緣念 淪生 也 如 聞 而 • 性相 0 動之主空、 非 此 眞 0 緣 以微 真如法 如法 1 空 無 死 無 也。 常然 、乃常 脩 量 • 远諦 量 塵之搖 0 而 性 -眞 苦 眞 緣 性 此 非 0 旣 謂任運相 集 脩 住 脩 如 眞 0 未 ___ 也 眞 切法 如法 覆 動 而 何 -• 紀 眞 0 且 不 如 有 • 而 引集註 由 不能證 蔽 而 動 脩 性 在 增之絲毫 1 兹苦集二諦之所 應 四 卽 不 搖 • -• 乃道 未嘗 一諦外 ·見虚 生敬 。元是地師 而 也 等同 得 云 。今則 減之絲 空之 滅 耶 仰 • 、了然可 -若論 遺失 故 0 0 以行客 諦 但 湛 深 云 之義 山由客 寂 聖不 眞 0 也。 毫 信 覆蔽 緣 故 見 不 -• 以二脩 之往 故云 是謂 也。 E 能 疑 塵之所 脩 今家復 而 增 8 -雕 又 凡 不 故 以 來 0 則 有 證 塵 客 遣 覆 且 不 -

加 觀 義 0 空假爲緣 、中道爲 眞 。八教大意云、 地 前緣脩兩觀 、經刧無量、爲中道

便 0 登 地三 一觀現前 • 與圓初住 無二無別、名證道 也 0

三觀行即分三、初標

額。二解釋。三結齊。今初

觀行卽者、外凡十信位也。

性之理、常住三寶、隨順不疑、名信心也。 四教義云、此十通名信心者、信以順從爲義。若聞說別教因緣假名、無量四諦、

二解釋

信心、二念心、三精進心、四慧心、五定心、六不退心、七回

向心、八護法心、九戒心、十願心。

智慧、名曰慧心。周徧湛寂、名曰定心。定光無退、名不退心。回向佛地 集註云、信常住理、名曰信心。憶念無忘、名曰念心。眞精進趣、名精進心。心精 心。保持不失、名護法心。安住無失、名爲戒心。十方隨願、名曰願心 、名回向

與通乾慧性地齊 仰信中道。且用生滅因緣觀、伏三界見思煩惱、故名伏忍 0 0

亦多種 中道 滅 旣 量 0 旦用 故名伏忍 因緣之析空、以伏見思二惑。故妙玄云 先信仰中道者、指名字位仰信真如法性。名字在觀行之前、名曰旣先信仰中道 故 伏 感義 慈悲重者 、卽眞如法性。雙非空有之但中也。若欲返妄歸眞、須賴觀道。妄旣非一、觀 生滅因緣觀。惑雖被伏 。是以先脩空假爲方便道、然後得入中道第一義諦觀。於空觀中、先權用生 齊 0 • 其見解 與通乾慧性地齊者 不務 功用 斷 結 、不可 0 從相 、未得無漏 似 同 、既與通乾慧性地齊。亦與三藏七賢位齊 空解 日而語也。淨名疏 、即便出假。見思未斷 。未能證眞。但能伏而不能斷、爲 、此十信、習從假入空觀、伏愛見論 云、菩薩化 、故言有疾 物心重 、自行則輕 。此但格 伏忍智 。故 0

日以口を一日しこことに込

四

相

似

即

分二、初

標

示

0

解

釋

0

相似卽者、內凡三十心三賢位也。

去眞不遠 0 故曰 相 似 。未獲 中道 無 量聖道未生、故曰 內凡 。住行向各十心、故云

二十心 解 释 0 為三 賢者 . 、善直爲 初 十住。二十行。三十向 義 0 又鄰 聖爲賢 0 。初 此三十心合爲三賢 又二、初 正 釋 0 也 _ 結 齊

0

斷界內塵沙、與通佛地齊 修 初 思惑盡 四生 0 . 與 通 發 住 心 已辦地 住 Ŧi. 、斷三界見 齊 方便具足住 0 八童眞住 惑 • 、六正心住 與通 、九法王子住 見 地 、七不退住 齊。一 治 地住 頂住 斷二

是能 門 旣 理 破 此 見惑 與通 十通 治 則能亡相 所 名住者 合釋 教 地 -見 住 見 地齊 爲 眞 也 0 劉 諦 、會理之心、名之爲 0 思惑 如脩檀時、達三輪體空。脩尸羅時、性重譏嫌、等無差別 理 0 亦 發心住者 • 與三藏 是以不 重 慮緣 初果齊 生邪 、上來於十千刧中脩十信心滿 眞 故 見 住 0 0 0 廣水 此 是以常隨空心 。又慧住 劉 智慧 惑處論 於理、 、創發大心 齊也。二治 • 名住 淨諸六度法 、名發心住 入 0 地住者 理爲 位 門 不 所 退 住 0 0 既以 初 0 • -住 斷 即信 **慧爲能** 空心 旣 見 。乃至脩 惑盡 見 成 脩法 住 眞 就 0

假 而 如 成 家 1 名 顯 具 0 0 禪 足住 童眞 名 化 不生取證 人初生 三界思 • 0 0 今菩薩 -卽 見思至此畢竟斷盡 今則成就第六般若法門。事障除 須克肖於佛 物 靜 • 長養 如 住 眞諦 散 0 。六正 惑既盡 亦然 從佛法王之教 、太和未散 無 。九法王子住者、上既不生二邊邪倒 衆行 妨等 實際之家 王太子、當紹 。是乃 。觀空無相 心住者 、故與通已辦地齊、亦與三藏 。是以帶眞隨俗 • 0 名修 名治 悲智堅固 、天眞純粹 。至尊至貴 、上雖 行 地住 。永無三界生因、徹證 、而生於解 王位 住 、得無生心 一。三脩 具足無量 、不生二乘之邪倒 0 、陳列 几 . 生 、名曰童真 0 貴住者 故 以多多方便 行 。當紹 住者 七寶 正 善根 日 、以無生法水灌頂 佛家 理顯 佛位 0 、皆屬 • • 上來 治 以寶 。今此菩薩亦然 、名生貴 無生。由是 地 極果齊也。八童真住者、從喻立 、名正心住 • 、名法王子住。十灌頂住者 、破壞菩提 、破菩提心 修習 旣 瓶取四大海水灌太子頂 前 住中既以空觀修諸法 長養 五度之行 無 住 衆行 量 。五方便具 、名灌頂住 善 0 0 入於畢竟空界 。七不退住者 是爲不住於空、而能 **猶若** 根 、七住惑盡空顯 0 • 佛家業 行般若未成 0 善根 童稚之天眞 足住者 。斷界內 具足 成 門 、是名灌頂 、名不 、上般若既 0 0 故 今則 · 正 1 、亦從喻 名方便 旣 生 純 、見空 塵沙者 退住 名 生佛 巧觀 粹 理不 在 佛

內 斷下品塵沙 塵沙 下品塵沙 界內塵沙 上、中、下。 名惑 名斷界外上品 外 塵 指 惑 沙 塵沙 八九十三住 0 0 0 編觀 所化三乘之機 0 就所化衆生得 、伏界外塵沙 、是別見思 此約界內外合論斷惑分齊也。若以惑從教論斷 。與通佛地齊者、約斷正習而言也。 八九十住 徧學、 名伏 塵沙 斷 界 。十行破無量剝 0 名 如所化六凡之機 內 、斷界內上品 、不能知 0 上品 0 輔 -稱機用 止觀明入假 行 塵沙 云 病與 • 塵沙 與 、伏界外 四門、名斷中品塵沙 、名斷 藥 塵沙。十行、斷界外中品塵沙 惑、 有三、謂 、不能 , 令斷別見思 只是通 塵沙 。所知不盡、名習 知 知病 病與 、是爲假觀成 別見思 藥 1 0 識藥 於菩薩成 . 。十向破無作圖 、則十住破生養無生八門 令斷通 0 界內 -應 氣 就 界外 見思 0 病 塵 0 夫塵沙 與藥。 。十向 沙 俗 塵沙 0 諦 -於菩 是通 理備 不了此三 四門、名 有三、謂 、斷界外 0 故菩 薩 見 -方斷 成界 思 薩

二結、

此 智 十住名習種 0 行三百由旬、 性 0 證位不退 空研觀習 用從假入空觀。見眞諦、開慧眼、成一切 0

微 能 非 實 謂 紀 住 也 通 虚 亦 1 非 安 引 名 異 復 有 見 礙 肉 0 0 -大圓 無 滅 不 法 無 世 故 眼 礙 要 俗 戒 須 疏 虚 自 了 眼 相 見 諦 不 0 云 0 出 發 者 慧 礙 近 肉 照 假 鏡 洞 他 無 0 空 隱 智 # 作 眼 非 而 眼 假 鑑 --凡 異 俗 慧 無 者 通 不 礙 0 0 --云 見遠 非 方 是 俗 如千 故 等 諦 眼 生 也 0 -習 相 無 天 得 知 審 云 大 雖 涌 0 日 眼 天 虚 實 種 事 滅 唯 J 入 0 0 0 高 之 見 法 空 性 觀 又 知 雖 眼 名 眞 0 理 前 眼 者 懸 能 復 空 者 諦 通 諦 俗 0 理 爲 不 唯 是 、十方普照 也 而 0 0 0 --故 遠 見 信 世 能 此 但 不 觀 0 -一空之 住皆研 見後 名 眞 見 近 入 而 寂 俗 佛 舟 皆見 航 世 諦 眼 俗 不 滅 E 0 從假 之 慧眼 能 間 理 者 者 度 --習 理 見 作 生 見 和 0 • --• 是審 名爲 空觀 世出 合因 前後 內 法 大 衆 T 入 0 -知空 牛 唯 而 空 眼 導 何 慧 緣 內 不 觀 實 審 世 雖 以 過 也 師 眼能 法 間 去現 能 故 所 外 見 實 0 0 0 0 從 生 外 佛 開 照 知 --0 --知實 妙宗 若 假 書 眼 慧 假 無 俗 病 在 T -名之物 事 夜 見 眼 入 所 未 知 如 -. 若理 書 者 空觀 千 名 鈔 識 上下 而 分 來 0 T 而 H 諦 釋 不 藥 别 , • 古德 捨 卽 不 云 者 能 故 0 0 -. --若 開 乃 悉 見 照 不 普 應 牛 0 --依若 皆 夜 究 見 觀 遍 而 趣 義 有 異 Fi. 病 體 眼 思 法 生 相 無 俗 經 與 0 -. 故云 之事 見 還 頌云 正 獨 藥 眼 礙 虚 取 疏 -死 1 日 境 有 0 -• -• -若 故 莫 假 衆 能 開 此 而 佛 0 0 -• 論 天 知 無 性 生 慧 眼 見 生 而 不 云 • 彼 涌 見 眼 眞 幾 牛 眼 而 云

故得位 佛道 故名一 切內 相 云內外能 卽 • 若 法 理 法 切智 外所詮 內名 生若 不 • 發起 知能解 退 。謂 佛、莫不 、能知能解 。元記釋云 衆生善根也。行三百由旬、 法相、及能詮 永 。然其空智、但總達諸法無生。不能別知諸法緣起 無退失 體同 0 、內法內名者、謂理內所詮法相、 、超凡之位也 名字。空觀若成 切外法外名、 觀 。故 云 照異體還同 能知能 解見前 、於此名相、悉皆體達、 也。 。證位不退者、妙玄云 解 。但不 成一 及能詮名字。 切智者 能用一切道 、觀音 0 無我 故不能用 、起一切種 外法外名者 、見思破 元義 我所 知知 0 、故 諸

二十行為二、初釋。二結。今初、

次 癡 亂行 十行者 。六善 • 一歡喜行。二饒益行。三無瞋恨行。 現行。七無着行。 八 尊重行 0 九 善法行 四無盡行。 。十眞實行。

不爲二邊無常無我苦空諸邪之所動亂 歡 此 喜 + 行者 種 通 名行者 、前八住知空非 • 行以進 趣爲義 空 、從空入假 0 前 。其心歡喜、名歡喜行 既發眞悟 0 直至 此位 理 • 從此 -始 入法 加脩從空入假觀 空 。二饒益行者 0 乃 以 布 施 無 量 攝 • 常以戒 衆 四 生 諦

亦名難 行者 行者 行者 法 實 屈 0 行者 六 乃 攝 撓 一結 善 至 化 行 -• -行大 衆生 菩 以二 得 現行者 身 0 -行 薩 五 如 一空爲 大地 依四 精 諦 離 、使得法 0 現前 九善法行 癡 進 • 般若 弘誓運大慈悲與樂拔苦 方便故 亂 -• 行者 令 任 • 非如 智照 利 人 _ 切衆 履踐 者 、名饒益行 --於我我 亦非非相 以 -• 菩薩· 念念現前 禪定持 生至究竟涅槃 • 唯自 力行 所 心 謙 。三無 二無 • 雙非 下恭敬 0 • 不爲 軌 是以 0 成 瞋 空有 所 . -限行者 說 不 就 有 生生常 無明之所 • 名無 ·令有 法 難 0 -別彰 授 得 由 善 是 在 人獨 瞋 、內 X 失亂 道實 恨行 根 佛 --切皆 得 則常修 成 國 • 爲 物 中 滅 0 -0 名眞 亦 不 軌 天 空 生 度 忍法 名無 人所敬 香 則 -• • 實行 名無 名善 名 不 -漳 掉 無 名善法 • 外則 現行 逆行 着 盡 -7 行 名尊 名 行 受諸 行 離 0 0 0 0 亦 几 七 重 八 癡 0 捶 尊 無 亂 名 無 行 眞 重 着 無 0

此 十行名 性種 性 0 性分,假 用從空入假 觀 • 徧 學四教 JL 門 0 斷

,

沙 見俗諦 -開法 眼 • 成道種 智 0

觀 經疏 云 -言從空入假者 、謂若住於空、 與二乘何 異 0 不成佛法 不益衆生 0 是故

觀 空不 住於空 -而 入於 假 0 所 以 徧 學 四 教 四 門 斷 界外塵沙也。 道 種智者、謂能 知

三十向為二、初釋。二結。今初、

切道

種差別

•

則分別假名無

謬

,

故名道

種智也

向 佛 П 向 0 向 П 0 向向 0 隨 者 四 順 至 • 量 等 觀 救 切 П 處 向 衆 切 П 0 衆生 生離 向 0 口 Ħ. 衆 向 無 盡 相 0 功 回向 八 德 如 0 藏 相 口 向 口口 向 0 六 П 0 隨 向 九 無縛 順 平 等 根 П

供養 受而 佛 屬 此 法 口 + 受 故 壞 通 而 切佛 名回 名回 行 0 • 名救 今者 0 、名至 所 向 向 念念不 者 護 謂 0 衆生 運 • 救 口 ___ 無 切處回 護衆 住 離 緣 事 二邊 衆 向 慈 生相 生 理 • 向 離 度 □ • 名 衆 口 0 有 以常住法 不 向 生 因向果 情 界 壞 相 0 口 觀 口 • 名等 向者 向 • 切法 回己 、授與前 0 三世 • 功德 以 切 有 佛 受 無 佛 人 法 有 相 口 • 普施 用 心 • 向 名無盡功德藏 切 • 0 • 常 時 凡 衆生 以 行六道 行 夫受有 大 願 0 -卽 事 力 理 -而 口 切 入 和 向 時 乘 入 融 、果報 用 中 切 0 • 行 順 佛 依 空 無漏 土 -世 俱 法

理智合一、是一合相 寂 行 善 而 無 悪了 二而 派 非 中 道 常 照爲 無二相 不二者 。名入法界無量回向 有 • • 照而 即是中道 、即中道之善 常寂爲 、名無縛無着解脫回向 一相 空、名眞 、名隨 、不漏 如相 順等 落二邊 回向 觀 。覺一 0 ___ 名隨 切衆: 。以般若爲能照 切法 生回 順平等善 向 、中道無相、 0 心得自 根 回向 、三世諸法爲 在 。以觀衆生脩 所謂 、等三世 一色一香 所 照 佛 善 0 0

二結

0

此 十向名道 種 性 0 能中 通道 習中觀 伏無明 0 行四百由旬 0 居方便有

餘土 • 證行不 退 0

有餘 此 無 + 土者 明即 向由住行空假之心既已滿足、故進習中道第一義觀 別惑 • 脩方 • 便道 別 在菩 • 斷 薩斷 四 住憨 故 0 由 • 故 正 日 脩 方便 中 道 0 第 無 一義 が明未盡 觀 • 、故曰 無 、故云中道能通。伏 明不 有餘 起 • 故 0 證行不 云 伏 也 ·退者 無明者 0 方便

謂 化 物 行 滿 • 無 退轉 世 0

六分 證即分二 、初 標 顯 0 _ 解釋 0 今初

教

分 證 即佛者 一、十地 聖種性 0 聖證 地入 及等覺性一等 也 0

初住 與 今則 分證 0 無 \equiv 解釋二、初十地。二等覺 能 緣 無 者 大悲 非 荷 明 -忽破 最初仰信中道 負 證 但 • 荷負 切 中 1 方始 也。 0 今此 ___ 切 + 證 十位 地者 故 得 • 緣效經 0 名爲 亦 復非圓滿 、十位通 。初又二、初廣釋初 然 地 塵刼脩空假爲方便道 0 也。 旣 證 稱 -等覺者 中道 故曰 地者 實際理 分證 • 略 • 所證 有 0 地 此約敎道 地。二列 三義 覺體與 • 、然後得 能 、一能 生 (佛相等 九地名。 成 而 佛智 生 入中 言 成 0 若約 萬物 道 • • 今初 住 故 第 。一能 證道 日 持 「等覺 義 不 諦 動 • 不 卽 觀 0

能

動

圓

0

種 初 歡喜地 功 0 用道 行五百由 、名見道位 0 隨 可化機緣 旬 0 。以 初入實報無障礙土 中道 • 百界作佛 觀 • 見第 、八 0 初到實 義 相成道、 諦 0 所 開 佛 利益衆生 證念不退 眼 成 切 0

歡喜。見所未見、故名見道。破一分無明、顯一分三德。無明乃是障中道之別惑 云 、捨凡入聖 四四 魔不 動 • 到 有 無 邊 • 平等雙照、 自他俱益 、眞 實 大 慶 • 故曰

海 不退 實法 道者 無 慶 實平等法 發眞 脩道 義 知 應二 三万 初 明 0 人之大 百界作 、從初 分破 故名歡 、感得勝報。色心不相 中道第一 地所 0 、一切諸佛之道法也。 0 謂 身 從七地已去 界圓 寶日 0 中道正念、二邊莫動 破 -中道 緣 喜 佛八相成道者 地 無 義 至佛 地 感 融是也。一切種 位 明 也 卽 諦 分 0 . 應 地 顯 卽 細 觀 • 名無 分三品 0 、百佛世界、現十法界身。入三世智地 0 • 初 皆斷 雙照 法 地 學道 斷 身 、四教義 一切種者 妨 二諦 無 無 • 0 智者 般 礙 明 明 E 0 0 以中 若 無 、心心・ , 0 别 中 故曰 、謂能 但以約位 云 功用者、既至 見 雖 -解 初 道觀見第一義諦 破 、一切衆生之因種 -發眞 無障礙 寂 脫 . 地發眞中道 以 獝 、是爲 滅。自然流 分爲三 中道 一切種智 在回 。初到寶所 初地 向 -. 道 得 後 常 、見佛 、知一 入薩婆若海 心 不 者 無生法忍 、初地名見道 • 也。 • 0 四教義 樂 至三品 加 、乃喻分證寂光也。證 切道 實報 性理 功力 、能自利利他 . 我 • 、任運 無障礙 知一 故 云 0 • 盡 . 劉 證 淨 • 日 。二地 • 從此見 方入 見道 無 無作四諦 • 切種 土者 故 明 流 見惑 至六 位 稱 初 、眞實大 入薩婆若 佛 、行 地 0 地名 • 性 几 世 0 顯 念 切 應 眞 敎 0 -

二列九地名、

教

觀

地 離 垢 不動地、 地 一發光 九善慧地 地 四燄 、十法雲地 慧 地 五 難 各斷一 勝 地 品無明 現前 、證一分 地、七遠

道 道智光 以 生。 明 順 上品無生忍 0 亦 順 無生忍 一 界 乃 是以 寂 空 於 見 垢 滅 有 無 0 • 地 有爲 任運常 境 生法 非 慧 者 生 • 脩 相 下 照 口 . 動作 佛 忍 、觀光光佛化、卽念念覺無生理 地 無 度 以 • 常 所 向 道 中 礙 0 -之 上 時 能 法 觀 與 道 • 現前 入 地 勝 地 ___ 生 0 IF. 觀於 0 、念念寂 切 上 同 觀 . 名 旣 、名現 法 信 處 -入無爲 難 = 忍 0 • 觀慧 無法 勝 界 邊 0 脩習 滅 前 地 口 • 當 寂 無 發 得 、名遠行 地 0 六現前 滅 明 燄 諸 情 0 了 七 皆 , 佛 -0 不爲 比前 無二 遠 道法 空 獝 地 行 地 0 如 彼 者 不 0 0 地 相 極 虚 -八不 卽 動 者 但 其 淨 空 • 0 以此理 所 方 E 明 以 極 • • 名 動 動 觀 順 便 淨 明 此 地 諸 諸 • 塵 離 生 無 -名不 名燄 煩惱 者 法 沙 、覺悟衆生、名善慧地 垢 相 • 無生 名發 空 入 • 地 以 動 慧 衆 0 0 -地 無 不 觀 卽 \equiv 地 光 生 生觀 有 於三 實報 地 發 界 0 0 九 不 Ŧ. 光 0 -善 世 無 分證 難 四 地 雖 • 捨於 慧 勝 燄 者 終 • -當 寂 地 寂 慧 地 日 • 者 體 光 以 滅 者 度 地 界 無 無 無 中 生 者

斷 眞 十法 如 雲地 品 8 亦等交徹 無 者 明 0 0 以 細 此地得菩薩果 分 融攝之法界 每 地 三品 0 • 則 唯 、證寂滅理 有 以 妙法慈雲 \equiv 一十品 無明 、入中道觀 • 覆湼槃海 0 既是障中道之惑 、受佛職位 • 名 法雲地 0 -惑既 既同不妄不變之 0 以 分斷 上 十位 • 理 各 亦

破

0

分顯

-

故

日

各斷

品品

無

明

0

證

一分中道

0

等覺

更 品品 無明 入等覺位 0 亦 名金剛心 0 亦 名一 生 補 處 0 亦 名

觀智 品 集註 此 若望: 等 死 生 魔 云 0 -在 法雲名之爲 純 故 -於十 刨 E -等覺 堅利 補 劉 地後心用觀 妙覺之處 無 明 0 -喻 習 又 佛 若 大 世 0 佛頂 望妙 金 0 0 猶儲君之義也 剛 解 , 更斷 入百 覺 經 -名 云 • 千三 名 金 _. -品 覺 剛 金 昧 剛 際 心 -方入等覺 心菩薩 0 入 0 -有惑 照 交 生 0 相 可 補 但 0 劉 妙 亦名 處 無 0 覺寂 四 相 • -一教義 名有 獝 無 -寂 有 照 垢 滅 地 云 -等覺 品 菩 無 1 卽 爲 無 薩 邊際 明 照 0 0 寂 望 = -故 爲 於 魔 滿 異 妙 P 云 -耳 覺 盡 入 生 重 0 --所 獝 玄門 餘 0 過 脩 有

六究竟即

究竟 即佛者 妙覺性也 0 覺妙 滿極 從 金 一剛後心 更 破 品無 明 入妙

相量 好同 刹塵 塵刹 爲鈍根菩薩 • 轉 無量 四諦法輪 0

覺位

、坐蓮華

藏世界七寶菩提樹下

0

大

寶華

座

現圓滿

身

0

果成 光白 華台 常 四 而 七 寶 得 照 教 衆 相 成 星 0 義 -千 名 佛 多 也 、入 云 葉 妙 0 0 --華臺 上一一 華台菩薩 金剛 鈍 表 覺 根菩薩 無量 地 名 後 0 菩 報 故 蓮 心 佛 者 頂 薩 華 0 • 大寶 朗 藏 -• 0 0 迷 華 分 復 者 然 大覺妙 中 身光入華 葉 華 有百億 -重故 上名 Ė 卽 座 華 菩 智 應 者 藏 -次第 佛 ·葉菩 薩 世 窮 • 妙 界 源 0 -報應 玄云 脩 薩 如 海 -證 是 頂 無 0 則 集 但 0 • 明 -或言 迁 是 此 有 註 習 名 通 相 千百億 盡 云 受法 寶所 寂 關 --表 名 滅 而 菩薩 E 道 眞 -王 十 對圓 方法 場 職 解 • 不 位 脫 0 -名鈍 得 七 界 + 0 0 窮得 方 翛 相 寶 -放白 華 悉 刨 然 0 諸 爲 在 無 0 毫 此 座 累 佛 其 是別 及 法 中 0 -底 分身 身 忧 寂 佛 稱 0 而 -

一明觀法二、初入道初門。二十乘觀法。今初

此 治 敎 名 爲 復 獨菩薩 乘 法 而能接 0 以 界外 通 0 道 通 諦 教 爲 初 乘 門 旣被接後 0 諦藏 、通 即道 、皆 界諦 外 名 苦即 、界故外 I菩薩 以集 界、外藏 0 道通 諦滅

名二乘也。

乘既 外餘 獨菩 通 乘 0 被 旣 耶 薩 \equiv 接 被 諦 法 0 接已 後 說 也 -簡 自 • 0 皆 旣 有 非 -便 是 藏 名菩薩 -界外 成 類 通 界 界 \equiv 大教 外 外 乘 -不 大 大 及 復名二 機 機 • 是以 以 世 -圓教 須 乘 存 藉 永 佛法。 無二 也 本名 通 爲 0 耶 乘 方 界外 便 0 -是 故 • 道 則 然 日 後 無復 始終皆是菩薩 諦 以 • 界外大教 簡 乘 非 界內 0 旣 接之。 法 藏 無 也 通 四諦 乘 0 故 故 -曷 云 云 -通 及 能 而 能 接 以 接 通

二十乘觀法

惑 法 0 Ŧi. 成 一發心 識 乘 次第 者 普 0 爲 緣 法 於登 觀 爲 界 地 通 0 中道 三安心 0 見思 之 境 止 塵 觀 而爲 沙 定 愛慧策 無明 所 觀 0 爲 迥 0 四次 塞 出 空 傳 第 傳 徧 檢校 破 0

軟 向 是 賊 證 中 令 地 • 通 策 無 漏 十信 等 六 9 調 妙 於 用 適 前 住 位 藏 差 通 0 法 道 别 品品 離 門 0 終 相 似 助 是 法 謂 告 開 我 實 寶 叨 相 • 策 極 炬 0 吃 善 聖 羅 心 知 0 令 信 九 0 離 住 違 順 解 地 強 行 脫 0

期 緣修 見思 不證 緣 識 止 趣 次第三 得 發 登 11 法 果 得 之 地 益 彻 0 覺 中 界 + 0 --觀爲 是 不 是 行 須 道 0 -三 口 須 名 以 先 以 境 名字 安 從 通等 者 起 以 緣 藉 心 空 發 於 緣 爱 • 登 入 修 位 别 心 11 -0 亦 愛 觀 爲 地 假 入初 --定 助 卽 則 本 中 觀 可 愛 道 發 仰 心 應 知 0 -之境 慧策 是 徧 眞 便 0 以 信 傳傳 觀 以 學 修 眞 緣 策 中 者 緣 四 如 --等 廻 敎 方 法 道 之 無 -者 旣 量 出 有 性 四 0 -故 空 門 以 爾 四 尅 0 • 有 傳 緣 諦 證 凡 知 云 0 之表 定 營 不 此 理 0 --轉 愛 普 界 能 緣 興 中 慧策 誓 爲 外 修 減 道 也 -乃 法 塵 者 0 ---聖不 須 登 重言之者 界 IF. 沙 0 • 卽 行 衆 顯 地 几 0 方 次 信 能 塡 生 但 + 第 中 向 住 增 可 願 -、言位 興 習 用 證 徧 世, 0 -起 從 但 得 破 行 中 0 假 由 \equiv 几 觀 0 -位檢察校計 惑 弘 眞 客 須 刨 入 • 伏 空 11 誓 正 塵 ____ -觀 覆 發 切 H 觀 願 無 iLi 明 蔽 行 知 11 --故 者 伏 0 0 -0 -斷 來 於 皆 而 Ŧi.

愛 法 薩 不 而 八 名 以 門 陀 須 以 圓 入 寶 口 -相 善 證 助 羅 炬 而 無 稍 策 似 開 作 陀 知 實 尼 緩 進 位 相 實 道 羅 也 0 0 品品 故 相 次 相 脩 尼 0 0 釋之 六 似 旣 日 0 者 如 0 策 九 以 此 是 調 --令 離 倘 適道 + 事 功 • 行 乃云 道 入 信 違 助 道 -品 何 法 品是菩薩 + 順 理 入 具 地 + 強 雖 過 --定 也 住 軟 調 不 足 趣 佛 浬 者 獲 補 適 0 0 槃門 若 法 相 寶 -0 -於 違 中 炬 應 IF. • 名之爲 卽 相 道 顯 陀 0 0 似 強 須 無 利 如 羅 中 賊 識 尼 漏 人 此 道 道 節 寶 者 次 仍 -順 位 不 節 品品 而 0 • 妙 、念念 生 卽 能 得 徧 • 玄引大 法 軟 始 證 入 照 愛 法界 賊 免 得 1 濫 故 相 -0 -集云 便 離 聖 故 續 以 • 名之 成 之愆 此 用 無 -作 刨 頂 藏 -爲 \equiv 墮 賊 釋之 是 通 0 叨 事 炬 脩 + 0 -是 乃 行 功 + 0 0 -以 亦 補 道 口 七 總 -策 + 濫 助 用 持 品品 渦 須 觀 開 前 忧 0 -離 是 行 藏 切 輔 0 脫 菩 法 故 通 行 --

四 員 教 為 初 釋 教 相 _ 明 觀 法 初 又 Ξ 初 能 詮 名 二名 下 義 = 所 詮 法

圓 教 -謂 員 妙 0 不三 可諦 思圓 議融 圓 滿 0 無三 有 缺相 減即 圓 足 0 一圓 念見 具事 足理 圓 0

成、故名圓敎。

圓 教 者 1 PU 教 儀 I -圓 以 不 偏爲 義 0 此 教 明不 忠議 不 生 滅 十二二 因 緣 。二諦 中 道 -理

於 名圓 諦 名妙 足品 事 名 金 經 圓 言 剛 理 具 0 若 念 寶 無 足 0 = 0 五 量 非 中 卽 是 \equiv 藏 -念具足 不 諸 諸 見 諦 漸 --• 世 次 者 無 法 衆 歷 -成 故 名 所 雖 生 别 可 - \equiv iLi 眞 空 日 减 • • -爲 但 故 圓 ___ 思 缺 悉受菩 -• 足 相 而 俗 化 頓 見 0 言 故 il 卽 最 0 事 0 -員 理 員 議 中 名 具 提 上 0 名 哉 圓 足 記 利 見 0 -若 萬 中 教 根 介 事 也 0 0 是 維 之人 理 具 圓 行 劔 0 0 者 \equiv 滿 圓 摩 -0 念 故 者 中 妙 法 云 ---事 全 華云 故 者 日 具 ---造 = 員 具 __ 名 1 是 教 足 三千 輔 切 圓 --宏云 合 衆 相 兩 日 教 掌 重 名 -卽 圓 生 0 三千 事 名 爲 華 以 0 • • = 敬 卽 嚴 無 圓 ----諦 、名 理 遍 大 缺 心 0 云 具 湼 减 於 無 員 • -有 \equiv 欲 槃 顯 \equiv 融 0 念具 千 員 缺 聞 現 ---自 名 不 爲 足 减 日 具 在 足 理 者 故 融 員 足 口 道 滿 復 力 0 0 0 0 -教 員 不 滅 兩 互 0 0 0 湼 爲 體 見 舉 具. 口 重 0 槃 思 說 本 = 事 大 互 周 千 遍 議 品 理 卽 云 圓 具 滿

二名下義、

、位

員

自

所

員

在莊 伏 0 住圓 嚴 、伏 Ŧi. 員 信 觀諦 0 爲爲 信圓 能所 常 莊莊 正 嚴嚴 員 斷 員 建 0 切一 斷斷 衆 生 益四 0 悉 切一 行行 員

切位

中 後 住 眞 住 者 界 住 諸 地 故 單 見 地 空 地 住 地 衆 = 圓 世 日 , 惑 刨 着 一切 惑 7 惑 住 無 生 員 名 -0 無色 卽 思根 此 生死 伏 0 0 0 • 0 -員 五 欲 二本、無 開 法 住 惑 由 根 五 方便 界思 愛者 信 意 本 住 圓 • • . -故名 莫不 無 住着 根對 者 故明 無 解 而 0 名者 + 惑 言 明 明 --• 一欲爱住 也 卽 法 E 色界 根、 皆 0 住 Ŧ. 起 0 -大 卽 旣 欲界思 本能也生 爲 員 地 住 0 塵 謂 = 乘 惑 禪 五 者 照之三 -住圓伏 八菩薩 分別 、見 地惑 諦 諸 定 住 0 0 無明 衆生不 無 惑也 木 紀 • 0 故 觀 ° 共 引 二三三三 起 • 、方能 名圓 者 能 諸 成 大 。於念念中 0 -謂諸 了此 • 切見 照 出 邪 Ŧi. 明 • 色愛住 刨 • 除 離 見 住 法 0 是遮 止 斷 惑 衆 境之三 根 住 也 數 • • 住着 云 觀 本 故名色愛 生 地 0 • 0 然餘 住 無明 地 惑 由 一二三。而 云 、得 • -於 謂 惑 諦 由 \equiv 此 云云 0 惑未 惑 界 見 無色界禪定 0 Ŧi. ___ 五 = 0 色愛 何 圓 也 住 根 切 惑 界 境 1 圓 融 盡 地 對 故 見 見 智 0 • 謂聲 信 三諦 惑 者 名 者 能 惑 相 一二三、是照 • 五 住 塵 令 0 應 0 • ---境 切見 四 卽 信 實 聞 卽 衆 爲 • 0 • 不 IE 報 緣 色 \equiv ___ Ŧ. 生 • • 有以 切 界 起貪 住 信 莊 覺 能 界 住 住 住 愛住 未了 思惑 分別 法 自 嚴 出 着 煩 地 0 土 離 愛 淄不 生 惑 生 -界 卽 此惑 0 地 也 1 見 死 • • 0 名信 空即 故 故 惑 惑 思 伏 0 • -名 名 謂 故 惑 也 • 0 而 -而 有 沉 有 無 假 無 諸 於 欲 名 伏 0 0 -瀌 刨 然 滯 愛 愛 明 愛 衆 欲

受 方 彼 自 足 無 諦 知 0 萬 或 員 卽 入 根 在 諦 旣 員 見 照 入 於 或 住 IE 起 莊 立 脩 行 劉 ---刨 於 住 皆 受 出 嚴 是 者 __ -不 出 物 彼 說 所 切 圓 彻 大 究竟 0 --圓 又 爲 浬 起 或 塵 莊 住 位 0 -0 卽 出 於 起 或 止 嚴 心 無 又 槃 人了 淸 0 雙入 說 彼 出 於 觀 證 邊 止 淨 0 -定 方 說 切 所 觀 故 惑 自 云 0 ___ 0 出 或 起 或 根 云云 而 究 證 寂 名 無 在 云 於 竟 於 出 雙 圓 性 \equiv 入 二云 0 • -卽 止 聞 入 何 有 斷 說 ___ ___ ___^ 0 1 全即 不 物 趣 出 圓 位 邊 何 深 ___ 0 -0 不 入 雙 雙 慧 切 圓 或 自 所 員 --於 入 淸 出 入 或 卽 法 怖 在 而 動 行 行 出 於 莊 界 出 = 淨 具 者 • 0 0 0 於 不 聞 方 嚴 觀 ___ 0 ___ --0 --世 或 隨 IE 雙 或 根 切 動 向 廣 0 -報 於 於 諸 入 爲 切 脩 不 彼 不 專 口 不 中 出 入 能 自 位 劉 疑 經 寂 求 何 ___ ___ 物 塵 出 廣 莊 故 無 行 哉 在 0 ---或 H 不 不 說 嚴 直 聞 0 0 0 -0 是 菩 卽 入 於 入 餘 自 是 止 入 非 _ 0 自 出 出 在 止 名 觀 中 提 具 名 深 __ ___ 方不 在 道 不 相 觀 圓 非 ___ 云 __ 0 --若 餘 根 位 卽 切 劉 廣 不 0 云云 --於依 或 是 諸 邊 委 入 亦 而 0 -___ ___ 說 出 於 圓 何 名 意 如 而 行 斷 • 報 塵 能 者 是 此 自 入 員 中 而 0 0 0 般 中 或 亦 根 所 在 員 行 Fi. 有 0 --紙 不 若 住 於 如 或 莊 付 勇 入 0 -亦 於 於 惑 是 正 如 嚴 員 餘 0 云 ___ -是 復 物 受 入 位 斷 此 者 趣 0 --名 如 根 或 故 入 塵 初 者 向 ---是 於 或 圓 住 心 開 員 正 入 -0 圓 塵 受 此 IE 於 圓 融 時 \equiv 具 佛 信 0

所 自 嚴 廻 是 0 浬 不 名 行 藏 0 旣 可 圓 涌 -大 心 圓 别 自 0 地 教 = 祇 在 -故 普 觀 是 莊 -治 雖 爲 四 ____ 嚴 世 悉 亦 能 日 0 各 莊 譬 亦 0 -普 論 嚴 而 如 四 0 四 日 0 悉 所 至 處 光 謂 檀 此 見 -益 爲 位 周 異 實 時 • 0 74 菩薩 施 天 而 -外 權 收 下 機未 用 自 0 -開 自 在 權 普 方 在 亦 顯 如 中 0 -今圓 故 是 實 ` 0 云 0 莊嚴 權 教 荆 方 實 人 溪 日 不 • • 云云 云 窮 -還 方 心 -0 用 性 釋 以 夕 義 源 與 ___ , 心 適 -0 宜 徹 = 方 圓 諦爲 法 建 夜 0 立 如 界 4 底 衆 所 , 莊 輪 雨 生 0

是 雷 引 出 0 無 不 11 0 -內 緣 耀 入 觀 出 自 種 不 云 通 種 覺 益 二云 達 電 -0 盲 何 卽 歷 -空 降 瞽 行 圓 常 卽 建 種 1 假 種 闇 住 立 衆 卽 雨 0 -中 故 坐 生 0 不 龍 學 0 -龍 臥 或 動 於 法 放 本 王 . 性 宮 爲 語 光 譬 0 1 -不 而 • 默 • 令衆 動 豎 能 -令衆生 作 不 亘 生 搖 六 • 獲 天 止 0 種 得 而 • • 即空 横 亦 種 於 益 遍 如 -切 74 是 卽 • 得 域 假 -0 種 施 有 卽 0 設 興 緣 中 種 益 用 種 不 者 見 同 種 0 • 是 雲 得 0 • 菩 名 如 入 -震 圓 薩 目 出 建 亦 種 覩 入 7 如 種 光

Ξ 所 詮 法 四 初 詮 稱 性 一諦緣 度 0 _ 詮諦 理 0 = 詮因 果 0 四 詮六 即 0

衆

生

此 教 詮 無 作 74 諦 0 、陰 邊入 邪皆 皆如 中、 正無 、苦 無可 道捨 山 修無 、明 生塵 死勞 即 , 湼即 槃是 、菩 無提 滅 1 可無 證集 · II 亦

詮 大在 樂、緣 不思議 不因 生佛 不性 不 死也 生 是、 滅 常識 、名 正色 因六 大 佛入 性觸 緣 也受 0 、生 故老 即無 大死 究明 竟愛 經、 云苦 淨取 、即 • 十法 了煩 二身 因惱 因 1 佛即 緣法 性菩 名身 也提 爲無 佛苦 行菩 有提 性無 、樂 業通 是 即達 解、 亦 脫無 詮 、復 解煩 脫惱 自、

度 度 0 施施 、爲 是法 趣界 不、 過一 等 切 、法

趣

別 滅 可 滅 無 74 法 捨 作 諦 口 -苦集 證 稱 0 0 無 11 無 0 觀 明 作 無 亦 苦 者 塵 實 云 绺 無 0 --集 初 無 苦 • 集 卽 後 作 -故 是 道 不 四 無 菩 諦 滅 世 提 者 • • 間 皆 故 -• 名 皆 實 無 0 是 無 集 無 相 道 口 作 實 也 無 劉 相 0 0 己 滅 實 0 -不 邊 界 相 -故 之理 邪 及 可 無 皆 佛 思 界 議 出 中 • 如 世 IF. -0 間 衆 荆 天 . 無 牛 溪 而 0 道 界 釋云 純 然 亦 H -脩 非 實 然 • 言 相 造 0 0 皆 陰 作 生 0 實 死 入 是 而 皆 者 相 卽 後 湼 外 如 有 -槃 非 -. 1 故 更 但 -無 道 名 無

陰 0 旣 入 是 皆 實 如 相 無 苦 -捨 口 實 捨 相 者 而 别 不 異 求 實 名 相 如 -0 言 如 棄 吾 花 人 現 而 別 前 求 五 陰 虚 空 -+ 0 显 入 可 得耶 -+ 八 0 故 界 . 陰 不 入 異 皆 實 如 相 也 -

得 則 故 無 緣 自 則 就 云 0 亦 體 德 性 = 故 無 助 在 有 行 天 故 詮 彻 IE 德 無 生 於 --漏 而 -刨 稱 死 云是趣不 如 大 生 T 切 業 有 言 0 性六 稱法 如 德 死 苦 是 天 自 0 ---卽 德 法 故 刨 名 在 0 屬 --空也 是常 度十 界性 眞 皆 亦 性 空 業 7 也 0 過 有 如 無 法 解 大 0 0 0 0 度 實 湼 佛 四 德 法 名 運 0 身 脫 • 假 槃樂 員 而 德 性 色 0 相 性 0 般 動 0 施爲 行六 也。等者 具 故 體 至 若 無 -0 0 十界依正 亦 了 圓 老 業 皆 云 遍 漏 • 度十 其 名 不 是 法界等 融 死 自 業 -• 在 若 名 亦 搆 所 生 七 在 -、等於施尚不可得 度 纒 不 大 名 支 了 此 刨 造 0 0 法 死 樂 法 自 無 諸 --0 --釋明 故 是以 身 故 是 身 屬 業 故 在 0 相 云 常 卽 是 稱 苦 0 解 E 0 -稱 _ 度度全是法界 + 樂 故 道 業 了 0 刨 脫 0 切法 性意 大 法 德 古 因 我 性 0 0 因 身 經 也 德 吾 德 本 0 邊業 趣 F 緣 旣 淨 0 空 云 人 世 0 施從 施 現前 • 樂 故 名 -• -0 -何 引 爲 0 且 幻 就 云 曷 云 -況有 法 緣 常 0 經 不 無 化 苦 刨 因 能 -苦無樂 界 生 具 思議 證 空 身 以 無 縛 煩 -趣有非 無 般若 成 苦 惱 • 身 說 作 人 當 切法 之儔 外 0 不 刨 心 解 • -下 - \equiv 生 解 是 法 刨 脫 故 -離 趣 無 大 脫 大 身 全 緣 -滅 日 0 -卽 句 此 性 佛 也 亦 樂 業 爲 屬 大 本 0 空 0 更 0 樂 法 如 性 0 緣 佛 來 卽 0 豎窮 中 無 假 就 法 身 亦 生 性 自 來 -解 也 中 至 常 因 身 無 在 脫 種 0 0 法 横 果 緣 眞 而 相 以 是 0 0 -0 故 又 日 遍 是 刨 常 生 能 是 也 -

切 法 趣 , 假 也 0 施 尚 不 可得 -空也 0 何況 有 趣 有 非 趣 • 中 世

二詮諦理為二、初詮不思議二諦。

亦 詮 思議 諦 0 爲幻 眞有 眞 幻 即有 是即 俗空 , -俗皆 即爲 是俗 道、 如切 如法 意趣 珠有 趣 0 珠空 以 譬趣 眞不 有 用 不

、不二而二、分眞俗耳。俗、即珠是用、即用是珠

性相 議之所 珠 假 -以 卽 喻 諦皆 0 以 珠 能 性 性 顯 百 譬 體 界千 具諸 如 相 相 以 -眞 具 意 故 百 0 -物 卽 界 是 # 如之諸法 法 而 日 間 俗 雨 如 千如之諸 俗 • 0 故 六 二而 如意 諦 • 0 俗 凡諸 苟 有 0 不二 卽 雨 體 珠 0 眞 切法 法為 物 是 法 不 0 之用 此 不 具 則 • 0 是則不二而二、分眞分俗耳。 是則 物 幻 珠 何 -即是三千 有 形 眞 --故 而二 曷 狀 而 何 -能 雖 非 俗 出 云 卽 世 而 • 如 小 俗 故稱 珠 意 不 性 諸 -0 是 體 卽 故 眞 相 法 用 是 啊 內 百 不 云 0 ·思議 自 眞 趣 界 卽 0 0 雨 故 具 卽 不 T 空 物 金銀 以 是 如 有 0 皆爲 之用 俗 諦 體 不 0 寶 空 也 具 而 -是名不思議 俗者 物 俗 趣 0 ---全因 幻 譬 七 卽 是 有 寶 是 明 有 眞 趣 . 乃 珠 空 下 琳 眞 恒 0 有 通 雨 瑯 諦 • 0 -此 乃 指 釋 物 -0 0 諦 之 故 明 故 世 明 義 亦 也 日 用 隨 難 員 俗 出 卽 具 諦 世 諦 明 0 用 譬 意 間 員 不 . 俗 求 須 具 思 0

造 釋義 如 恆 眞 . 塵 兩 0 。三千 事造即 • 重三千、同居 性相 切諸 理具 塵 、皆名爲俗。一一無 亦然。如一名、一切諸名亦然。真俗不二、真俗宛然 也。實相之外無三千、則 一念。亦可云同居一塵 非實相 卽 、同居 、故名爲眞。三千之外爲實相 真恆俗。理具 一名。 如一念、一切諸 即事造也。 故云理 0 念亦然 、則 具 卽 事 俗 0

詮 圓 妙三諦 0

亦詮圓妙三諦 0 諦圓融、一三三一、如止觀說、非惟中道具足佛法、眞俗亦然、三 一大の前を行

冺相 如此 界千 三諦 0 故 如 如 也 員 • 圓 眞 止 眞 融 0 觀陰境 具 俗 諦 俗 • 無缺 亦 名 諦 亦 亦具 然 員 具三千性相 中 -0 0 說 一三三 千 具足 諦 性相 即三諦 0 百 即二邊是 界 百 爲妙 界千 千 、名圓 如 如 0 0 故云圓妙三諦 卽 絕 0 0 待 卽 俗 諦卽 眞 中 • 名佛 中皆 皆 眞 法 、豈非 諦 俗 0 0 -即二邊 名融 蓋 亦 具足 三諦 名 具 0 佛法 故曰 足 . 、名中道 悉絕 佛法 三諦圓融 耶 待 0 0 = 也 是 。三千性相 一諦 則 0 不 悉 但 諦 建 立 中 • 也 皆 道

= 詮因果

0

開 示 界外 利根菩薩 、令 脩一心 三觀 0 横、不照性成 前脩 不後、亦不一時、、稱性圓妙、不縱 不 超

二種生死。圓證三德涅槃。

性 故 縱 性德 0 中 脩 非 明 如三 德 不 般 横 妄 雖 0 但指界外大士名利 但肯 縱 心 若 在 員 無 -一點之水 脩 融 法 一性 點 自 0 直下 若 爾 成 觀。 性 在 、爲 言横 員 E 、解 、被 、爲開 員 、横若草書烈火 照去、三 一心者 具諸法 脱 。不可 、雕 惑所覆 點 姑 0 指眞 滿 、現前 二點在下 根者 在 • 思議 即空假中。若能念念回光返照 觀任運圓成 下 • , 而 猶 本 • 、乃指界內宿具圓種 故 、名妙 如 不能全性起脩 介爾一念、六識之妄心也。一念妄心體具諸法 有 、一點在上 不 點 以以 、名示 水之縱 縱 。全性 喻 、故云一心三觀 。 三 德 別教性脩橫 0 。今圓 非 德而 、故不横 亦 如如 域內 爾 起脩 教 烈火之横 0 、名爲界外利根也。 、名界 雖法 豎 如世△字三點 三德 故故 0 0 三德亦爾 身本 、便成 照性下、釋明一心三觀 外。 0 0 別教 脩德成縱 .稱 諸根 有 性 脩德。故 、不同 三德 圓妙 犍 0 • 首羅 以二德脩成 疾 此 別教爲 • -0 日 性 不 若云法 教俾利 三目 云 縱不 照性 具各不相收 利 惑 0 即即 根 山身本有 若言縱 横 所覆 成 根 、不同 。一念 0 者 脩 空假 者 然 此

教

别 了 處 屬 無 人 故 脩 生 明三 無 成 0 前 死 理 • 全是 可 後 諦 體 得 0 不 具 縱不 性具 一境三諦 足 0 1 横 故 • 故 不 0 不 • 觀 横 故不一時 由 縱 0 境發 不 0 縱 在 因名 不 • 是則 。圓 横 \equiv 0 人了 = 諦 觀 德 0 分段 在果 亦然 雖 皆 名三 • 性 0 變易二 故 具 以 德 ` 斯 0 種生死、全是三德湼槃。 明 大 性 二心三 果難 脩 殊 -觀 故 • 諦德 也。 不 横 三諦 無 0 二德 別 0 境 此 雖

名圓證 於見思 0 更不縱橫並別 法身德 、未得一切解脫。 0 、名性 • 淨 故名 湼 別教謂法身本 槃。 員 般若 證 0 藏 德 、名圓 通 有。般若脩 教不 淨 知法 湼 槃 成 身 0 解脫 0 1 解脫 但 有 德 始滿 、名方 脩得生空般若 0 則先後 便 淨 湟槃 歷別 0 僅 0 能 唯 淨 是

四詮六即、二初總標。二別釋。

IE. 藏、 通但 約 極有 此教方論六即 果六 、義 别: 十未 回有 向即 、義 皆、名以 0 理未 教前 即知 相三 似雖 1 即約 以佛 未衆 佛當 、 教 别 各 解生 圓三 中無 教論 故、登别故 妙六 覺即 • 地也 僅咸 同、 同未 圓是 此究 、故 教竟 方奪 分、 證以 成而 即藏 證之 佛通 、極 又果 就 彼僅 當同 教此

在諸 曉 約 六 起 事 文所 而 自 名六 復 家深 明 卽 -約理 0 , 卽 或 符 圓旨 顯 者 名 法 卽 • 門 廣 -0 高深 雅 永 集 無 註 云 衆過 、或 • I 合 -明 義 也 0 脩 暗 0 蘊 若依此 觀 佛 禪 位次 者 經 • . 多增 、今此 名 、仍似二物相合名即 出 智者 上 慢 IE 明 0 0 文字者 員 如 位 貧 也 女寶 -0 荆 推 藏 -其 功上 溪 . 理猶 力 云 人 , 土 此六 額 疎 0 並 珠 0 今以 卽 由 等 義

二別 釋自為六 、初 理即。乃至究竟即。今初 では、日

求

,體

不二故

,

故

名爲

卽

0

拈 理 卽 法 佛者 、無非法界。心佛衆生 、不思議理性也。如來之藏 • 三無差別 、不變隨緣 0 在 凡不減 、隨緣 -不變 在 聖不增

隨

佛證 萬法 行藏 初 句 標顯 欲 此 事 • E 言 盡 • 生 藏 而 非 0 佛 如 詞 0 0 由 喪 故 雖 來 殊 云 F 一念迷悟之不 0 故云 理 、解 • 卽 理 無二致 佛 釋 . 不思議 也 0 0 同 0 諦 諦 則 理 妙 、全如來藏 法界 性 理 員 也 妙 • 衆生 但有 0 • 唯 諦 而爲 證 血性者 • 不 乃 皆 即是佛 異 知 十界依正 -• • 名 莫不圓 非 如 餘 0 故 所 0 0 是以十界 循 景 測 具 德云 業 無 0 發 所 缺 謂 現 • 0 依正 動 含生 心 • 爲 欲 靜 思 來 理全是 具 • 而 隨 此 0 慮亡 拈 體 含 諸 •

法 心佛衆生 指一 莫不 法 是如來 • 無非法界。則吾人一念介爾之心、與 、三無差別 藏之全體。是名不變隨緣 。既無差別、則在凡不減 、隨緣 不變。 夫諸佛衆生 、在聖不增。了然可見矣 故隨拈 二法 • 無非法界 咸是法界 。故 也。

二名字即

佛法、及衆生法亦復如是。 重三千、同在一 名字即佛者 、聞解也。 念。如一 了知 念 • 色一香 一切諸念亦復如是 、無非中道 0 理具事造 如心法 兩

非中道 佛性 今知當體是 應具三身。不可獨云有應身性。若具三身、法身許編、何隔無情。二者從體、三 即佛聞解者 、聞 -惑耳 、中道 ·兹妙名。始悟乞丐他方、衣珠原 驚心。今且以十義評之、使於理不惑。餘則例知。一者約身言 翻 , 即法界。故此色香等、世人咸謂爲無情。然亦共許色香中道 • 三諦圓 恨自蹉跎是也。一色一 融 、天然性 德。 香無非中道者 迷久不知 在 。故景德云 . 長夜弗覺 • 、始聽無生曲 紀引輔行云 0 今從善知識 、方聞 、一色一 、佛性者 不死 o 無情 處 香無 或

無情 衆生 獨稱 名云 非別 攝 道 身相 句分別 0 所謂 如 屬 說 如常 故 是 無情 、衆生如、故一 知 • 卽 、一切唯心 • 0 . 無非 報 諸 何 是故 故 寂 • 、如是本末究竟等。諸法雖多、不出十界。界界互具 法如是相 獨外色 隨 切萬法 身編 無暫離時 。八者因果、從因從迷 不 光 順 中道乎 可分二。六約眞俗 情 -於諸法 悉檀 即法 具 、內色亦然 • • -是則一塵 無情 攝屬於心 身土 、如是性 。三千者 • 。既許法身徧 切法 說益不同 • 何獨 0 亦 身土 如 然 0 0 0 法 、如是體 、卽百界千如、三千性相 、具足一切衆生佛性 0 故淨名云 如無佛性 心外無餘 相 身 几 、且分二別。 • 真故 • 稱 者約土、 。三約事 -執異 切處 -何隔 、如是力 體 成隔 、是身無知 、豈復 • 0 、報應未嘗離於法身。況法身處 理 無情 從迷情故分於依 理 小教權 十者隨教 、從事 。從果 俗分有 、如是作、如是因 甄隔 。五約教 、亦具十方諸佛 從悟 、如草木瓦礫 無 0 0 • 教權理實 但云有 分情與 0 、三教 。二而 義隱法華 • 證教道說 佛 IE 性 情心 云 無 不二、思之可 0 從理 無 恆 情 、則成百界。每界各 、亦非今意 。若論 佛性 存 、如是緣 體皆徧 、圓 -0 、名出 從理 一智故 有 。九者隨宜 教 情 。是豈非一色 智者。經云 有情 徧 與 • • • -知 非 依 則 。又若論 有 豈隔草木 、如是果 、何獨 一身常 情 卽 情 0 0 七 又 是正 無 四四 0 約 在

法 法由介爾心造 名三千性相 具 衆生 + 切諸 如 法 • 亦然 是則成百界千如 念 • -攝法 亦 、即是 0 所謂 莫不 無 具兩 心佛衆生 事造三千。 遺 。吾人無心則已 重三千 0 復論 、三無差別者是也。 故 0 五陰實法一千 故 云 兩 云 重三千 • 、介爾 如 一念一 有心 • 。衆生假名一千。 同居一 切諸 、三千圓具 念 念亦復如是 0 如一 -是爲 依報 念 0 -心 旣 理 或 法如是 具 王 具 兩 三千 千 重 三千 0 佛 是

三觀行即、

六度 觀 ?即佛者 、 五 一正行六度 五品外凡位也 、圓 伏五住煩 0 隨喜 惱。與別十信齊 一讀誦 • 一講 而復大 說 勝 四兼行

念佛 理 云外凡 自 他 0 字位 、念念 謂 慶己 一法一切法、一切法一法、非一非一切、不可思議。如前 五品 中 既開 慶 相 應念念 人 -卽 • 員 爲 隨 解 喜 佛 喜 . 次依 等 0 0 故妙 故 0 云 員 玄云 隨 觀 解 喜 行 以 、若 者 卽 起 佛 員 . 人宿 於 行 0 雖 0 念心 植 境 日 深 境 智 厚 智 , 相 隨 相 應 0 或值 順 應 -刨 • 眞 名 知 諦 識 妙 爲 理 理 未 佛 -所 或 見 , 0 說 名 從 所 0 身 0 經 謂 隨 起圓 卷 是 0 . 念相 然 有 1 員 信 後 漏 聞 解 應 巴 妙 故 顧

心

淨

布

也

,

品

芽

大

與

不

轉

於

又

捨 涉 使 則 時 觸 行 行 說 如 此 I 事 布 意 犯 行 者 此 皆 0 0 倍 切 不 者 施 也 切 前 遊 七 以 與 0 五 若 捨 妨 入 法 療 增 賢 圓 品品 實 入 0 0 行 事 諸 理 觀 餘 趣 觀 明 七 相 0 行 員 忍 財 檀 位 E 福 Ŧi. 心 -得 信 禪 --是名第三品 時 媒 品 身 在 資 藏 力 功 不 -0 -未遑 檀 及 理 理 亦 初 德 相 靜 --1 涉 生 命 爲 機 不 如 Fi. 違 散 --法 則 法 涉 事 是 住 東 背 湿 無 • • 無畏 界 事 寂 事 無 + 通 煩 妨 0 万 0 事 11 位 具 滅 妨 教 惱 八 0 0 0 0 今正 位 若 等 故 彌 相 大 方 足 0 ---荷 品品 四 施 具 故 盛 中 雖 不 脩 解 -負 行 能 小 觀 兼 伏 不 釋 慧 云 0 -安 若 六 是 稍 行 佛 正 時 而 口 --名 菩 耐 度 行 運 明 六 持 齊 伏 爲 之 -六 第 薩 度 權 戒 懷 -0 喻 知 -0 -若 度 四 甚 刨 者 若 時 少 別 故 見 實 0 品 傍 信弁 布 大 施 雖 行 0 --云 -智 性 施 妙 位 兼 理 圓 是 而 精 0 -玄云 超 觀 重 時 此 利 0 圓 伏 初 於 進 -五品位 稍 究 譏 五 則 渦 物 正 Ŧi. 心 --嫌 正 聲 無 理 燒 住 了 身 0 觀 --等 行 行 觀 聞 能 煩 加 1 -而 通 無 邊 人圓 六 爲 辟 以 刨 俱 惱 勝 火 達 -差 取 度 能 支 少 見思 靜 IE 聲 益 0 0 别 着 觀 者 佛 施 傍 聞 乃 與 薪 --稍 事 無間 L 兼 初伏 别 無 至 0 0 1 -0 + 六 行 與 燒 利 # Ŧi. + 學 此 -當 部 法 法 度 爲 物 在 功 是 智 無 信 -事 學 界 界 傍 重 0 凡 第 退 -齊 德 -妙 依 理 刨 般 虚 居 治 鄿 -五 0 -3 欲 施 故 若 空等 玄云 品 正 具 若 PU 生 1 -此 戒 無 融 教 如 付 產 行 --等 卽 但 業 所 兼 頌 禪 0 經 0 -0

四相似即、

運證 心 相 位 斷 任 思 運 退 同 佛 斷 除 盡 0 四 與 界內外塵 住 與 别 别 此 沙 處 住 位 爲 通 0 • 行 齊 通 也 四 地 0 百由 若 辦 、名 而與義别 伏 藏 藏 初 旬 無 明 果 0 四 證行 果 • = • 初 齊 不 藏 0 退與 則 0 劣 心 IIII 别 也 復 運 至 向 勝 斷 心 齊 心 0 見 故永 0

佛 位 似 住 初 員 見 被 Fi. 也 句 理 倍 伏 0 標 皆 妙 深 0 0 不 玄云 以 至 明 顯 佛知 於 此 0 1 心 大 初 • 更 十信 進 見 外 此 信 取 而 員 下 爲 位 步 法 行 • 用 者 解 • • • 故 得 事 粗 釋 • 稱 入 初 垢 0 0 故 內 圓 上來 以 先 云 凡 落 位 員 聞 名 、名與別十 0 0 0 字 信 則 故 • 位 能 云 向 -名字 + 起 旣 所 解 開 信 圓 信同 之圓 內 信 員 , 全 凡 解 • 位 脩 同 融 • 0 而 别 於 妙 觀 0 義 教 內 圓 諦 行 大異 凡 + 0 行 • 者 相 心 而 0 . 也。 聞 善 似 • 圓 雖 巧 得 而 初 身 增 見 又 -信 益 Ŧ. 信 居 0 名 故 圓 有 番 • 令 信 漏 云 增 • 行 相 明 心 此 -而 圓 似 員 • . 以 相 行 刨 Ŧi.

教

觀

法 略 不 流 退 見 善 譬 助 也 營 等 2 惑 脩 前 亦 如 0 百 世 1 0 -0 玄覺 別 卽 解 與 = 級 復 冶 刨 法 0 0 0 莫 入 通 初 法 界 别 如 鐵 入 0 -信 出 第 第 略 = 住 界 平 大 可 t 是 -師 住 意 七 四 去 名 四 員 等 除 -0 0 念 通 故 四 等 慧 Ξ 地 融 加 巴 -在 -生 E 平 卽 四 齊 云 住 功 成 向 心 見 1 緣 乃 器 位 儔 等 入 證 用 地 而 心 五 0 善 行 會 六 信 復 偏 行 ---0 --不 藏 理 道 大 至 脩 • 由 並 心 眞 通 -善 連 初 位 勝 前 期 故 趣 在 此 通 --棲眞 脩 果 云 别 略 内 = 1 去 塞 0 0 • 教 證 思 慈 住 是 窺 刨 永 外 粗 -信 刨 愍 會 惑 圓 初 入 嘉 塵 斷 理 垢 -寂 斑 第 下 沙 思 不 至 初 通 心 -0 0 卽 盡之位 營 信 前 所 鐵 七 分 但 五 1 --皆 31 斷 入 故 觀 旣 入 信 功 而 1 定 八 教 名 於 證 伏 用 斷 第 不 被 0 如 思議 此 鎔 心 + 信 也 相 0 0 0 -念心 皆 八 處 以 而 應 而 云 心 0 0 -頌 善 善 使 營 境 顯 復 時 任 -而 -菩 故 脩 脩 IF 見 成 運 勝 大 云 粗 0 -薩 斷三 道 卽 方 惑之位 人以 勝 煩 垢 寂 力 劣 -品 休 之位 別 照 眞 惱 自 0 者 0 郡名 界思 此 住 不 落 IE 0 永 ---一發菩 劉 卽 卽 斷 嘉 員 期 由 0 --第 永 惑 頌 故 入 不 惑 信 斷 惑 而 -六 第 提 不 劉 稱 郡 雖 盡 雖 云 而 E 之也 之七 不 齊 \equiv 心 齊 退 而 名 任 自 0 -言 果 劉 運 退 進 也 轉 劉 -1 位 任 心 而 刨 心 而 0 0 -0 ---須 故 可 藏 是 + 運 任 現 至 解 解 0 0 之溫 劉 善 善 者 陀 云 運 除 名 信 行 行 通 菩 脩 勝 預 位 斷 四 脩 殊 極 任 者 -超 劣 不 諸 住 果 運 破 聖 州 勝 薩 正 -

解 員 沙 以 中 無 劣 嘉 爲 起 教 也 鐵 1 集 僅 明 故 此 由 行 1 緣 鐵 界 者 用 對 而 0 處 0 云 ---逐 是 實 輪 以 外 至 而 員 爲 _ -0 今 善 藏 故 相 + 1 中 求 此 + 七 除 齊 品 脩 於 不 不 住 信 + 信 + 匹 m -. 法 爲 住 若 行 凡 高 解 止 0 信 塵 云 顯 在 於 刨 沙 聖 麗 妙 勝 伏 勝 伏 --0 瓔 間 玄 相 六 塵 五 劣 此 無 0 -0 0 珞 善 刨 根 於 以 似 悔 H 者 沙 處 明 -位 清 脩 是 藏 入 韶 而 云 而 **三** ---策 學 無着 第 指 淨 觀 威 云 E 通 -• 轉 勤 八 師 師 永 初 圓 藏 0 0 -嘉 賷 今 不 名 精 信 護 以 七 則 圓 0 • 刨 法 教 或 圓 信 教 有 者 例 知 信 劣 進 心 似 + 入 部 師 中 七 無 與 者 心 0 -集 間 第 前 來 指 信 明 至 解 0 --0 劉 乃 第 + 註 爲 煖 + 使 爲 11 不 = 兀 至 界 台 伏 畿 願 Fi. 信 何 敎 -云 0 -願 品 內 始 教 思 頂 有 心 此 而 物 行 -昔 心 得 百 上 復 中 四 伏 杰 位 0 --品品 語 名 之 忍 劉 傳 入 興 句 0 • -0 位 亦 焉 是 尚 + 百 界 塵 末 而 雖 -• 當 復 世 沙 妙玄 信 法 外 Ŧi. 未 齊 則 正 0 今 代 如 第 下 問 伏 聞 也 不 . 0 • 是 名 爲 品 善 稱 螺 位 無 , 口 0 -法 台 若 善 脩 溪 妙 明 無 塵 0 永 0 __ 晉 義 脩 切 沙 嘉 教 中 所 不 . 論 而 0 賢 法 寂 湮 文 是 論 動 伏 除 -0 0 -之 觀 故 蓋 則 由 + 法 沒 0 伏 無 匹 1 根 卽 永 住 善 信 有 師 都 明 云 0 0 -之 明 因 別 份 入 嘉 勝 偹 中 由 本 0 -則 見 無 故 言 世 界 第 也 師 錢 集 教 前 生 善 入 九 奏 氏 中 = 雖 \equiv 思 0 0 藏 忍 海 相 脩 是 外 戒 讀 知 皆 -0 心 引 文 前 似 者 名 塵 至 東 永 有 爲 日

别 别 混 Ŧi. 住 + 有 0 品 又 向 + • 此 後 齊 境 -明 六 者 界 三位 根 根 0 1 此 卽 出 • -假 明 幷 亦 此 位 連 斷 下 0 惑處 Ŧi. 根 行向 也 品 出 0 之初 位 假 齊 四 相 也 百 -功逾 同 0 由 • 爲 故 0 旬 集 。如 H 頌 + 上根 向 註 云 0 八八 E 云 此 說 0 -亦 是 雖 至 0 化 約 約位 + 相 觀 似 信二惑空、 他之行 圓 行 斷證格量 融 • 坐道 三諦 0 永 假成 場 似 無 不 齊 退 -度衆 別 同 俗 轉 次第出 圓 備 -生等 理方 故 卽 云 假 離 通 行 0 之位 不 不 -齊前 可 退

五分證即二、初標列。二略釋、今初、

分 證即佛者 • + 住 · + 行 + 向 • + 地、 等覺、 聖位也。而名 義亦大同 異别

開 悟 無 自 佛 法 實 明 佛 然 界 相 知 分 知 和 見 見 眞 破 海 融 明 0 · 三 0 住於 諸 妙 • • 玄云 一德分證 巴 不 波 入平等法界海 羅 可 諸 思 佛三 蜜 -卽 、任運 議 0 德秘 旣 + 0 更十 行 證 生長 後 藏 三 無功 番 德 0 -更 故 智 0 • 自 十番智斷 用 斷 稱 卽 爲住 能分 道 行 , 破 化 • 身百 不 他 + 0 品 + 口 、破十品 -界作 思 功 無 行 德 議 明 • 是 與 0 佛 0 無明 眞 虚 示 0 空等 行 明 佛 故 念念 ___ 知 日 、故名囘向 分證 切行 見 故故 開 0 發 名 妙 卽 、念念進 玄云 爲行 佛 0 也 0 + 切 0 • 0 從 地 + 趣 + 願 十住 向 流 住 行 -是入 事 入 -• 後 理 是 平 是

等 後 法 佛 覺 窮 知 -等 荷 源 見 微 負 者 0 法 妙 細 • 去 界 玄 無 佛 明 衆 云 0 生 + 登 等 世 中 也 地 0 普 道 位 0 妙 入 山 者 頂 玄云 = -世 卽 , 與 佛 是 -觀 無 地 無 明父 達 漏 0 無 又 眞 母別 始 證 明 無明 + • 番 . 入 是 智 源 無 名有 底 劉 功 用 • -所斷 邊 破 道 際 + -智滿 品 獝 名 無 如 有 明 大 1 上土 畢 地 -竟 故 0 名 能 彻 淸 淨 + 生 地 0 __ 畿 切 彻 佛 最 0

二略釋

别 寶 心 0 初 0 現 所 初 住 身 觀 斷 0 百 初 • 界 居 任 與 分 别 運 實 無 名字 等 報 現 明 淨 前 相 證 佛 具 0 0 佛 亦 分 0 復 與 Fi. 別 分 眼 與 證 初 0 别 常 地 成 名正 般因 妙覺齊 齊 寂 若理 心 光 0 德心 淨 。發 緣、因名 住 0 0 0 善法 心身 住 五 念 不 白 名解脱德 -退 與 曲 無 別 旬 功 0 發 斷 地 初 用

此 且 + 略 住 作 位 四 -+ 從 相 分 似 0 + 故章 信 -安云 能 入 + -初 住 住 眞 \equiv 中 觀 智 現前 也 0 初 -住 無 功用 劉 -分 L • 無 斷 明 法界 者 -無量 無 明 品品 有 不 無 量 印 稱 品 計

教

觀

綱

宗

科

釋

圓之位 破 清 住 義 我 以 也 0 -0 0 一菩薩 + 不 住 淨 刨 對 至 0 0 -往 品 住 至 妙 現 心 \equiv 此 向 淨 無 開 名 大 無 法 + 法 身 三 所 心 明 0 , 權 名 住 身 百 觀 發 分 明 有 圓 了 以 • 實 從 與 界 任 無量 發 卽 因 爲 論 0 -1 有異 略爲 別 運 所 淺 湛 八 成 慧 德 · 三 三 謂 現前 至 + 然 相 功 解 性 德 0 深 德 德 在昔 十品 别 作 脫 • 地 應 • -優劣自 至 地 齊 圓 德 故 佛 者 -_ -全 住 者 者 \equiv 顯 此 名 智 切 0 云 -齊 卽 世 證 佛 住 開 正 斷 -0 -1 殊 妙 華 不 員 = 便 無 諸 故 發 大 • 住 德 玄云 成 嚴 功 分三 刨 佛 此 理 미 0 • 以 平 思 卽 性 是 云 用 歎 住 • IF. 別 及 覺 心 不 名 議 成 德 + -• --等覺但破十一 無 刨 般 住 初 能 日 解 至 __ -• 0 切 刨 發 不 明 是 發 脫 若 今 法 盡 0 假作 分 佛 + 八 首 德 開 身 故 心 心 0 斷 相 時 若 住 楞 發 法 番 0 云 -證 具 進 作 意 嚴 住 般 0 0 ---別 足說 定 卽 若 初 眞 發 佛 摩 便 也 初 品 成 住 成 住 因 教 0 無 詗 0 0 -無明 要之 湛 備 般 法 解 斷 + 漏 正 --是 凡 若 覺 心 有 身 脫 __ 地 然 -分 也 破 日 應 = 人聞 無 畢竟之空 德 • 0 --員 智者 刨 謂之三 無 + 見 所 量 0 0 初行 之 是 品 中 切 有 功 住 明 初 住 行 道 慧 德 實 也 無 --- \equiv 亦破十一品 身 迷 明 佛 卽 相 以 0 0 0 -亂 故 向 各 F 性 現 智 德 法 \equiv --第 華 名 具 德 員 不 身 身 -心 . _ 家 中 常 乃 百 發 嚴 緣 實 由 ___ 切 __ 道 無限 較 + 義 界 他 心 狂 佛 大 云 樂 無 住 中 是 善 量 彻 悟 法 第 理 -明 得 别 亦 也 初 世 性 量 0 0 0 -

覺 圓 之 行 論 十品 家 極 初二行 勳 名 别 果 + 教 -其 齊 住 妙 0 -位 只 覺 三 何 --進 則 實 緣 況 破 聞 + 品品 教 智 下 + 二品 三行 地 彌 斷 齊 0 與 故 權 0 0 不 若 員 權 四 無 -知名是 家 位 與 教 敎 明 + 而 稱 彌 儀 -爲 圓 廻 妙 高 云 向 二行 也 言 覺 0 • 圓家 以 敎 0 齊 -但 弱 别 亦 0. 若 不 是 實 教 破 開 奪 實 但 + -而 位 + 教 破 爲論 中第 住 品 彌 + 二品 • 無 F 合取 、別家 明 0 行 譬 無 0 三 也 如 明 行已 佛 + 邊 0 -與圓 設 故 心 方 爲 開 去 未 以 我家 初行 三十 靜 + 0 別 地 -之眞 齊 借 品 爲 0 職 尚 -與 + 因 所謂等 則 不 別 品 知圓 高 • 家 爲 -0 妙 定 + 祇 汝 家 饋 地 是 家

六究竟即、

究 竟 頂 卽 以 佛 虚空 者 -爲 妙 座 覺 極 , 果 成 清 斷 淨 法 四 身 0 品 等 眞一法相 微 細 界好 無 居 明 永 E 盡 ·品常· 究竟 寂 • 登 光淨 涅

亦

名

品實

報

無障礙

淨

土

0

性

脩

不

理

事

平

等

0

時 性 竟 刨 0 佛 更 者 無 • 窮源 法 新 徹 0 是 底 也 . 智 0 妙覺 器 員 極果 滿 0 者 故 法 • 觀 雲 經 云 疏 、從 云 來眞 -道 是妄 窮 妙境 0 今 • 日妄 位 極 於茶 皆 眞 0 0 唯 但 佛 復 與

後 佛 脫 脩 來 正 相 0 0 0 生 普賢 若 毘 成 無 不 所 顯 刨 -乃 盧 論 淸 所 相 遊 光 脩 相 -能 遮 教 淨 劉 無 0 刨 刨 好 觀 無 居 究盡 般若 法 三土 性 經 有 那 主 明 處 • -身者 名 也 無 云 . ___ ---諸法 無 故 徧 卽 無 眞 0 非 , 異 -常 此之三 實 釋 是 上 云 非 上 0 -顯 微 實 究竟 切 尊 士 E 泇 法 寂 相 特 相 法 光 品 牟 華 處 細 0 0 身體 劉 無 德 常 尼 實 八 0 0 ---邊際智 或 德 名 方 舍 明 極 寂 相 --究竟 名毘 如 光 那 是 遍 0 事 爲 • • 劉 勝 清 △字三 淨 刨 __ 理 -• 故 _ 釋 應 盡 滿 平 淨 土者 法 盧 -界 方 迦 更 無 等 遮 云 • 0 1 妙玄云 無過 種 虚 各 成 餘 故 點 世 那 11 , 空爲 究竟 覺 匹 0 0 . 云 0 • 所謂 亦 上 頓 不 故 淨 此 百 圓 龍 萬 座 卽 徧 • 土 縱 滿 -或言 故 不 證 圓 億 0 五 女云 , 3625 。.實報等 切 指 住 故 横 果 那 云 -究竟 道 究 脩 故 成 由 處 云妙覺極 , -場 卽 盡 稱 微 相 他 亦 0 不 性 妙 \equiv F 也 或 0 0 --登涅 佛具 永別 淨 土 以 如 並 上 0 -虚 增 果 别 品 法 F _ -安置 空爲 槃 無明 身 __ 勝 0 釋 足 -0 劉 常 而 Ш 名 相 0 , . 座 頂 父 PU 釋 說 \equiv 秘 具 好 無 刨 + = : 母 身 密 法 相 等 迦 有 0 • . 眞 7 名 以 藏 • 相 身 王 0 缺 故云 品 十二二 悉是 虚 法界 減 成 淸 刨 0 -空爲 寂 淨 中 諸 0 切 是 法 永 0 者 遮 佛 刨

那

-

佛

成

身

座

盡

最

觀法二、初

明初門接前

0

二明十

乘妙觀

。今初

性

如

解

此

未 地 此 H 通 IMI 敎 俟 能 向 受 法 被 接 乃 接 華 位 名 說 接 別 0 容 若 爲 0 0 0 方 有 乾 聖 按 故 接 得 轉 位 通 0 接 會 性 證 0 0 通 地 道 别 接 亦 教 别 刨 别 名 員 同 習 接 者 耳 成 員 圓 無 賢 義 别 • 0 • 僅 不 0 復 接 根 川 0 0 論 以 稱 聖 勝 聖 轉 接 住 淮 後 通 接 被 0 別 通 敎 接 滅 --保 接 卽 圓 八 諦 0 果 聖 登 中 爲 未 根 初 初 前 得 接 住 , 行 賢 便 0 0 -永 接 名 接 被 體 以 無 爲 通 接 0 别 若 聖 刨 -0 藏 若 佛 登 根 如

知 接 悉 無 此 者 具 分 教 0 + 佛 别 始 -住 如 性 法 終 見 好 0 0 • 思 惟 桃 雖 無 是 言 以 纔 李 劉 高 說 佛 . 接 尚 道 知 -眞 彼 佛 佛 -平 當 見 諦 法 常 體 纔 而 . 顯 桃 而 寂 爲 李 又 滅 用 -刨 能 事 0 -見 則 接 故 0 具 平 名 前 以 常 法眞 界 最 教 外 + 桃 之 佛 如 李 滅 機 諦 法 --員 涿 爲 0 0 旣 融 成 故 初 門 是 妙 好 云當 佛 桃 諦 0 李矣 體 無 法 -論 故 刨 -世 是 佛 何 0 接 上 人 容 1 根 義 而 思 • 議 能 旧 如 0 接 是 有 中 -别 下 血 故 -思 接 性 云 之 亦名 根 者 通 口 0 -

教

不名 教 聖位 汰 是 故云 之位 改 、大志 0 • 亦 接 下 轉 可 . 0 非 容 根 接 名 世 知 -起發 所 有 以 聖 0 0 . 三藏 七 樂 勝 按 轉 初 0 進 位 0 入 心 八 通 0 乃於靈 豈肯 通 1 足 教 0 0 -別 機 根 此 八 別 卽 人見 廻 圓 未 \equiv 教 成 -Ш 根 斷 11 義 與 穩 賢 皆 惑 高 向 大 地 0 -會 若 隔 而 屬 位 處 大 -是已 齊 劉 被 胸 聖 絕 -. 始得 故 位 惑 接 懷 --云 證 倘 證 故 大 --聖果 入 保果不前 故 眞 故 未 志 云 證 按 實 云 0 -果 接 卽 位 接 -___ 0 便 賢 故 聞 聖 名 0 -直 生滿 得 别 不 聖 斷 0 -俟法 永 接 聞 員 登 無 0 賢 無 足之 大 E 地 明 -接 教 根 華 刨 己 0 -證 義 想 乾 E 便 . • -方 或 改 慧 八 中 1 0 0 得 證道 必 自 有 1 道 途 性 見 位 會 經 謂 易 轉 地 入圓 轍 地 全 方 所 入 --等 得 名 被 以 大 可 -故 接 耳 彈 宏 乘 轉 接 -多 劉 斥 0 不 無 0 云 0 僅 故 名 所 見 中 -1 思 般 縱 接 根 論 稱 云 未 接 塵 聞 轉 0 -海 大 入 轉 Ŧi. 沙 --

法 成 乘 者 觀 思議 境 0 廣其 ・車高 眞正發菩提 心 0 設又 憾於 蓋其 、上 張

乘

觀

法

通 善 塞 巧 0 安心 亦車 作外枕 , , 六調適 觀 0 丹村大安 無作 置 道 四 品品 以 • 圓 七科三十七 觀 , 破三 分 惑 偏 0 壯有 0 等大 風其 力白 、疾 等牛 如 、肥 Ħ. 善 識

涌 0 住 九 能 -乃 安 主 相 忍 等 法 策 妙 進 0 -Ŧi. 方乘 助 、是 開 直寶 口口 員 至乘 道、 Mi 理 場遊 0 、於 而又 DL 侍多 衞僕 根 0 之從 觀 境 離 知 -法 卽 次 愛 於 位 0 境 策 0 令 中 於 -具 增 足 -令 慢 法 入

0

根

從

展

轉

至

1.

ハ

-

隨

中

得

具

法

0

F

根

須

用

111

0

無 徧 現 隨 現 法 皆 釋 難 前 前 觀 得 無 落 義 破 8 性 意 以 爲 0 0 念 界 前 惑 爲 第 識 所 . 之心 觀 則 五 所 0 -. __ 不 全 根 觀 境 觀 則 能 具 耙 識 不 頓 H . 0 0 思 1 證 百 非 則 又 旧 -界 是 現 捨 初 議 知 E = T 起 界 境 機 德 ili -之少 切 如 起 時 入 之人 者 秘 諸 \equiv 則 小 藏 -. 千 分 於 法 但 心 0 0 -觀 則 佛 中 則 性 + 故 1 謂 IVA 界 於 衆 爲 相 旧 -皆 初 是 中 以 陰 佛 生 0 有 發 無 現 法 1 -0 -ナ \equiv 自 心心 前 又 太 安 1 樂 時 性 全 落 捨 高 無 體 差 念 性 前 __ ---界 第 衆 便 無 几 別 0 0 則 六 陰 成 牛 他 iLi 0 0 若 意 佛 性 外 法 H TF -具 覺 更 落 旧 太 法 識 -足 無 無 觀 廣 0 ___ 1 -圓 界 爲 衆 則 共 百 識 0 所 妙 是 性 界 陰 故 牛 -道 定 千 必 法 觀 旧 0 . 品 慧 無 如 具 境 又 就 1 無 故 現 平 百 七 0 0 ___ 則 因 界 近 等 11 八 在 性 T 皆 莊 而 自 0 不 識 己 到 若 嚴 如 復 -無 陰 於 頓 要 思 0 0 . 微 界 議 事 性 以 則 3 忧 此 理 亦 此 細 入 0 0

彼 岸 0 則 爲 登於菩薩 正位 0 則 爲 永超 + 魔 八魔 0 則 心 心流 注薩 婆若 海 0 是謂

根

人

•

祇

於

_

法

•

具

足

+

法

乘

也

張 婆 誓 法 其 若 無差 義 設 諦 車 願 1 爐 皆 之 海 高 0 安 天 别 源 第 蓋 廣 0 \equiv 者 知 樂 發 底 者 0 善 云 性 心 • 0 -文 何 釋 文 切 故 巧 0 安 句 法 具 諸 義 句 _ 佛已 云 心 云 員 本 0 第二 不 發 止 妙 --譬 思 道 悟 假 觀 -者 議 品 切 眞 名 四 -我 無 發 IE 車 -0 0 若 是謂 發菩 量 有 到 及 0 衆 事 登 衆 高 雖 德之中 發 發 生 提 廣 理 F 彼 中 心 心 心 相 -岸 根 住 獝 者 1 0 心 滯 譬 人 -0 0 -慈悲 迷情 若 仍 登菩薩 則 如 • 是定 於第 散 雖 來 動 最 觀 知 0 見深遠 二眞 高 慧平等 IE 由 心 -未 位 是 -• 未 普 IF 能 緣 0 登位 覆 發菩 莊 能 超 無 • 横 嚴 八 作 頓 切 提 魔 周 四 入 0 0 應 世 + 徧 諦 法界之邊 心 0 具 念 魔 破 應 0 -心 足 \equiv 殷 念 0 體 + 惑 L 重 心 法 發 佛 際 本 111 0 乘 流 起 衆 來 知 -寂 豎 牛 也 入 四 薩 徹 照 切 弘 0 -

體

明

淨

0

則

徧

 \equiv

惑

0

證

安樂

性

0

具

道

品

0

到

事

理岸

0

登菩

薩

0

超

越

魔

境

0

善

巧

調

滴

0

或

以

刨

寂

之照

令

木

沉

沒

0

或

以

卽

照

之寂

,

令不

浮

散

0

浮

沉

病

除

-

心

安心止觀

具足十

法

乘

也

薩

婆

若

0

知能

切破

法

本不

思議

0

初

發

心

時

、便成

IF.

覺

0

是謂

上下根

人位

於第

三善巧

莊 如 而 滅 不 0 具 根 釋 丹 0 寸. 嚴 到 此 非 滅 方 足 利 必 義 卽 事 那 悟 展 不 者 於 赤 0 --0 是 後 若 理 轉 滅 無 第 0 • 所 光 岸 謂 簡 爲 念 生 根 祇 觀 四 --後 中 責 待 續 鈍 觀 譬 0 0 以 4 登菩 具 + 無 念 耶 者 念三千之境 圓 無分別 一念三千 -若 根 念 足 續 0 \equiv -薩 爲 破 1 能 而 耶 + 觀 前 -位 悟 立 乘 自 破 法 0 於 若 念 入 耶 無自 0 也 0 • 第 滅 若 惑 超 無 仍 則 0 0 -猶存 四 越 生 爲 不 猶 必 生 徧 -後念 破 魔 待 悟 計 無 未 性 者 法 境 不 亦 悟 他 意 、若 1 1 偏 生者 有 必 續 卽 0 解 0 -當 入 念 耶 必 破 當 具 雖 -薩 足 亦 度 當 他 悟 未 以 0 0 + 則 爲 婆 無 入 度 止觀安心 入 知 -若 前 法 知 相 入 則 念 無 當 乘 而 待 念 相 必 0 -生 下 計 切 知 V. 假 亦 續 也 卽 0 諸 ___ 耶 中 滅 假 共 無 空 0 • 心仍 切 法 亦 中 生 假 0 0 0 法 爲 破 中 應 不 則 中 0 本不思議 待 滅 共 未 觀 應 無 -0 悉 非 此 觀 應 安 , 不 -後念 有 有 必計 ---此 生 以 0 念三 + 安 念 未 74 • 、得卽證 便成 樂 非 無 續 念三千 性 千 性 無念 耶 大 諦 而 正 1 圓 簡 0 0 0 爲前 責之。 覺 具 而 爲 展 顯 寂 • 爲前 立 待 圓 轉 0 照 -定 道 耶 有 念 破 + 本 品 念 非 念 盡 其 體 乘 0

其

疾

如

風

者

•

八

IF.

中行

•

速疾到薩婆若

,

故其

疾

如

風

0

得 釋 於 入 槃 破 法 第 薩 能 中 義 -婆 浬 向 Ŧi. 安 -0 若 悉 第 識 槃 破 0 法 有 寂 通 由 Ŧi. 0 安 識 塞 知 滅 此 1 樂 則 具 通 識 1 -破 性 足 切 無 通 塞 + 法 復 却 者 寒 0 法 故 成 但 本 生 • 若 除 乘 不 塞 死 1 世 思 刨 其 雖 0 0 議 今 則 病 約 塞 因 能 須 成 0 -不 成 具 善 便 通 成 足 識 除 • 0 相 煩 其 IE 圓 通 覺 惱 塞 法 續 妙 道 削 相 0 0 0 定慧 菩提 若 待 品 如 塞 金 0 -徧 莊 須 錍 到 -嚴 菩 破 去 事 破 膜 諸 理 提 0 -岸 若 徧 通 養 惑 通 珠 破 達 0 0 仍 登菩薩 須 0 -感 無 護 如 未 郢 入 復 0 0 是 者 位 煩 如 厅 謂 去 惱 聖 0 -堊 超 應 中 Ŧ. 0 輪 存 思 中 越 生 根 魔 鼻 死 寶 切 1 境 卽 0 能 那 諸 湼 0

車 外 枕 -亦 作 軫 者 -文 句 I -車若 駕 運 -隨 所到 處 • 須 此 支昂 0 譬 刨 動 而 靜 -刨 靜

0

而

動

慧莊 於 釋 H 0 事 令 義 思 嚴 理 其 議 0 彼 增 第 0 -徧 岸 刨 長 破 是 調 0 -登菩 三惑 而 圓 適道 成 心 品 薩 Fi. 念 0 證 付 力 處 者 得諸法皆安樂 0 0 0 -若 超 調 ili 越 停 雖 念 魔 七 識 境 覺 處 通 塞 0 -. 性 入 趣 -薩 切 仍 八 0 是謂 未 婆 IF. 心 若 道 念 能 中 處 卽 0 0 下 知 開 塞 0 根 圓 IE 成 ----勤 人 切 通 = 策 法 • 解 0 於第六 脫 應 本 發 不 門 觀 0 現 思 緣 . 調適道品具足十 議 而 如 前 入 意 ___ 0 定 念 便 秘 成 藏 = -千 而 IF. 0 覺 則 牛 性 爲 五 相 0 法 定 根 不 到

於膚 有 大白 色充 4 肥壯 潔 多力等者 形 體 姝 好 等 • 文 集 註 云 -實 相 爲 車體 1 道 品 爲 前 導 • 故 喻 白 4 0 者 -等

.

0

思 始 有 釋 主 議 義 事 無 -理 事 始 0 0 便 第 行 事 成 幻 爲 障 七 障 治 對 正 助 未 覺 故 除 治 0 助 IF. 0 0 0 定慧莊 豁 助 開 應 然證 合 審 者 + 行 觀 -若 法 嚴 入 察 -不 乘 雖 -0 -·惜 位 徧 何 調 破 相 身 漳 練 分 命 無 偏 惑 明 作 0 重 誓當 道品 0 0 1 證 則 數 安 爲 尅 數 , 樂 永 證 現 而 觀慧 性 超 起 -魔 終 0 0 具 弗 力 網 兼 弱 足 懈 以 0 圓 入 息 事 • 妙 薩 蓋 行 0 道 婆 由 漳 -若 品 事 而 偏 對 起 理 0 0 是 治之 知 -謂 不 治 切 能 下 0 -法 能 入 理 位 本 根 斷 觀 不 無 爲 必

於

第

七

對

助

開

具

足

也

0

僅 釋義 退 又 多 以 小 0 僕從 策 凡 邨 0 進 安 濫 八 五 那 聖 至 而 品品 侍 + 0 -旣 招 者 衞 -而 知 過 之者 -然 階 位 不 + 次 輕 對 -治 僕 信 -0 不 助 從 故 0 旣 起 須 開 -階 之時 深 使 1 十信 人 自 慢 以代 簡 0 -察 縱 必 • 六 有 令 手 -根 爲 鈍 足 強 究竟 清 軟 根 0 譬諸 淨 諸 -必 那 麓 0 得 皆 事 0 -順 惱 爲 有 相 道 亂 益 分 行 法 證 法 眞 0 耶 偹 倘 --易 而 不 0 0 生 須 爲 知 能 法 加 相 付 助 愛 安忍 似 開 次 實 耶 0 -須離 起 理 0 不 抑 增 11 法 動 亦 1 愛 不 僅 慢

教

横 四 用 方 非 而 1 入分眞 大權 豎 直 0 横 至道 實 豎該 。入 -大 場 分眞已 利 徹 0 自運 益 也 • 大 一、分得 功 畢 無 住 -運 大 0 他 是謂 理 不 、大誓 休 下 根 0 故 人 願 此 --具 大 + 乘妙 莊 脩 + 嚴 觀 法 . 大 而 . 全 成 智 一性起 斷 大 乘 -脩 大 0 乘 徧 • 全 是 知 脩 大 • 大道 顯 乘 性 • 遊 非 於

道 乘是 場 寶 -譬 乘 妙 遊 覺果 於 四 方 海 直 0 言 至 從因 道 場 至果 者 -寶 • 皆不離十乘妙觀 乘 • 譬 + 乘 妙 境 也 0 四 0 方、 譬住行向地四十位也

0

三結 歸 0 示偏 • 指 IE 、防 非

又復應知、 說前、三教、爲防偏曲。文意所歸、 正歸於此 0

云說前 復 昭 上 揭 正歸於此 應 明 無餘 知 五 三教 時 0 前 。又 通 別 0 說 -是以開章五義 爲 恐 藏 八 學者一 通別 防 教 觀 偏 曲 \equiv 法 教 味 0 -山家宗趣 雖 通 頓 漫 、悉宗圓融者 漸 詳 有序 、判 明 教 釋 、自行化他 • 判 無歸 理 釋有 0 細 -0 良有 權 方 辨 實失當 行位 全 。若教若 由也 憑法華圓妙之旨 0 殊 。是 非 觀 一家 以不 、若 得不加結 正 事 意 若 0 0 理 爲防 故云文意所歸 . 辭 示 歧途 • 簡 故 意 云 盡 故 又

上 莊 同 盡 悉 若 下 願 生 此 有 濟 郣 嚴 以 竣 _ 見 極 50 1弗 菩 三 此 ** 郣 提 閒 途 重 淨 功 國 具 10 春 苦 思 土 漣

電 地 承 地 編 教觀網崇科釋 話:(〇二)三四一三八〇八·三九四九五二三 址 即 址 輯 台 世 南 蓮 投 北 因 樺 縣 市 寺 水 ÉP 新 里 大 生 刷 鄉 專 南 頂坎 企 學 路 業 三 村 生 圳 段 有 齊 頭 六 限

巷

十

五

號

公

司

戒

學

會

中

華

民 或

七十六年六

月

恭

印

三千

册

號

Ξ

樓

